

LIST OF MEMBERS OF FOURTH MIZORAM LEGISLATIVE ASSEMBLY, 1999.

Sl. No.	Name of the Constituency	Name of Members	Address
1.	Tuipang	K.Rckhaw	Hunthar Veng, Aizawl
2.	Saiha	Zakhu Hlychho	Chaltlang, Aizawl
3.	Sangau	H.Rammawi	Tuikual 'A', Aizawl
4.	Lawngtlai	C.Thanghluna	Assembly Hostel
5.	Chawngte	Nirupam Chakma	Assembly Hostel
6.	Tlabung	N.K.C Chakma	Assembly Hostel
7.	Buarpui	Lalrinzuala	Zohnuai, Lunglei
8.	Lunglei 'S'	J.Lawmzuala	Assembly Hostel
9.	Lunglei 'N'	Dr R.Lalthangliana	Kanan Veng, Aizawl
10.	Tawipui	Z.H.Ropuia	Salem Veng, Lunglei
11.	Vanva	C.Lalrinsanga	Bazar Veng, Lunglei
12.	Hnahthial	F.Lal Thanzuala	Zohnuai, Lunglei
13.	N.Vanlaiphai	R.Lalawia	Tuikhuahtlang, Aizawl
14.	Khawbung	Zoramthanga	Chaltlang, Aizawl
15.	Champhai	K.Vanlalauva	Venghlui, Aizawl
16.	Khawhei	K.L.Lianchia	Electric Veng, Aizawl
17.	Saitual	R.Lalzirliana	Armed Veng North, Azl
18.	Khawzawl	Aichhinga	Babutlang, Aizawl
19.	Ngopa	F.B.Rosanga	Kanan Veng, Aizawl
20.	Suangpuilawn	H.Laltanpuia	Venghlui, Aizawl
21.	Ratu	Lalthen Kunga	Chhinga Veng, Aizawl
22.	Kawnpui	Senghmingthanga H.Fautu	Chhinga Veng, Aizawl
23.	Kolasib	Rualchhina	Luangmual, Aizawl
24.	Bilkhawthlir	Lalchamliana	Electric Veng, Aizawl
25.	Lokicherra	Tawnluia	Kanan Veng, Aizawl
26.	Kawrthah	K.Sangthuame	Electric Veng, Aizawl
27.	Mamit	Brig. T.Sailo	Kanan Veng, Aizawl
28.	Fhuldungsei	J.Lalthangliana	Republic Veng, Aizawl
29.	Sateek	B.Lalthengliana	Bethlehem Veng, Aizawl
30.	Serchhip	Er K.Thangzualla	Chanmeri Veng, Aizawl
31.	Lungphc	Vanlalhlana	Venghlui, Aizawl
32.	Tlungvel	L.N.Tluanga	Electric Veng, Aizawl
33.	Aizawl 'N' I	Dr. Lalzama	Chaltlang Lily Veng
34.	Aizawl 'N' II	F.Malsawma	Chaltlang, Aizawl
35.	Aizawl 'E' I	Lalhmingthanga	Khatla, Aizawl
36.	Aizawl 'E' II	H.Vanlalauva	Chhinga Veng, Aizawl
37.	Aizawl 'W' I	Col.Lalchungnunga	Bungkawn Vengthar, Azl.
38.	Aizawl 'W' II	Lalrinchhana	Tuikual 'A', Aizawl
39.	Aizawl 'S' I	R.Tlanghmingthanga	Venghlui, Aizawl
40.	Aizawl 'S' II	C.Sangzuala	Chaltlang, Aizawl

MIZORAM STATE
FOURTH LEGISLATIVE ASSEMBLY

GOVERNOR
Fu A. Padmanaban

SPEAKER
Fu R. Lalawia

DEPUTY SPEAKER
Fu Vanlalhlana

SECRETARY
Fu H.L. Chunga

CABINET MINISTER

1. FU ZCRAMTHANGA
CHIEF MINISTER

1. Finance Department
2. Agriculture Department
3. Horticulture Department
4. Political & Cabinet Deptt.
5. DF & AR
6. General Administration Deptt.
7. Secretariat Administration Deptt.
8. Vigilance Department
9. Economic & Statistics Deptt.
10. Planning & Programme Implementation Department

2. FU LALHMINGTHANGA
DY. CHIEF MINISTER

1. Power & Electricity Department
2. Industries Department
3. Soil & Water Conservation Deptt.

3. FU TAWNLUIA
MINISTER

1. Home Department
2. Public Health Engineering Deptt.
3. Taxation & Excise Department

4. FU R. TLANGHMINGTHANGA
MINISTER

1. Public Works Department
2. Co-operation Department

5. FU LALRINCHHANA
MINISTER

1. Land Revenue & Settlement Deptt.
2. Animal Husbandry & Veterinary Deptt.

6. FU RUALCHHINA
MINISTER

1. Forest & Environment Deptt.
2. Printing & Stationery Deptt.

(ii)

- | | |
|-----------------------------------|--|
| 7. FU AICHHINGA
MINISTER | 1. Food & Civil Supplies Deptt.
2. Trade & Commerce Department
3. Relief & Rehabilitation Deptt. |
| 8. Dr R.LALTHANGLIANA
MINISTER | 1. Rural Development Department
2. District Council Affairs Deptt. |
| 9. FU F.MALSAWMA
MINISTER | 1. School Education Department
2. Information & Public Relations
3. Law & Parliamentary Affairs |
| 10. FU K.L.LIANCHIA
MINISTER | 1. Health & Family Welfare Deptt.
2. Sericulture Department |
| 11. Col.LALCHUNGNUNGA
MINISTER | 1. Social Welfare Department
2. Labour & Employment Department |

MINISTERS OF STATE (Independent Charge)

- | | |
|-------------------------|--|
| 12. FU B.LALTHLENGLIANA | 1. Higher & Technical Edn. Deptt.
2. Sports & Youth Services Deptt. |
| 13. FU H.VANLALAUVA | 1. Local Administration Department
2. Fisheries Department |
| 14. FU J.LALTHANGLIANA | 1. Art & Culture Department
2. Tourism Department |
| 15. FU LALRINZUALA | 1. Transport Department
2. Prison Department |

.....///.....

S P E A K E R : "Rorelnaah thleibik in nei tur a ni lo, mi telloh mi lian inang rengin in ngaihthlak sak tur a ni; Tumah in hlau tur a nilo. Rorelna chu Pathian ta a ni si a".

(Deut.1:17)

Vawiina member absent (leave) dil member Dr.R.Lalthangliana Delhi-ah hna tul bik avangin a awm a ni.

Tunah question kap la nghal anga. Pu Sanghmingthanga H.Pautu i lo sawm ang.

PU SANGHMINGTHANGA H.PAUTU: Pu Speaker, Industries Minister zahawm tak, chhan atan - Sorkar hian Geology & Mining Wing (tiin kan han dah a) hi Department puitlingah dah tumna a nei em? Tum nise engtik hun atangin nge?

PU LALHMINGTHANGA DY. CHIEF MINISTER : Pu Speaker, member zahawm tak Kawnpui bialtu zawhna chhanna kha hetiang hi a ni a.

(a) Geology & Mining Wing hi Sorkarin Department puitling a dah tumna (definite proposal) a la nei lova. Hetih lai hian tih len anih phawt theihna turin kawng hrang hrang dap mek a ni.

(b) -na chhanna kha (a)-na chhanna khan a keng nghal mai a. A hun tura hi kan la sawi thei rih lo a ni.

PU SANGHMINGTHANGA H.PAUTU : Pu Speaker, zawh belhna - Geology & Mining Wing hi kan hriat angin kan ram hausakna, Mineral Wealth te han khawih tak tak tur hian anni hi an pawimawh dawn tih chu kan hre tlangpui theuh chu a ni a. Kan Minister zahawm tak khan tihlen tumna a awm ani tih kha a sawi a, a lawmawm hle a. Department puitling a hlankai hi nisela a fel awm mange aw tih kha ka ngaihtuah a.

Tunah hian an dinhmun-ah department ah hlankai dawn ta ila Financial involvement awm lutuk lo niin a lang a. A tih lenna a kha chu department hrang ani emaw nilo emaw khalai kha chu thudangah kal sela. A chhan chu ram zau tak an nei a, office building pawh chhawng li zet an nei a. Tin, quarter te pawh 10 zet an nei a, anmahnia workshop te pawh neiin.

Tin, Budget te pawh head hian an nei a, Finance & Accounts Officer te a hran an nei a, practical in a hranpa liau liau in an awm ani ber a. Chutah chuan a tawngkam a appropriate chiah em ka hre lova, loose angreng deuh takin Director of Industries in a enkawl ani ber a. Loose angreng kan tih nachhan a chu Director of Industries lam kha an tha love ka tihna lam nilovin, a technical personnel anni lova. A technical ho a kha Geology & Mining Wing lama kha anni si a a. Chuvangin, thil proposal lam kan siam ho a kha helama Industry ina hei leh chen a lo enkawl tawh a a lo tihpui-tlin chhoh zelah hi chuan, dahhran chhoh mai a kha a remind a lang a.

Tin, chumiah chuan sawi tak ang khan, financial involvement hran awmin a lang chuang lova. Expansion Scheme hran siam a nih chuan loh chuan. Hmanniah khan lawmawm takin Geology & Mining te nen pawha kan thawhona kan ram hausakna te pawh kan dap chhuah tur-te ruahman chhoh zelna ah te pawh khan. Anmahnia Geology & Mining Wing a te kha a pawimawh tur anni si a. Helama thil tihfel tawh Industries Office lama kan tih chhoh leh thina kha, dual administrative matter ang deuh nihna te pawh changin ka hria a. Chumi avang chuan financial involvement tehchiam tur nisilo, engkim a practical a a hranpa a awm tawh (function) an nih bawh si avang hian, tihhran mai law law hi kan Minister zahawm tak kha kan ngen duh a.

Tin, chubakah entirnan, hemi keimahni ram chhungah chuan engemaw te pawh a lo la awm anga, khatah kha chuan a la ziaawm ah ngai ta ila. Amah-erawhchu, ram pawnah te meeting lo awm dawn ta se tuna a kal danah chuanin Industries Department ina a enkawl anih avangin Industries Director lam kha kal lo thei lo emaw a lo ni anga. Chumi tawiaawm tur chuan a technical person Geology & Mining Wing lam a mi kha kal tel ve reng a ngai anga.

Tin, expenditure pawh hi TA/DA ah pawh a va hautak zawk awm ve tihte ngaihtuahna a awm thei a. Chumi anih avang chuan sorkarina tihlen a tum anih rau rau chuan department hran in awm ta mai sela, chak zawkin a thawh theih anga. Third person ang deuh a kal reng mai kha chu a buaithlak a. Khatiang alo nih avang khan hetilaia dah tumna a kha tunah khan la awm chiah lovin, tihlen tumna kha dah mai ni ta zawk se sorkar tan pawh a ziaawm zawk dawn lawm ni ang. Practical ah pawh engkim harsatna awmlo niin a lang tawh si a.

Chumi anih avang chuan kan Minister zahawm tak khan chuti zawng zawk chuan turn pui turin kan ngen duh a ni e.

PU H.LALTANPUIA

:

PU Speaker, zawh belhna kan ti dawn nge ni, ngaihtuahna tizau tu atan - Geology & Mining han tih hian a geology zawka hi

Pu Speaker, hei kan Aizawl khawpui te In leh lo ropui tak tak kan din a. Amaherawhchu, engtik hunah nge (Natural disaster) kan ti dawn nge ni, lirnghing te pawh kan la tuar thei dawn niawm takin mithiam te pawhin an chhut niin ka hria a, chung ang atan chuan he kan Geology Wing hian eng angin nge hma a lak? Ruahte nasa taka a sur chuan patling tam tak hi kan mutui tawh lo a ni a. Chuvang chuan Geology Wing lam atang hian a in unlawkna emaw a lo zir lawkna emaw hi an nei tawh thin em? tih kha kan zawt duh a. An la neilo anih chuan Pu Speaker, kan Geology & Mining Wing ho hian khatiang kawng zawng khan hna hi an thawk chho tur a ni dawn lawm ni tih kha kan zawt duh a.

Er. K. THANGZUALA : Pu Speaker, zawh belhna - Geology & Mining hian Ground Water Exploration Development & Management hi an keng tel a. Tahchuanin drilling rig te leh Geologist mithiam te kan nei baw a. Chutiang baw chuanin PHE hianin Ground Water Exploration Development Management thlengin hma an la baw a. Khata tana khawl tul leh mithiam Geologist te pawh an neiwe thoya. Tichuanin, hna thuhmun si department 2 in an enkawl ve ve a. A khawl tul ang an nei ve ve baw a. Amaherawhchu, tlema a danglamna chu Geologist ho hian a drilling thleng khan an ti a. P.H.E. lam chuan a water supply thlengin an bei a. Hetia sorkar pakhat hnuaiia department pahnih in hna pakhat enkawl a sum then hran ngai hi a pakhat zawk zawk hianin he hna hi a enkawl theih mai lawm ni? tih ka zawt e.

S P E A K E R : Chhang turin Pu Lalhmingthanga kan lo sawm anga. An zawh belhna kha an main question lo vek ani a, i chhan theih chuan han chhang tho la, information atan pawh a tha a.

PU LALHMINGTHANGA : Pu Speaker, member zahawm tak tak ten zawh belhna an han siam kha lawmawm ka ti a. A main question ka rawn chhanna ah khan he department hi tihlen phawt tura hmalak mek a ni a. Hemi ina a rawn ken ho a kha han sawi ilangin a tam taka kha chu a chhang ngai anga. Pakhatna ah chuan Geology & Mining kan nihna ang hian kan ram, Mizoram State ramchhungah hian leilung hausakna a chhugril a awm chi hi eng ang nge awm tih hmuhchhuah tumin department hian nasa takin kan bei chho

a. Chunga kan beihchhohna ho a chu Oil chungchang thuah Petroleum hi kan ramah a awm em tih O.N.G.C. te nena correspondence te neiin, hma kan la a. Hei hi tun aia mumal zawka tichho turin plan te pawh siam chhoh mek a ni a. Tunah hian kan ramchhungah hianin oil structure hi hmun 31 velah identify a ni tawh a. Chumi zinga 10 chu chiang lehzuala en tura buatsaih ani a. Tin, pahnih pheih chu O.N.G.C. te nena correspondence te nei zelin thil awmdan mumal taka kal chhoh pui zel a ni a.

Tin, a dang lehah chuan sale limestone kan tih hemi lung chhuat leh bang cheimawina atan te a tha chi awm a hi hmun 5 ah kan ramah hmuh tawh a ni a. Chumi chu Industry ah siam tumin hma kan la a. Amaherawh-chu, helaiyah hian consultative firm Calcutta G.I.E.M. te nen memorandum of understanding sign in, heng kan shale lime stone a quality dik takte leh deposit a hi eng ang chen a tam nge tih hriatchian theihna turin, tunah hian hma kan la chho bawk a.

Tin, khang bakah khang, nichina member zahawm tak Suangpuilawn bialtu Pu H.Laltanpuia'n a rawn zawh ang deuh khan hma thar lakna tura hi tunah buatsaih mek kan nei a. Disaster management unit a hi hemi Geology & Mining ah hian tel thei selangin kan rama natural disaster hi 1982-83 chho ah te, tin, 1992-93 chho ah te sinking problem hemi lei tlahniam problem te a lo ni ta a. Sihpui ruamah Aizawlah te, Vaivakawm Company peng lamah te. Tin, Chhintuipui, Saiha leh a chhehvelah te nasa takin kan tuar a. Tichuan, Aizawl, Lunglei leh kan khawpui hmun hrang hrangah hian R.C.C. structure building te a lo tam telh telh a. Hengah hian Geology & Mining hian assessment tha tak a siam a, thil a kalpui loh chuan harsatna lam zawk a awm a hlauhawm a. Kan tawh tawh hovah pawh khan department tin-reng tangkhawmin a mawhpur tur bik leh, tunhna a lo thein leh zelna turte pawh a dang lo siamtha zawng awm chiah lohna a kal te pawh a awm thei a. Chutah chuan Geology & Mining tih tur thui tak kan neiin kan hria a. Chumi atan chuan report te siamin proposal te kan buatsaih mek a. Kan Chief Minister pawh kan sawipui tawh a.

Tin, chubakah chuan Minor Mineral Control Act hi hman ni ve ta selangin chu chuanin kan lung neih zawng zawngte classified a, tin, lungah pawh khan a hlu deuh chi te pawh kan ramah a awm thei a, khang ang te kha tun ang nilova mumal zawka kan building materials te pawh hi kan mamawh dan a zira kan neih sa te pawh classification pek theih dan kawng zawng ta ila, chumi wing unit te pawh chu ti tel ta ila kan ti a.

Tin, lirnghing chungchang thuah hianin seismic observation kan State ah hian unit kan la nei lova. Engemaw thil harsa deuh bik tur structure lian deuh awmna turah te chuan P.W.D. lam atangte leh Power & Electricity lam atangte leh Agriculture leh department hrang hrang atangin Geology & Mining Wing hianin assessment min siam sak tura dil chang awm mahse hengte hi mumal zawka tih a ngai a. Chung ang chi hrang hrang tuna activities atana a la hman chiah loh a hman chhoh thar tura hi tunah hian a paper kan

buatsaih mek a ni. Tichuan, Geology & Mining Superintendent te'n a team in Mizo tlangval thiam tak tak te kan nei a, paper tha tak tak an rawn buatsaih a, chungte hmang chuan sorkar in hmalak chhoh mek a tum a. Member zahawm tak Kawn-pui bialtu Pu Sanghmingthanga'n a han sawi kha expenditure tam vak pawh ngai lovin department ah hian a din chhoh theih mai lawm ni a tih lai a kha khang ang ho activities hrang hrang tuna kan tih piallam ami han ti tur chuan financial involvement pawh engemaw chen chu a mamawh dawn a, churang chuan hemi department thar a hrang hlaka han dah mai tur chuan definit proposal hi kan la siam chiah lo a ni. Mahse khang thil 2.2. kha thil tul nia kan hriat avangin kan State mamawhna a requirement awm nia kan hriat avang hian hma kan la chho mek a.

Tin, kan member zahawm tak Serchhip bialtu Pu K.Thangzuala'n a rawn sawi kha a dik khawp mai a. P.H.E. lam hianin underground water drilling leh a management a hi an ti ve thova. Keini lam pawh hian kan va ti ve a. A awmdan taka hi P.H.E. requirement zawka kha an-mahniig min rawn hriattir a. Tin, keini pawhin keimahni iniatiative a tun thlenga kan tihna lai chu a awm a. Helai hi chu kan pahnih a theihtawp kan chhuah pawh hian a P.H.E. lamah pawh an equipment leh machinery te leh an financial resources te a la tam tham lova, kan tang tlang chung hian public demand hi kan meet zo lo rih riau a. Engpawhnise, keini drilling rigs te leh hengho hi chu heng activities dang ka han sawi thliah thliah te kha kan tih chhoh theih dawn hi chuan underground water resources lamah hi chuanin kan hmang tlem chho tawlh tawlh emaw a ni anga. Tun thleng hi chuan thildang seismic thil te leh Geology assessment disaster management chungchangah te khan hma kan la lak theih chiah rih loh avang hian drilling rigs hi khati lamah khan requisition ang emaw deposit work angte in hnathawkin kan tir thin a ni.

Tichuanin, thil tha ber tur chu kan thlir ho zel ang chu, department duplication hi a hlauh-awm viau a, tun thleng hi chuan kan la duplicate rih lova, kan tihna lai hi a la hrang ve ve zel rih a ni. Mahse kan thlir chho zel anga, tin, risk classification map hi Aizawl leh Serchhip tan buatsaih mek a ni a, chumi risk classification kan han tih a chu entirnan Serchhip te saw han en ta ila, saw mi a kawn tak atanga Lunglei lama kan kal sawn permanent sinking area ka nei a, englai pawhin a tlahniam reng a. Aizawl lamah han kal leh ta ilangin saw mi Serchhip kawn atanga A.O.C. lama luhthlak in tlak lama kal thlak in a geological condition a weak em em a. Tin, Serchhip chu district thar a lo ni a, khawpui thar dinna tur a ni a, churang chuan a geological condition hrechiang lova thil tih kha a him tawh loh avangin a risk area leh khawilai spot nge ni kha kha khata tan khan classify tur tihte kan zawng mek a. Tin, Aizawl ah pawh hian chutiang chiah chu a lo ni ta a, hei, entirnan Zemabawk ah sawn sawmi Pioneer hmun kan pelh a Highlander Workshop te thlen pheih hma si ah kan hre theuh a permanent sinking area te kan lo nei ta a, khang geological condition te kha hriatchian a ngai a, Sihpui ruam te hi kum 10 dana che reng a lo ni ta a, Vaivakawn lam company peng

pan chhukna te hi kum 10 dana che reng a lo ni ta a, Ramhlun te angte pawh saw a lo ni ta a, chungah chuanin 'risk' classification hna hi tunah kan thawk mek bawk a ni. Khang kha tunah chuanin activities te tak te te mahse tun aia lian zawka kalpui a enlarge ngai anni a, chungah chuan financial resources leh equipment tha zawkte leh instrument tha zawkte kan mamawh dawn a, heng zawng zawng hi mumal takin kan la rawn chhawpchuak anga, chutih hunah chuan tun aia tangkai zawk hian kan function theih kan beisei a ni.

Tin, chubakah hei mineral water industries hi din turin kan bei chho a, kan vanneih viau na chu kan rama kan tui hi mineral water an ni sa a, mi ram a man to taka kan lei thin a hi helaiah production kan siam theih can awlsan taka tih theih dan kawng pawh awmin kan ring a. Hei hianin kan ramah production thar min pek pawh kan beisei. Kha kha kan kalhmang rih tlangpui chu a ni e.

S P E A K E R : Starred Question number 2 zawt turin Pu Zakhu Hlychho i lo sawm ang u.

PU ZAKHU HLYCHHO : Pu Speaker, ka zawhna no.2-na Supply Minister zahawm tak chhan atan - Buhfai chhia hi sorkar hian a ti riral thei lo em ni ? tih ka zawt e.

S P E A K E R : Chhang turin Pu Aichhinga i/c Minister, Food & Civil Supplies i lo sawm ang.

PU AICHHINGA MINISTER : Pu Speaker, member zahawm tak, Saiha bialtu Pu Zakhu Hlychho zawhna kha kan chhanna chu - tun.dinhmun ah chuan buhfai chhia, damaged rice sorkarin a neih hriat a nih rih loh avangin a tih riralna lam ngaihtuah a la ni rih lo, tih kha kan chhanna a ni.

PU ZAKHU HLYCHHO : Pu Speaker, zawh belhna - hei buhfai chhia kan nei lo a ti a kan Minister zahawm tak min rawn chhanna ah khan. Hmanniah keimah

ngeiin V.I.P. quota ah kan nauten an lak theih loh avangin engnge a chhan tiin retailer ah ka kal a. Retailer chuan, "Buhfai a chhe lutuk a kan khul duh la a", a ti a. Vawiin ni thleng hian MLA quota pawh hi kan la thei lo a ni, buhfai chhiat lutuk avangin. Pu Speaker, July thla a session ah khan i hma ah ngei, he House ah ngei hian, Zoram mipui ina buhfai kan ei hi a chhe lutuk a ni tiin godown a mi kan rawn la a, i dawhkan ah ngei kan rawn dah a, He House hriatpuiin, nangmah ngei pawhin, kan Minister zahawm tak hi khatiang buhfai chhia kha lo dispose a buhfai tha zawk chah chhuak turin he House ah hian i rawn a. Amaherawhchu, vawiinni thleng hian buhfai chhia hi Mizoram mipuiin kan la ei a ni. Retailer tam tak kan zawh ve ah chuan retailer ten buhfai pawh an khul ngam tawh lo an ti a ni. A chhan chu quintal khat an khul ah hian 25 Kgs. hi a hlawm a ni a. Kha kha a buhfai tha nena han pawh khan mipuiin an khul leh duh silova, han pah dawn sela 25 Kgs. 20Kgs., 30Kgs. deuhthaw kha an short zel si a, chuvangin buhfai chhia hi an khul ngam lova. Pu Speaker, hei doctor te sawi hi a dik ka ring a. Kumin atang hian heng kalna, lung na tihte, mit a lungte awm tihte hi a pung nasa tawh a ni tih hi doctor te sawi dan a ni tlat mai. Kan buhfai ei chhiat lutuk avang hian kan zun kawngte pawh a chhe vek a niang tih hi ka ring a ni. Chuvangin, hengte hi kan Minister hian he House a sawi lo chu ni ila thuhran, session hmasa ah kan sawi tawh a, vawiin hei thla ruk deuhthaw ah hian improvement pakhatmah kan hmu lo hi a paw ka ti a. Kan Minister zahawm yakin-a tuna buhfai chhia a awm la a ti mai a kha, godown hi a tlawh ve ngai lo em ni? A nih leh a ni hi Minister anih avangin supply buhfai hi a ei ve ngai lo em ni? Mirethei tena kan ei hi a va chhe em em ve tih kha ka rawn zawh belh a ni.

PU R.LALZIRLIANA : Pu Speaker, kan Supply Minister zahawm tak, Minister a lo nih hlim, January ni 22, kumin khan Press Conference naah khan,

Press mite hmaah "Bagha ah, Silchar velah buhfai lo thleng ru a, a tha a chhia a lo thleng thin te kan man chhuak a. Chuvangin, tunhnuah chuan hetiang hi a awm tawh ngai dawn lo a ni", a ti a. Amaherawhchu, tuna ka hma a an sawi ang khan buhfai chhia vawiin niah kan la ei ta reng mai a. Hei hi, khalaia an man chhuah a te kha an hrem ta lo nge, kha mite khan thildang engemawni an rawn rawlh a, puanhnuai thil a awm a, a pangngai kha an rawn supply leh ta mai, tih kha ka zawt duh a.

Tin, vawiin niah hian super fine rice man tho kan pe si a, engatinge heti em em a 'C' rice ai pawha chhe zawk, a hmanni ah ka bialahika han kal a, kudam ka zu tlawh a, a lungchhiatthlak hle a ni. Kha lo chu ei tur an hre silova. Tunhma UT hunlaia ran ei atana tawh vel awm ang kha tunah hian mihringte min eitir a ni. Chuvangin heng zawng zawng hi a dispose theih mai em? Ran chaw ah kan duh tho a, tih kha ka han zawh belh duh a.

Tin, chu lo chu hemi F.C.I. te hian ka lo hriat dan a dik leh dik loh ka hre lova, ka fiah lova, direct a an rawn phurh, an kudam a an dah hi chu tha tak tak a ni tih min hrih a, keiin ka hmu ve lova. Kha-tiang anga tha tak tak an rawn phurh theih si a keinin a chhiah a kan la ei reng hi engemaw ni a chhan le tih kha ka han zawh belh ve e.

PU C. THANGHLUNA

: Pu Speaker, kan Minister zah-awm tak kan hmanah khan a hun lai chiah chu ka hre tawh lova, Mizoram a buhfai F.C.I. ina an rawn thawn a hi a chhiat lutuk avangin thawn let a ni a tih thu kha a sawi a. Mizoram a buhfai chhe lutuk an rawn thawn a hi engzat nge thawn let a nih tih kha ka han zawh belh duh a. Tin, an thawn let a nih pawhin kha an thawn let a kha an rawn thawn chhuak leh mai a ni lo maw heti em ema kan buhfai a chhiat tak hi. Hei hi an Chiang em tih kha ka han zawt belh duh a ni e.

...10/-

Chanchinbu a kan lo hmuhdanah chuan 14 crore profit anga a sawi kha an profit dan tlangpui min hrih thei a ngem ? Tin, essential commodities a bik takin Buhfai te, Khawn-vartui te hi chu no profit, no loss a kal tura ngaih a ni a. Hetiang taka hun rei loteah a tam theihna chhan hi hriat a chakawmin ka hria a. Buhfai te, K.Oil te hi Sorkar rate aia sangin an hralh ta em ni ? Hetiang taka an profit theih tih ka zawt e.

PU LALCHAMLIANA : Pu Speaker, ka lawm e. Buhfai tha tak kan oi reng theihna tur hi kawngkhat awmin ka hria a. Mizorama kan buhhum thar hi a tam tham ang reng hle mai a. Mhse, kan leilet hi phai vai hovin an enkawl a, an mahni chan kha Mizoram-ah hralh lovin vai ramah an hralh thin a. Khatiang ang kha Mizoram ah lei ve theih dan a awm lawm ni ? Kudam te, a leina hmun te siamin tih kha kan zawt a ni.

PU AICHHINGA MINISTER : Pu Speaker, zawhbelhna Pu Zakhu an a rawn tih kha Sorkar hian Buhfai tha chu kan hre tehmeuh mai a, kan Buhfai hi a tha lo engngemaw zat a awm a. Damage-ah erawh chuan kan la puang lova, tunah hian kan enfiah mek a. Buhfai chhia eitlak loh tak tak leh dispose theih tur, a man tlawm zawk emaw, a chhia anga paihchhuah tawh tur ang chi kha kan en mek a. Buhfai thalo kan tihte, a chhia kan tih te kan ti danglam hret a, Buhfai thalo kan nei teuh mai tih kan hria a. Amaherawh chu a chhia a puan a, dispose tur ang khan kan la tichhuak thei lova, tunah hian kan entir mek a, Kudam tinah kalin Buhfai chhia damage h hi chu tihral vek tumin kan in buatsaih mek a ni.

Kan Buhfai te hi tun dinhmun ah hian engemaw zat a awm a. Chumi chu a chhiat chhan hi a tlangpui thuah chuan FCI atanga hmu kan ni a. A thalo chin hrim hrim a kha chu kan Kudamah te la lo turin kan inhrih vek chungin khawilalah emaw divertte a lo awm thin a. Kan check-na hmun a check lova lo kaltlang pawl a lo awm a. Chungo chu kan check kim sen loh te an ni a. FCI hian Buhfai thalo kan han tih chi URS kan tih chi hi 10% hi min pe tel hrim hrim a. Chumi chu Central Sorkar ah pawh pek tel turin an lo dil a, a n lo phalsak a, chumi 10% a chu a chhia hi kan nei tel hrim hrim a ni.

Chu ngawt aipawh chuan a phur tute han phurh chho zel hian rin aiin strick a lo har si a, chu aia tam chu turah hian kan nei a. Theihtawp a a tha zawka kalpui chu kan tum a ni.

MLA quata chu kan retailer ten a thalove an tih a, an khul lo anih chuan kan va hriatpui si se lova, an report lemlo a. Buhfai the kher laksak sheu an tum avangin lak tur an hmulo pawh a ni ang e. Mahse tunah hian lak theihin a awm ka hria a.

Tin, hemi Buhfai hrim hrim hi 'C' rice emaw super fine rice emaw a hranpa hian kan la tawh lova, a vaiin hmunkhatah alo kal vek tawh a. Hei hi FCI atanga a lo kaldan ani hrim hrim a. Kan hriat tlanah pawh a tha hrim hrim a ni. Hmanah khan thawnlet angin sawi a ni a, thawnlet tihah Kolasib leh Bairabi khu FCI Kudam a ni a, khulaiah khuan a chhia kha lak loh tur kan ti a ni mai a, an thawn let leh let loh a hi chu FCI kut lam a ni a, keini chuan a tha chin lak tur kan ti a. A phurtu zelte hian a tha phur turin kan ti a, kan beisei bawk a ni.

PU C.THANGLUNA : Pu Speaker, zawhna han siam belh leh ka duh a. Buhfai chhia 10% kha kan lei tel lo thei lova, Central phalnain lei tel ani a ti a. Chhimlamah sawn a chhiain ang vek Kudam khatin a awm si a, a chhia vek kha chhim lamah in-rawn thawn bik tihna em ni ?

PU AICHHINGA MINISTER : Pu Speaker, kan thawn bik hauh lova, Buhfai chhia kha. Buhfai hi kan ngah avangin kan dah mek a te pawh hi tunah hian a chhe chho mek zel a. Kan endik mek a ni reng a ni.

Pu Rokhaw khan 14 crore chung-chang thu, ka statement kha min rawn zawta. Buhfai manah hian kumtinin Buhfai man tur hi kan Finance Department atangin pawisa hi kan la chhuak thin a ni a, Budget kan neihdan angin. Kumdang zawng zawngah kha chuan kan Buhfai man atana kan lakchhuah leh kan Buhfai sale proceed atanga kan hmuh a hi kumdangah chuan vaibelchhe 18 te hi kan hloh ziah thin a. Kuminah tunthla kaw chung hian kan pawisa lakchhuah aiin kan pawisa pek luh a hi cheng vaibelchhe 14 in alo pung ta a. Supply Department-in helai hi hmasawna ropui tak an neia ni tih kan sawi a ni. Kan sale proceed leh kan pawisa lakchhuah a inthlahna, kumdangah vaibelchhe 18 te kan hloh thin lain tunah vaibelchhe 14.....(R.Lalzirlina : tuna kan hlep a tih kha tun hmaa mi leibat an thin kha kan hlep a ti mai a nilo maw).....tun hma chuan an lo ba anih pheih chuan engahnge khati zat kha an lo bat tir tih kha a ni ta a. Tunah erawh chuan kim takin pawisa kan sale proceed te hi Treasury-ah a luh tak avangin cheng vaibelchhe 14 lai kha kan lo profit thei ta a ni.

PU ZAKHU HLYCHHO : Buhfai hi a hlep in a hralh theih hleinem, engtinge an hlep theih ? Kha a hlep dan a sawi kha a dik lo tlat a ni. Term hmasa a buhfai sale deposit atanga an chhutin kan hlep a ni a ti mai a ni lawm ni ? Buhfai hi a hlep awmin em ni an hralh Pu Speaker, Khalai kha sawifiah ka phut a. Tin, session hmasaa a sawiqh khan Buhfai chhia kha kan thawn let a ni tih a sawi a, kan Minister zahawm tak hian, Mahse tunah khan a thawnlet loin a sawi leh si a, Session hmasaa a sawi kha a thiatleh ta em ni ?

PU AICHHINGA MINISTER : Pu Speaker, thawnlet leh letlo lampang kha a thupui ber lai a ni lova, FCI Buhfai vek a ni a, anni chuan an duh leh an thawn let leh ang a, an duh leh Tripura-ah pawh an thawn ang a, an thu thu a ni. Keini erawh duan helai a an kudam FCI Kudamah khan a chhia kha chu lak loh tur kan ti a. Keini chuan kan chanai tur min pek kha kan thawnlet kan ti a ni. A tha min pe rawh u, a chhia kan la duh love kan ti a ni mai.

Tin, Buhfai hi kan hmuhnaah hian a tlangpuiin Kg-ah Rs.9/- angin kan hmu a, public a kan pekchhuah lehnaah hian Kg-ah Rs.9.50 a ni a. Kg tinah hian 50p hi chu a hlep awm hrim hrim a ni. Tun hnu-ah chuan alo lut sa pawh a ni thei e. Engpawh nise, kum-inah chuan kan lakchhuah aian kan pek leh hi vaibelchhe 14-in apung ta hrim hrim a ni. Chu chu achievement ro-pui takah kan ngai a ni.

S P E A K E R : Pu Chakma zawhna Mizoram Buhfai chungchang thu kha i chhang leh lawk thei em ?

PU AICHHINGA MINISTER : Pu Speaker, ka lo hmahpalh a ni. Keimahni rama kan Buhfai tharte procure leh leive mai hi a theih mai lawm ni ?

Phailamah a lut thla zel tho si a, tih kha a ni a. Tun maiah chuan, keimahniin Buhfai lo lei ve mai theihna kan nei lova. FCI hian an procure-a. Tin, lo procure tur hian central atangin fund kan hmuhte a ngai a. Chumi chu kan hmuh theih rih si loh avangin FCI lakkhawmsa kan lo ring zel rih a ni a. Amaherawhchu, kan tum len ber erawh chu FCI Buhfai pawh la lut lova, keimahni ram ngei atanga kan eikhawp thar tumin hma kan la mek zel a ni e. Tunah hian lo procure ve tumin FCI Buhfai kan lak thin hi lo la duhlo ngawt ila, kan eikhawp kan la thar baw si lova. Tin, tlemte lo procure ve ngawt khan kan ram eikhawp a daih baw si lova. Chuvangin, tunah mai chuan kan ram Buhfai tharte hi kan la procure ve mai thei lo a ni e.

S P E A K E R : Starred Question No.3-na Pu R. Lalzirliana zawt turin ilo sawm ang.

PU R.LALZIRLIANA : Pu Speaker, ka zawhna No.3-na Power Minister chhan atan -

"Tuirial (Hydel Project) khuah mekah hian a sub-merge area a huan nghet lo ram lo nei tawh te hnenah compensation pek tumna a awm em? tih katzawt e.

S P E A K E R : Pu Lalhmingthanga, Power Ministerin chhang turin ilo sawm ang.

PU LALHMINGTHANGA MINISTER : Pu Speaker, Member zahawm tak Pu Zira, Saitual bialtu zawhna chhanna kha "Tuirial Hydel Project khuah mekah hian a chim tur area-a compensation pek tumna hi a awm a ni tih hi a chhanna.

PU R.LALZIRLIANA : Pu Speaker, hei hi tumna a awm a. Tun hma atangin mi tam tak-in hnathawk hlei thei lovin, a chim tur area-ah hian an awm tawh a. Amaherawh chu, a Dam site vel amite wawiinniah an pek zawh vek lai hian, helamah hian ala reh vung vung mai a. Hei hi tih hmanhmawh dan deuh a awm em? tih leh Tuiruang lamah khan kan kal daih anga, khuah lampang thil tho a ni a. Bhamaputra Board khan Tuiruang khuah chhun-zawm tumna kha an la nei em? an nei anih chuan an khuahna hmun hi engngeni a hming? Tri-junction anti niawmin kan lohria a. Hei hi engngeni an phuahna chhan, Mizoram leh Manipur irina lai maiah khan khuah an tum niin hriat a ni a. Chutiang Tri-junction alo nih takah chuan Cachar nen ram pathum anga zuk sawi a, Cachar ram anga zuk sawiin kan ram hi kan hralh mai dawn em ni? Kha kha engngeni a chinchang min han hrilhfiah thei deuh em?

PU H.LALTANPUIA : Pu Speaker, kan ngaih-mawh zawng deuhte pawh Question ka han thehlut ve a. Amaherawhchu Session a tlem avangin kan tih-hman loh tur zingah tepawh a tel dawn niin ka ring a. Chuvangin, a relevant lai berah khan kan ngaih-mawh zawng han tih lan kha chu loh theih lohah ka ngai a. Compensation tih chungchanga-hian, ka bial a Tuivai Hydel Project National policy 100 days Agenda min rawn tel saka, kan Power Minister leh kan Serkar chung a lawmthu kan sawi tak meuh meuh a. Amaherawhchu, hmanni khan ka bial ka han fang a, Phuaibuang kha hi in 300 vel an ni a, an lawm em em ruala an rilru tihah tu chu, Tuivai khuah tur khian

an rambawh kum ruk bawh ngawt mai kha a tichhe dawn tlat mai a ni, Lovah neih theih tawh loh turin a awm dawn si a, tichuan a bak kum hnih bawh nualbek ram an tihte kha chu loa an neih kum apianga an tamna hmun a ni, bawh si a. Chuvangin an lawm rual rualin Phuaibuang khu mipuite khian Power tam tak hnuaiah hian riltama thut hi an hmabak niin an hria a, Chu chuan khawtlang aiawh te leh nu leh pa tam takin an lo sawi a ni a. Helaiiah hian kan Sorkar hian engangin nge ruahmanna a lo siam tih hi hriat a thain ka hria a. Tin, Pu Speaker, Phuaibuang khua hi a khua hi sawn a ngai si lova. Amaherawhchu, an ram kum ruk chhung bawh kha a tichhe vek dawn bawh si a. Chutih-laiiah chuan kan Sorkar hian ruahmanna a nei thei em? A bik taka ngaihtuah a ngai hlein ka hria Phuaibuang khi. A Sorkar levelah chuan a khuaa insuanchhuak tur ang chi kha chuan an eizawna nge nghet kha a remchang thei a. Amaherawhchu, a khua suanchhuak silova, an ram kum ruk chhung ngawt rambawh kha a tihchhiat bawh si chuan, ril tam chiah kha an hmabak kha a ni mai si a. Pu Speaker, compensation han sawi takah chuan Tuirial Hydrel project leh Tuivai Hydrel project chungchanga ka bial Phuaibuang khuaan an lawm rual ruala an rumna khi engtianga solve thei nge tih hi kan Minister zahawm tak kan zawt duh bawh a ni e. Ka lawm e.

S P E A K E R : Awle, Tuirial zawhna alo kal a, Tuivai-ah kan lut chho dawn a, hei hi chu kan MLA zahawm tak ten tun hnuaiah chuan chin tam loh ni sela. Mahse, a main question neitu pawh khan a ni tho va, kan duh hi chu kan zawt thei a. Tuivai pawh kan zawt thei a, Tuirial pawh kan zawt thei a. Mahse kan zawh loh ang zawnga kal daih hi tunhnuaiah chuan tih loh hram hram tum ila. Tunah erawh chuan kan Minister in-charge chuan chhan chu han tum tho sela.

PU LALHMINGTHANGA : Pu Speaker, chhan kan tum zel
DY. CHIEF MINISTER phawt mai ang a. Tuirial Hydrel Project hi central sector-a ni a. Mizoram Sorkar, Ministry hmasa lamah khan May ni 29, 1996-ah Memorandum of understanding India Sorkar nena sign-in an hnenah hlan tawh a ni a. Amaherawhchu, Central Sector a ni na chungin a State-a hi kan ram leilung anih avangin kan bawhzui chho zel a. Tun thla ni 2 mai pawh khan ka Office-ah hemi chungchang thuah hian NEEPCO hemia implementing agency-ah an Chairman leh Officer lian tak takte pasarih lo kalin meeting kan nei a. Hemi a submerged area compensation chungchang thuah hian NEEPCO hovin a pawisa hi an rawn tum tur a ni a, kan sawichhuak nawn leh a, anni chuan kan rawn deposit vek ang an ti a. A piahlamah chuan, Revenue lem District Administration khami assessment te leh a pawisa sem chho kha chu a tih tur a ni. Khumi a bul hnai a Dam site a mite kha chu tihfel tawh a ni a. A piahlam a

lui hnar a mi pawh hi, Sorkar hian kan Sector nilo mahse kan khua leh tuite interest anih avangin kan bawhzui zol tih kha kan hrih duh a ni.

Tin, Tipaimuk khuah chungchang khan, tunah chuan Brahmaputra Board hi a construction Agency atan hman a ni tawh lova. NEEPCO hnenah hian tun kum June thla atang khan an hlan tawh a ni. Tichuan Brahmaputra Board ho kha chuan hemi hna hi an thawk tawh dawn lova. NEEPCO hian an thawk chho a-ng a. Anaherawh chu hetah hian decision final ala awm chiah lova. Manipur Sorkar sawn, Manipur state chung ram tam tak a shim dawn avangin enchian leh an duh a. Chu chu Joint team verification tunah hian an ti mek a. NEEPCO te leh Manipur Sorkar hian. Tin, he Tipaimuk High Dam tia an koh maia hi Flood control measure tifel titih tura buatsaih a nih avangin, Manipur Govt. hnuaiiah pawh Power & Electricity Department in an chang lova. Agriculture & Irrigation Department hnuaiiah awm thin kha, tunhnaiah khanin Manipur Govt. quota in Electricity Department ah sawn a ni a. Chutiang chuanin a tha lam deuh hlekin tunah hian kal chhoh a ni a. Tin, thu tlukna mumal tak an la nei lova. tun tahrik ni 22 mai pawh khan kan in phone a, Delhi-a NEEPCO Organisation te leh Manipur-a an Power Minister, Pu Govinda te nen, mahse thutlukna mumal a la awm thei rih lo a ni.

Tin, a location chungchang*
thuah hian tri-junction tih hi a dik em? tih kha hei hi a dik lova, tawngkam satluah a ni mai a ni. Assam ram, Assam terrioty hian a khuahna lai tura hi a rawn hre pha lo hrim hrim a. A khuahna lai tuna buatsaiha chu, heta tanga han kal a, Sakawrdai atang khian Vaitin ah a kal pheih ta a. Vaitin atang hian tuna an khuah tumna laia hi Km 7 vela hla a ni a, a piahlam chiah kha Manipur State lam a ni ta a ni. Trijunction anih lohna chhan chu, Assam Sorkar ramchu khami hmun tak atang kha chuan khutah Tuimangdung thlang feah a ni ta a. Trijunction tih an koh thin a hi a dik lova, a dik loh thu hi Central Sorkar-ah leh Muco hote hnenah pawh hian Manipur Sorkar-ah leh Mizoram Sorkar-ah pawh hian kan thlen tawh nghe nghe a, Assam Territory-ah a tel velo hrim hrim tih a hi chu kan clarified tawh a ni.

Tin, Tuivai kha, Member, zah-awm tak, Pu H.Laltanpuian a rawn zawh kha, Phuaibuang-ho lungngaihna a tih kha a dik chiah reng a ni. Hei hi kan hrelawk a. Forest & Environment clearance chungchang thuah tah hian exercise nasa tak kan nei tawh a. Tun thla November ni 2 khan hemi khuaptu tur, executive agency, NEEPCO ho tho an ni a, Tuivai hi Central Sector a ni a.

....16/-

Tin, tuna Ministry thar a rawn din leh khan lawmpuina sawi pahin kan Prime Minister leh Power Minister te 100 base Agenda-ah min telh theih chuan tiin ngenna ka zui siam ve ringawt a. Anni pawhin an rawn telh ta a, hemi 100 to 200 MW hi. Tichuanin, chak taka kalpui an tum a, chumi chak taka kalpui an tumnaah chuan Phuaibuang khua chauh nilo hian, khilai a sketch-map area kan ti mai ang a, a ruahtui dawnthleng, chungah khianin khaw 15 a awm a ni. Chumi zinga khaw khat chu Phuaibuang hi a ni a, a khawlian ber pawh an ni a. Hemi khaw 15-a lo neia eizawngtu, Pu Laltanpuian an sawi a, an kum ruk bawh chung tia Phuaibuangho pawh an sawi kha, khatiang anga kum tin lo neih sawna, eizawngtute kha, khatiang anga eizawng tawh lova permanent rehabilitation nei thei turin hmalak chhoh a ni a. Chutah chuan environment board ho Pi Mrs Mesra hovin a hmunah kan enho tawh a, June thla khan kan en a. Tichuan, ka office-ah mumal takin discussion kan nei a. Tin, tun Nov. 19 ah khan khutah Delhi-ah meeting neih leh a ni a. Chutah chuan, kan Sorkar atang hian hemi Rehabilitation Eifel tur hian Dr O.B.Singh, kan Agriculture Director hi thawn thlak a ni a. Project report siam a ni a. Chumi project report siam chu tha an ti em em a. Tunah report pawh alo thleng let leh tawh a. Tichuan, Environment ho pawhin chu chu an pawmpui a. Heta a rehabilitation pawisa a hi a project cause-ah khan telh tur a ni a. Chuvang chuan bialtu MLA pawn, hemi Phuaibuang chauh pawh nilovin a effected area tur, Suangpuilawn bial chhunga mite hi, Assembly Constituency chhunga khaw 15 te hi mumal takin lo hril selangin.

A sketch siam hna hi kan reserve dawn a, mahse an mahni eizawna tur an rehabilitation programme-a hi he project ah hian a tel vek a. Kha kha mumal taka tih tura ni tih, inremna Central Levela engkim siamfel a ni tawh tih a kha min hrilh selangin a tha awm a. Chu.chu kan thawk chho mek zel a ni.

* Speech not corrected.

S P E A K E R : Starred question No.4-na zawt turin Pu Lalchamliaana ilo sawm ang.

PU LALCHAMLIANA : Pu Speaker, ka Starred Question No.4-na, Rural Development Minister chhan atan -

....17/-

- (a) Sorkar Laipui atanga Miretheite chawikanna Schemes 6(paruk) hai IRDP, TRYSEM etc. te hi engvanga tihtawp nge ni ?
- (b) A thlakna tur scheme a awm e ?
- (c) Awm nise, engtika hman tan theih tur nge ni? tih ka zawt e.

S P E A K E R : Achhang turin Minister concerned Pu F.Malsawma i lo sawm ang.

PU F.MALSAWMA MINISTER : Pu Speaker, Member zahawm tak Central Sorkarin he scheme hi a rawn tihtawp vanga tihtawp a ni a. IRDP hnuaiia Self Employment Programme chi hrang hrang te khawtlang hmasawmna tur lam hawi zawng aia, mimal hamthatna lam hawi zawnga hman anih vang te, IRDP hnuaiia Programme hrang hrang heng ang, IRDP, TRYSEM, DWCRA, SITRY, GKY leh MWS te inkara programme khat anga thawh hova programme te leh, SGSY hmanga mirethei (BPL) te chawikan an nih theih nan Sorkar Laipuiin IRDP leh Scheme dangte hi a titawp a ni. Pu Speaker, hei hi kan hriatchian atan thain ka hria a, Central Sorkar rawn tihtawp a ni tih hi kan hriatchian a tha awm e.

B-na, a thlakna tur scheme a awm em tih kha chu, Awm e, tih a ni a. SGSY, SWARNJAYAN te Gram Swajona Yojana tia a hming thlak a ni.

C-na, awm nise, engtika hman tan theih tur nge ni tih kha, Ni 1.4.1999 atanga hmantan nghal a ni.

PU LALCHAMLIANA : Pu Speaker, hei hi Mizoramah chauh nge tihtawp anih a, India ram pumah tih kha kan zawhbelh duh a.

Tin, Ni 1.4.1999 a hman tan tur tih kha vawinah hian a takin kan la hmu lova, mipui hian kan nghakhlel hle mai a. Hei hi han sawi relevant hram kan tum ang a, a zawhna kha. DRDAah hian ka hriat dan a soal loh chuan, a khawihtu hi, a scheme khawihtu mi tlemte tih loh, mi tlemte te tih hi chu permanent employer an awm lova, temporary tlem te an ni. Temporary-a awm hi hrehawm an ti em em a, chu chu, regular-a awm ve te an chak a, he scheme thar atang hian regulara dah theih dan awm em? Tin, he scheme hi atang hian regular-a tih theih dan a awm em? Chuti anih loh chuan he Scheme-ah pawh min muangchan tir thei dawn ani lawm ni aw tih min ngaihtuah tir a. Chuvangin, hemi scheme, mirether chawikanna khawihtu, DRDA hnuaiia Staff regular hote hi regular-a dah thuai tumna a awm em tih kha kan zawhbelh duh a ni.

PU K. VANLALAUVA : A in relevant bawh turah ka ngai
a. Sorkar hian BDO kan tih,
Block Development kan siam
deaha kha, Suangpuilawn leh
Khawbung tih velah te khan hma thar lakna te an nei em ?
A ngaiin ala awm reng em ni ? tih kan zawhbelh lawk teh
ang ?

Dr LALZAMA : Pu Speaker, S.D.S. hi sem leh
a ni dawn em ? DRDA hi District
tinah pek tumna a awm em ?
Tuna an han sawi ang bawh khan
Sub-Block Phullen te leh Khawbung angte hi engtikah nge
Block puitlingah dah anih dawn? tih ka zawhbelh e.

PU F.MALSAWMA
MINISTER

: Pu Speaker, a hnahnung lam atang khan hen tan mai ilangin. S.D.S. hi Rs.2500/- theuhva vawiin ni atanga pek chhuah

tan tum a ni a. Bank lam atangin an in peih theih ang zelin a Instalment thenkhat la draw chhuah loh sanction tawh vek si a la awm a, chu pawh chu Tlangnam leh Lunglei-ah vawiin atanga draw chhuah tawh sa a sem tan tum a ni a. Tin, DRDA hi kan Block zawng zawngah pek vek turin Central Sorkar-in minrawn phalsak tawh a, thil lawmawm tek a ni a. Aw, District tinah.

Tin, Khawbung Bialtu zahawm takin a rawn zawhna kha Phullen leh Khawbung Sub-Block te kha Block puitling a dah turin vawiin emaw, naktukah emaw hian Notification a chhuah beisei a ni a. Hei hi puitling tura peihfel vek tawh a ni e.

Tin, India ram pumpuiah em ni hman tur hei hi, tih tawp vek em ni ? a hmasa scheme ho a kha, tih a kha India ram pumpui-ah tun Central Sorkar-in a policy a zam atangin a ni a. Tin, Vawiin thlenga la hman loh, kumin April thla atanga effective tawh nira lang si, a taka lo hman loh, tin, a training te han inpek hmasak a ngai a, a bu hrim hrim a pawh kha, kha scheme a kha han zir deuh te a ngai a. Tahchuan, kan Legislators zahawm tak tak te pawh hetah hian Chanchinbu lam mite nen training te pawh pek an ni a. B.D.O. te Training pein a key, a activities a hi identify ani a, chutah chuan tunah hian thla leh leh pek lawk February thla-ah hian a tak a hei hi rawn zichhuak tura beisei a ni a. Tichuan, heng a thawktute zawng zawng hi Temporarily a employed tih ho kha tunah hian Sorkar-in sum dinhmun nahial ngheh dan a zira an dinhmun hi en chhoh zel mek a ni a. Tunah tak hian final decission siam mai theih in a la awm lova. Amaherawhchu, hna a pun miao chuan a tul dan ang zelin Sorkar-in a ngaih-tuah ang.

(* Speech not corrected).

S P E A K E R

: Starred Question No.5-na zawt tur in Pu Nirupam Chakma. Question hour hi darkar khat a ni a, question hour minute hnih vel a la awm e.

Pu NIRUPAM CHAKMA

: Pu Speaker, ka Starred Question No. 5. will the hon'ble Minister in-charge Relief & Rehabilitation Deptt. be pleased to state. What is the amount received as donation for Kargil Relief Fund.

....20/-

S P E A K E R : Chhang turin Minister,
Pu Aichhinga i lo sawm ang.

PU AICHHINGA : Pu Speaker, Starred Question
MINISTER No.5 zawhna kha Kargil Relief
Fund atana kan donation pek
zat kha engzat nge tih a ni a.
He thil hi kan Deptt. khawih a ni chiah lova, A.D. hnuaiia
Committee in a khawih a ni a. Amaherawhchu, kan hnena zawhna
a lo kal tak avangin kan han lak khawm theih ang angin tuna
donation Kargil Relief Fund atana donation hmuh zawng zawng
a kha Rs 36,06,428/- a ni.

PU Z.H.ROPIIA : Pu Speaker, Kargil Relief Fund
ah khan thahnem kan ngai tlang
hle in ka hria a. Hun hmasa a
kan sawiho pawh khan kan Oppo-
sition Group Leader pawh khan thahnemngai takin thlakhat hlawh
kha pek a rawt niin ka hria a. A lawmawm hle a, amaherawhchu,
kan han pe neuh neuh a, ka hriat sual loh chuan Rs.300/- vel
pe ni tein kan hria a, engnge ni kan pek dan kha khawngaih
takin min hriih thei em aw, khalaiia M.L.A. hovina Kargil Fund
a kan pek dan a kha.

PU NIRUPAM CHAKMA : Pu Speaker, supplementary
question, I would like to ask
the Hon'ble Minister, whether
the Govt. of Mizoram has con-
tributed any amount for the relief measure of Kargil Victim?
As the Govt. whether there is any contribution.

PU ZAKHU HLYCHHO : Pu Speaker, G.A.D. lam atanga
Unstarred Question min pek leh
tuna kan Minister chhanna kha
a pawisa hmuh zat kha e in ang
lova. Hei G.A.D. atanga Unstarred Question min rawn chhanna ka
nei a, kan dawhkan-ah a awm vek a. Tuna a sawi kha a inmil
lo tlat mai e. Engnge ni a chhan? Tin, thlakhat hlawh theuh
thawh ila ti a ka rawtna kha he House pawh e thleng thei lova,
hnawl anih kha Pu Speaker, nang pawhin i hria a. Chuvanjin,
circular ah khan theih eng tawk tawk theuh, ka nihat hlawh
thawh turin beisei kan ni in ka hria a. Engnge ni an circular
chiah pawh kha min chhiarchhuah sak thei angem.

S P E A K E R : Chhang turin Minister kan ko ang a, Mimal thil zawhna kha chu chhan tel chi a ni lovang, chhan tel a ngai lovang.

PU AICHHINGA : Pu Speaker, ka sawi ang khan
MINISTER kan Deptt. hmalakna anih loh avangin kan Member zahawm tak tak te zawhna kha ka han chhang maithei lova. Sorkar-in eng angin nge hetah hian Sorkar angin pawisa a pek ve tih lai a kha Committee lamin a ngaihtuah kha anih avangin Sorkar-in a pek zat a kha ka chhang thei hauh lova. Tin, kan Member tin tena kan thawh hova kha chu nangmana i tih ang khan mimal thawh a kha chu chhang lo mai ila a tha in ka ring a. Tin, keini in a kan record neih a hi ● A.D. atanga kan hmuh tho a ni a, hemi a hi kei chuan kan collect angin ka rawn chhang mai a ni a, ka sawi ang khan keini in a information kan neih a chu Rs 36,06,428/- a ni.

S P E A K E R : Question Hour a tawp a, kan laklawh deuh hleka tlemin kan mel ani. Kan Business-ah kan kal leh ang a, Report of Business Advisory Committee tun tum Session atana Sorkar lam atanga Business awm thei awm Secretary-in a report dan chuan Mizoram Sales Tax Amendment Bill, 1999 chauh a ni a. Business item dang lo lut mai awm hriat a awm lova. Chuvangin, tun tum Session November ni 29 a mi tura chu ni 29 leh 30 November chauh hmeng mai ila. Hemi ni hnih chhung hian Sorkar lam atanga Bill rawn lut te chu House-ah putluh a ngaihtuah nghal ni mai sela tih a rel a ni.

Tichuan, Session vawili-na atan Business Advisory Committee chuan hetiang hian programme a siam -

Ni 29 leh ni 30 November, Monday leh Tuesday hi Government Business, introduction and consideration Bill atan tih a ni a, heta Session Calendar rawn tarlan hi Member tin te hnenah Bulletin Part - II Sl.No. 52 ni 22.11.99 khan sem-chhuah tawh a ni a, kan hmuh theuh pawh ka beisei.

House-in he report hi min pawmpui ka dil a ni. Min pawmpui thei em? Anih leh pawmpui ah ngai ang aw. Tunah chuan kan Business dangah kan kal leh ang a, Pu Lalhmingthanga, Deputy Chief Minister, House-ah Audit Report and Annual Account of the Mizoram Khadi and Village Industries Board, for the year 1997-98 lay turin i lo sawm ang.

PU LALHMINGTHANGA : Pu Speaker, i phalna in The
DY.CHIEF MINISTER Mizoram Khadi & Village Indus-
tries Board for the year 1997-98
Audit Report leh Annual Accounts
chu he rorelna zahawm takah hian ka rawn thehlut e.

S P E A K E R : A copy kha sem nise, an sem
lain Phullen leh Khawbung
kha Block puitling ni turin
Notified ani tawh e. Tunah,
Pu J.Lalthangliana, Minister House-ah Mizoram Publication
Board Rules, 1999. House a lay turin i sawm ang.

PU J. LALTHANGLIANA : Mr Speaker Sir, with your
MINISTER permission I beg to lay on
the Table A copy of Mizoram
Publication Board Rules, 1999
Thank you.

S P E A K E R : Tunah Col.Lalchununga, Minis-
ter House-ah Mizoram Persons
with Disabilities (equal oppor-
tunities, protection of rights
& full participation) Rules, 1999 hi House ah lay turin i lo
sawm leh ang.

Col.LALCHUNGNUNGA : Pu Speaker, i phalna in Mizoram
MINISTER Persons with Disabilities
(equal opportunities, protection
of Rights & full participation)
Rules, 1999 hi he House zahawm takah hian ka rawn pharh e.

S P E A K E R : Awle, kan sawi tak ang khan
bawmkhateh kan lo khung palh
si a, in lo hrethiam mai dawn
nia. Tunah, Pu H.Rammawi an
Public Account Committee Report first, second, third leh
fourth pe turin i lo sawm ang.

PU H. RAMMAW I

: Pu Speaker i phalna leh i rem-
tinna in Mizoram State Legisla-
tive Assembly pali (4)-na Public
Account Committee Report pakhatna,
pahnihna, pathumna leh palina, he Hcuse zahawm takah hian ka
rawn present e, ka lawm e.

S P E A K E R

: Paper kha nichin khan an sem
tel em ? An sem tel loh chuan
han sem ula. Official Resolu-
tion kan nei a, move turin
pu Tawnluia ilo sawm ang.

PU TAWNLUIA
MINISTER

: Pu Speaker, vawiin niah hian
Sorkar-in he House zahawm takah
hian Resolution pawimawh tak
mai tih tur kan nei a. Kan Reso-
lution putluh tur chu -

'He House hian tun hnaia Political Party thenkhat
ten Mizoram thendarh a, U.T. dil an rel hi tha a
ti lo takzet a. Hetianga Mizoram thendarh tumna
hi enoti kawng mahin a remti ngai dawn lo a ni.
Chutiang thendarh tumna chu a tul ang zelin a
dodal tlat dawn a ni'.

He thu hi vawiin niah hian he
House zahawm takin min ngaihtuah pui a, kan sawihc turin
Sorkar-in a pulut a ni a, tun 2nd Nov., ah khan Lawngtlai-a
Circuit House ah Lai Autcnomous District Council hotu then
te leh Lai District-a Congress hruaitu thente leh Chakma
District Council hruaitu then te leh Chakma District a Congress
hruaitu then te leh Mara District Council a hruaitu then te leh
Mara District a Congress hruaitu te, a tawi zawn in Chhimtuipui
District pathum a Congress hruaitute kalkhawmin thurel an nei
a. Chu an thurelah chuan Mizoram Sorkar-in District Council
pathumte a enkawl danah an lungawi tawk loh dan a tel a. Chu-
bakah chuan District Council pathum kan han sawi takte tan U.T.
Legislaton nei dil an relthlu a, an thurel hi Pu Speaker a
text tawite a ni a, kan sawi lawk ang a. Chuvangla, keini
Mizoram Autcnomous District Council pethumte hi kan Autonomous
District Council retain chung zela U.T. with Legislator hnuai
awm tha kan ti.

Tin, U.T. dil chungchanga Memo-
randum te lo buatsaih a, a tul anga hma lo la turin U.T. Demand
Sub-Committee an din a. Tin, Pu Speaker, mimal hming chu ka
sawi lo ang a, he Committee-ah hian ken sitting member opposi-
tion bench a mi an tel a. Tin, he U.T. Demand Sub-Committee

pawh hi kan sitting member opposition bench ami ina a con-
tura ruahman a ni a, sitting MLA Opposition Bench a mite pali
an ruat tel a. Tin, sitting M.P. a tel bawk a ni. Chutiang
ang chuan Mizoram leilung Mizote chen nana pathian min pek hlu
tak hi hlepthla a, a hranpa a rrelna din tuma thutlukna Chhim-
tuipui District huamchhunga Congress hruaitute leh MDC te leh
Chief Executive Member te, E.M. kalkhawm tena an rel hi tha
kan ti thei lova, chuvangin vawiin niah he House zahawm tak
pawh hian Resolutiun thu chhiarchhuah tak ang khiin min ngaih-
tuah sak a, min pass pui ngei tur pawh a ni ang tih beiseiin
he thu hi ka rawn pu lut a ni e. Ka lawm e.

(*speech not corrected)

S P E A K E R : Kan sawihc zui ang a, sawi
duhte tan hun kan in chankim
nan minute 10 in pe ila, a tha
awm e. Minute 10-ah chuan
sawi zawh hram in tum hlawm dawn nia.

PU ZAKHU HLYCHHO : Pu Speaker, Business dang kan
nei chuang lova, minute 25 tal
chu ni sela. He thil hi chu
sawi tur kan ngah theuhin ka
ring a. Chuvangin, minute 25 tal min pe thei lo mawle !

S P E A K E R : Minute 25 phei hi chu Memberte hi
kan pe hlei thei lova. Helaiah hi
chuan sawi zawh hram in tum dawn
nia, a point deuhah in sawi ang a.
Nang chu Opposition Leader i nihna in nang chu minute 15 ka pe
ang che ang a. Midang chu Minute 10 ka pe ang.

PU C. THANGHLUNA : Pu Speaker, Business dang kan nei
lo bawk a, engpawh nise, thil hi
kan sawi cawn anih chuan a se-
ricus si a, minute 20 tal chu hun
min pe hram hram turin kan han dil nawn leh che a ni e.

.....25/-

S P E A K E R : A sawi duhin han sawi ula, kan sawi tak ang khan Opposition Leader erawh chu minute 5 pe chuang ila, midang chu minute 10-ah, a pcint deuh deuhah in sawi dawn nia.

PU K.T.RCKHAW : Pu Speaker, khawngaih takin, engpawh nisela, minute 10 i tih kha a rei lo lutuk a, a ngaihna a awm lova, 15 tal min pe hram rawh. Opposition Leader erawh chu khawngaih minute 20 pe la. Chuti anih loh chuan engmah a sawi hman dawn loh a ni. Pu Speaker, minute 15 chu khawngaih min pe hram rawh. Chu chu kan ngen tak tak che a ni.

PU K.VANLALAUVA : Pu Speaker, kan Scrkar hotu lamten Official Resolution an rawn put luh sawina hun tha tak min siam avengin lawmawm ka ti a. Tin, a lawmawm viau rual rualin Opposition Group Leader minute 5 a in pe chuang daih pawh kha a ropui kan ti hranpa ve reng reng a. He kan House kaihhraina hian thlei bik a neih lohchia chiang hlein ka hria. Tun hun pawimawh tak maiah hianin he Resolution pawimawh tak mei hi vawinah hien he kan Hcuse zahawm tak maiah hianin a rik ka lo ring ngai lova, a chhan chu ti ti khawmna kawng hrang hranghei Mizoram chhim leh hmar tawpah ken zin a, he Mizoram hi State naupangte a ni a. Tichuan, reilote MNF Scrkar khan a awp a, a fel tawk lo deuh a ni ang, a tla a, kum 10 chuang zet INC Scrkar-in min awp a, a tha viau a. Tahchuanin, District Council pawh hianin thu leh hla nei malh malh chungin Sorkar thar kan lo chuengchho a ni a.

An theihna zawng zawngin Sorkar hianin a bikin Chakma lamte pawh a ni ang, enkawina hna thawk turin hma a la a, dik takin Buhfaiah ngat phei chuanin khawchhak kil aiin saw lamah District Council Area-ah te Godown a khat nasa zawk daih ani tih report kan hria a. Hetiang sum leh pai kawng tinrengah pawh enkawl anih lai a kan lo hriat danin, kan hre sual anih loh chuanin, District Council huamchhunga Indian National Congress te hian anmahni ngaihtuahna hian he an thu pass hi an lo nei ngai lova, Aizawl lam atanga va finchhuah a, "hetiang hianin thil lo ruahman rawh u", tih niin kan hre lehngal a. Chutiang anih aveng chuanin November, 2 khanin Lawngtlaiah he Committee pawimawh leh mak tak mei Mizoram mipui min barakhaih thu a lo chhuak ta hi a pawl ka ti tak zet zet a.

Tin, a Party mi mai kal khawm tena an rel chu nisela chuanin a la pawl nep deuhah ka ngai a. Pu Speaker, he mipuite thlan zahawm take, Member thenkhat tena kan ram Rorelna thendarhna thutlukne an siamna a an telte leh a Conviners a an tel theite phei hi chu Mizoram tan hian eng ngaihtuahna nge aw an lo hman thin aw ! tih hi mahni leh mahni inzawh loh theih a ni lo. Chuvangin, he House zahawm tak hianin he Resoluticn a hnar kaitu atana mi 8 aia tam mah ruatte thu tlukna leh vawin thleng pawha Mizoram thendarh tuma Delhi a la tlan mekte hi he House hian vawin niah a rang thei ang bera kan hnawl a, kan condemnna leh kan hnawlna hi kan tih chhuah thuai loh chuanin Mizoram Organisation lian YMA te pawh in an rilrush he thu hi an enghelh em em a. Amaherawhchu, YMA angin thil tih an tum lo. He kan House hi an ring a, a mawhah an pe a ni.

Chutiang chuan he kan ram- chhungah mi tam takte rilru tichiai zawnga thu tlukna siam an lo awm ta hi a pawl kan ti em em a, he thiloh hian MPC te leh MNF te phei chuanin lehkha an chhuah mawh mawh a. Kha rorelna Mizoram thendarh tura rorelnaah khanin kan tel lo ania aw, an rawn ti mawh mawh a, a ropui kan ti a, Mizoram hi hmangaih pawh kan ti a ni. Chuti lai karah he lehkha an chhuah phat a, tarik ni 5 te, ni 6 Chanchinbu-ahte chuanin Aizawl lama Congress hrueitute chuanin, a rorelne zinga telte chu action kan la ang tiin lehkha an chhuah chuai chuai a, amaherawhchu, kha lehkha chhuah khan chhungkaw bing harsatna a vung chho dawn zel nia a lan chhoh tak avengin anmahni rorelnaah pawh "ngai ru, chuti lutuk chu a ni lovang, keimahni leh keimahni inkarah harsatna a awm thei mai dawn e" , tih atangin Press Release te a lo chhuak leh ta zel a.

Engpawh nisel-a, Pu Speaker, he Political Status sang zawh dilna thu hrim hrima hi a hun lo ani. He Mizoram tan hian a hun lo em em a, tin, hun tak ni sela chuanin MPC pawh an tel ang, MNF pawh an tel ang Party dang pawh an tel a. Chuteh zet chuanin E heu ! a hun a niawm mang e aw ! tih tur ani. Mahse, Political Party lian pahnihin kut an sil daih, heta tang hianin vawin a Mizorama kan thian duh tak Congress(I) Party te hianin kan ram hi thendarh an lova chak em em ve tih hi ngaihtuahnaah a lo kal leh pek a ni. Chuvangin, he thiloh hianin he House zahawm tak hian he Committee a telte zawng zawng thu tlukna lo chhuah hi vawin niah tha kan tih loh zia leh Mizoram hi Inches khat pawh thensawm/thendarh kan rem tih loh zia hi he House hian lungrual taka kan pass ngei a tulin ka hria. Pu Speaker, ka lawm e.

(*speech not corrected)

.... 20/-

PU H. LALTANPUIA

: Pu Speaker, hun min pek avangin ka lawm e. Mizoram rorrelna a lo piang chhc tan a mak ka tih ber te zing a mi North Eastern Re-organisation Act, 1972 kan han nei, a, keini District Council atanga U.T. kan han luh khan kan chhim lam P.L. Region te chu Autonomous District Council neiin hmun thumah a hnam hming pu in Chakma Autonomous Dist. Council MLA bial khat, Mara Autonomous Dist. Council, MLA Bial 2, Lai Autonomous Dist. Council MLA 2 nei, chung chuan Autonomous District Council an lo nei chhc va.

Keini a Dist. lian zawk 2 Aizawl Dist. leh Lunglei Dist. MLA 35 awma zawkin Autonomous nei lovin, khati hun laia N.E. Re-organisation Act kan nei hun laia, kan ram hruaituten engnge an ngaihtuah ka hre lova. Mizo Union Marger Congress hruaitute heti hun laia kan hruaitute an ni.

Tin, hetiang ang rorrelna han siam a hi khawvel pawhin mak min tih pui niin ka hria. India ram a Independent hun atang hian Mizoram hian a hnam ang zawngin hnam hrang hrangte pawh kan cheng a tih loh theih loh a. Entirnan - Hmar lam Area-ah chuan Paihte uhaute an hlang ang reng viau a ni. Tin, ka bial (Suangpuilawn Bial) ah chuan kan Hmar unaute an hlang ang reng viau a. Amaherawhchu, kan chhimlam unaute an lo fingfel hmasa a, an demawm loh. Autonomous Dist. Council an nei kha thil kal tawh a ni a, ka lawmpui a, tha ka ti.

Amaherawhchu, tun hnu zel a hetiang a mak tih tawh hnu pawha U.T. hial an dilna rilru Pu Speaker, a hmar lam pang bial tu ka nihna atangte in ngaihtuahna min kalpui thui tir hle a ni. An thu tih thluk pakhat-ah hian Mizoram Sorkar-in kawng hrang hranga min enkawl danah hian a lungawi thlak lovin kan hria a, tih kha an Resclution sentence pakhat a ni a.

Ka ngaihtuah thin a, ka lungawi loh thu hi sawi ve dawn ta ila, kumtin hian District Council 3 - te tan sawn Nuai 300 chuang Mizoram Sorkar hian a passed sak ziah a ni. Tin, chuti chung chuan hemi State Plan a hi an la hmu tho bawka a ni. P.W.D., PHE, etc. engkim kan va enkawl sak tho a ni. Tunlaiah leh phei chuan Boarder Area-a Development chungchangah pawh a vaibelchhe engemaw zat an dawng tawh a ni. Mizoram Sorkar-in duhsak taka sum a pek dan te ka ngaihtuah hian entirnan - ka bial te nen tehkhin ve ta ila, ka Bial Suangpuilawn Area, HPC Area Demand ahte chuan engvangin nge hmanah buaina kan tawh? An lungawi lo ve em em a ni. Vawlin ni thleng hian hmar thimpui zangkhaw bungbut hnam tih kan hlawh a ni. Zoram State Budget chiah hi a lut a ni. Chu pawh chu a lut tlem em em a ni.

Tin, ka sawi leh duh chu BADP han sawi takah chuan Ngopa Block hnuaiah khian kum 2000-2001 inkarah EADP pawisa hmu tur ruahmenna-ah chuan nuai 35 ah hian nuai 2 1/2 chiah Suangpuilawn bialah chuan a lut a ni.

Chu chu 7% ani. Chuvangin, hetiang zawnge enkawlina a tha tawk lo tih ang zawnge a U.T. an dil anih chuan Pu Speaker ka pawm hauh lo mai a. Amaperawhchu, Aizawl District leh Lunglei District a mite nen hian kan awmkhawm duh tawh lo hrim hrim anih chuan thu hrenah ka ngai.

Chuvang chuan, a Mizoram Sorkar anga enkawlina tha kan neih loh avanga U.T. dil angte an nih chuan thutlinglo niin ka hria a. Kan Lunglei Bial lam MLA te hian kan sawive duh nisela chuan Chhimtuipui District lamah pawisa tam tak a lut a, Development hian min thlawh khum thin ani an ti ani. A dik pawh a dik ang, mahæ U.T. an dil ve thawm kan hre lo.

Tin, ka hma a Khawbung Bial tu MLA zahawm takin a sawi ang khan he thil lo chhuahna hi Political Party hrang hrang pawh nilo, Party pakhat atanga lo irh chhuak ni ngeiin a lang a. A chhan chu a Demand Sub-Committee an han ruahman chhinah pawh hian kan Congress MLA te an ni tlangpui a ni. Tin, District Council pathum a Congress President theuhte an ni. Chuvangin, mipui aw a huapzo lo, mipui a huapzo lova, I.N.C. in Mizoram chhunga Sorkar-ma an chan zawh tak loh avang ringawta hetiang huai-kawmbawl kan nih chuan a puitlin loh thlak khawp ang. Pu Speaker, Hnam tana vawikhat pawh sawi hi a pawh vieu ani tih pawh inzirtir a ngai tawh em em a ni. Nichina ka sawi ang khan N.E. Re-organisation Act, 1972 U.T. kan nih dawna khatiang ang administration tawp lutuk leh in khuangrua lo lutuk lo piang pawh pawh tih tawh nak a laia, hetiang Hnam pawh sawi hi he House hian kan hnawl ngam a pawimawh hle in ka hria.

Tin, Pu Speaker, ka sawi leh duh chu Chanchinbu-ahte kan lo chhiar danin Mizoram Pradesh Congress President Pu Lal Thanhawla chuan hetiang U.T. dil kan Party mi leh sa zinga dil an awm anih chuan action kan la ang a tih hi vawiin niah Pu Speaker a demand sub-committee hruaitute hi Congress mi vek an ni si a, action lak a nei tawh em tih hi Pu Speaker he House hi ka zawt bawk a. A thu maiin kan sawi thin nge helai Congress Bhawan atan hian kan lova kherh ru nge, kan Sorkar leh avangin kusina siam kan tum? Central-ah tihbuai hrim hrim kan tum nge?

Chuvangin, hetiang U.T. kan ram sah hek theihna tura he ram rorelna khawl tihbuai emaw kan tum anih chuan Pu Speaker kan Congress hruaitu atang te pawhin action an la lo anih chuan action kan la ang an ti si a, an la lo anih chuan an mahni hmelakna ani zawk mai lo maw, tiin ka rilruah rinhlelhna lian tak a siam ani. Chuvangin, mahni rorelna chan theihna anih phawt chuan Mizoram sahhek pawh tih lohna khawp rilru hi kan Sorkar loh hian kan pu ta mai em ni? tih kan sawi duh ani e. Ka lawm e.

PU C. THANGHLUNA

: Pu Speaker, tuntum Session-a Resolution lo lut hi a dang dai angreng hle a. Kan beisei loh lain a lo lut a. Vawiih ah kan sawiho dawn a ni a, amaherawhchu, sawiho tura pharh siin sawiho tak tak chu remtih leh lawi loh nite pawhin a lang a. Hun kan inpek danah hian sawina hun tak tak a awmlo a ni. He U.T. dilna Resolution lo luh danah hian he House hian tunhnala Political Party thenkhattea Mizoram thendarh a, U.T. dil an rel hi tha kan tilo tak zet a, a ti a. Hmanni lawka U.T. dil rel thlutute rel chu tha a ti lova, pawl a ti a. Mahse, tunhma a lo dil tawh thin Party hrang hrang MDF te, LPP te BJP te kha kan Ruling Party leh bawliina i dinglama thute hian an hrelo em ni? Khamite khan an dil lai khan engatinge hetiang Resolution hi putluh anih loh? He Sorkar pian tantirh pawh khan an dil tawh si a. Engatinge U.T. dil phal lohna Resolution hi putluh anih lohva, vawiinniah hian tuten emaw U.T. pawh la dillo, dil an rel thlu chauhva, hetiang Resolution hi a lo luh tak mai? Keini Mizoram hian Assam State atanga Mizoram State ni tura kan dillai khan Assam State khan hetiang Resolution hi an pass ve em? An Legislative Assembly-ah khan an pass ve em?

Vawiina kan pass hian awmzia thui tak a neih kan rin vang nge, awmzia a neih loh kan rin vang zawk nge? U.T. dil hi kan phallo tak tak a, kan duh lo tak tak anih chuan party dang LPP te, MDF te, BJP ten an dil lai khan kan hria in ka ring a. Khatih lai khan react awm tak a ni. Amaherawhchu, chutianga react na a awm kan hrelo, chung U.T. lo dil tawhtute chu MNF Sorkar hian a thawhpui zat zat zawk a ni.

Lai District Council-a District Council Sorkar-naah chuan LPP U.T. diltute chu vawiih pawh hian MNF chuan a thawhpui reng a ni. An U.T. dil kha an haw hauh lo, Mara Democratic Party-in U.T. an dil pawh khan M.P Election-ah khan an thawhpui mai, CJP-in an dil lai pawh khan Ministry hmasaah khan MNF Minister pakhat chuan an Office-te pawh Kamalnagar-ah a va hawnpui a, ropui takin an hawng a ni, U.T. an dil kha huatna a awmlo, tha takin an thawhpui zel a.

Chumi hnuah, hmanni October thlaah Minister pakhat Saiha-ah a han zin a, chutah chuan MDF lampang hrutute Mara inthlan February a lo awm turah thawhpui turah sawna a nei niin an sawi a. Chumiah pawh chuan MDF hotute chuan, keini chu U.T. dil hi kan tuma, kan dil a ni a. Hei hi in object dawn chuan kan thawhpui thei lovang che u, in object dawn lo anih chuan thawh tlan a harsa vak lovang, tiin an lo chhang niin sawi a awm a. Mahse, Minister chuan "U.T. dilte chu in dil mai tur a lawa, a pe theitu pawh kan ni lova, engmah objection kan neilo, keini pawh tih tak takah chuan MNF pawhin Independent kan sual hi kan tawp hlen ang kan ti hleinem, tunah State-ah kan chawl hahdam rih mai alwm" tiin a sawi an ti a ni.

Chu chu Lawngtlai ateng pawha kan lo hriatdan a ni a. Chuvangin, he Sorakar hian U.T. dil hi chutiang tehchiamin a huatna awm turhna in kan lo hre ngai lova. Tuna thenkhat tena dil an relthluk tak avange han hust thar tak viau mai hi engeni a awmia zawk chu aw, kan ti ani.

Tin, min hrethiam ula, hman ni lawk November, 25 a Sial-sir-a MNF te Underground an nih laia Parliament Sessicn an neih hmasak berna hriatrenga lungphun hawnna Programme buatsaih a lo nih takah phei kha chuan hman nia kan Minister zahawm takin Saiha-a a sawite pawh kha a takin a lo leng chhuak a ang hle a ni. Hei hi Independent sualna thinlung a reh lohna turin heng thil hi tih ani mai awm tak a tih te pawh kha kan rilruah a awm ani. A enga pawh lo nise, chu chu keini chuan a detail kan hrelc. Mahse, ropui taka lawm ani, tih erawh chu kan hria, " MNF-in Independence sual hi kan chawhhsan hlen ang kan ti lo", tih thute a lo awm takah hi chuan India Constitution hnuaiia rinawmna thutiam siin a khatianga han tih leh tak mai hi chu Central Sorakar tan ringgam an har awm mang e. Lawngtlai-a Committee kan neih tumah hian Mara lam atengin tam tak an lo kal a, chumite chuan kan Committee-naah, kan Minister thusawi leh iabiakdan kha chiang takin an sawi ani. India Dan pui hnuaiia rinawm turin Rinawmna thu ken tiam si chuan kan thutiamag khan India tan ken rinawm tur ani dawn lawm ni ?

Tin, chulo leha chuan, U.T. dil duhna chhan hi a awm ngei ang tih chu nanani pawhin in ring ang a. A dil a dil hrim hrim hi phalloh anih burna awm hi kan hre lova, miin thil a dil duh anih chuan a dil ve ani mai a. A petu in a pek leh pek loh a zir kha ani ve mai a, a dil hrim hrim phal loh burna hi Constitution-ah hian Independent tih loh hi chu chutiang taka inziakne hi keini chuan kan hmu lo a ni. District Council nei pathumte hian hmenni lawka thil awmdan zawn zawnge kan han thlir khan heng kan District Council te hi a him ta lova. hriatna an nei ta a, mipuiten himna zawn a ngai tih leh Central Sorakar hi kan belh mai a va tul awm ve tiin ngaihndan an nei ta a, chumi aveng chuan, U.T. dilte pawh hi relthluk a lo ni ta e. Chulovah chuan, Pu Lalthara Article ziah, 'Ram leh Hnam humhalh' tih CYMA tena an Publish ah khan Agenda No.1 ah khan Chakma Autonomous District Council paih dan tur ziak a ni a, Agenda No. 2 ah Lai Autonomous District Council leh Mara Autonomous District Council paih dan tur ziak ani leh a. Chutiang chuan heng District Council kan lo neih tawh sa te paih tumna lo awm anga a lan tak tlatah chuan him theihna tura ngaih Central lam belh kha tulin an hria ani.

Tin, kan M.P. thlan tharte pawh hien kan District Council thiahna tur Schedule Amendment Bill hi kan Ruling Party te hian Parliament-ah an put luh tir mai ang tihte pawh kan bial mipuite chuan hlauhthawna an nei zel bawk a.

Kan Chief Minister zahawm takin a December, 3 1998 ah Journalists hc hnena a thusawi, "kan Sorakar hna hmasa ber tur chu Chakma District Council thiat ani ang" tih te pawh khan thin a ti thawng a. Tin, pu Lalthara Article ziekah khan, "Lai leh Mara te pawh a sawi tel zel a, a ziaka dah a lo nih takeh khan, District Council pathumte hi himlo tur a inngaihna a lian a, chung chuan U.T. dil duhna kha a rawn hring chhuak ani tih kha min hriatpui a ngai hle in ka hria a.

Chuhakah October ni 19-21, 1999 a Champhai a YMA General Conference an neihah Khan Chakma D.C. thiat tur a Mizoram Sorakar nawr tur a Resclution an passed na khan nasa takin D.C. nei hc thin kha a thawng a. Chu chu Chakma chauh nilo hian India Constitution 6th schedule atanga lo piang chhuak theuh an nihna laish Lai leh Mara District Council pawh him turah an ngai ta lo ani. Tin, mi thenkhat ngaihnanin mahni hnam pual te te a D.C. neih hi thil fello ani e, hei hi a tha lo ani, Mizoram hnam inpumkhatna daltu anih avangin ti a sawi an tam avangin hlauhthawna a awm ta zel a.

Pu Speaker, tlem te in a conclusion chauh, India Constitution ah hian Mizoram-ah chuan D.C. 3 Area chauh hi Tribal Area ti a puan kan ni a, adang hi Tribal chenna ni ve mehse Tribal Area tiin a dah hauh lova. Chumi Tribal Area a chengte hi a dik tak chuan tunhma a U.T. anih lai a dinhmun kha Plan pawise sem dan Ratio ah pawh kan phe ta lo lutuk a, tunhma kha chuan Chhimituipui-ah 20%, Lunglei District-ah 30%, Aizawl-ah 50% ani thin a. Mahse, tunah chuan Chhimituipui District-ah chuan 5-7% chauh alo ni ta a, chung avang te pawh chuan lungawi lohna a lo lian ta zel a, chungte avang chuan U.T. hi dil lo theilo dinhmunah an ding ta ani.

PU H. VANLALAUVA
MINISTER

Pu Speaker, vawiin ni a he Hcuse zahawm tak a he Agenda putluh a lo ngai ta mai hi Mizoram hnam tan vanduaithlak

hle in ka hria a. Tin, he U.T. dilna hi Chhimituipui Dist. kan han tih thin Autonomous District Council pathumte a mipui kel khawmin Demand te siamin dil ni sela, a rem mipuiten mamawhna tak neilin heng demand te hi an siam ani ang e, tiin a ngaihtuah theih a. Mahse, he U.T. dil lo chhuak dan leh a demand committee te, heng a bawhzui tur a mawhpurthu zawng zawngte han en hian Political Party dang an awm hauh lo, Indian National Congress Party vek an ni tih kan hria a. Hei hian Indian National Congress rilru leh kan rem a an thiltum chhungril, a laimu a ti-chiang hle in ka hria a. Chuvangin, kan Mizoram pui leh thisen zawmpuite, kan Kristian pui, Biakin khata kan rawng-bawlpuite an nihne laish zahawm in, kan rem mawhpurhna

kan phurh tlanna kawngah te ngaiseng hle mahila, he an thil tihah hian erawhchuan General Headquarter Delhi-a he Party Policy leh Programme, Mizc Hnam te chung a rilru putdan chu he Demand hian a tichieng hle in ka hria a. Chuvangin, hnam thinlung pu a, kan rilru leh ngaihtuahna tak tak hman a Politics-ah Party mal emaw, mimal emaw, hlawkna mai zawn lova keini Mizote Pathianin hnam a min din ang taka pumkhat a kan awm zel theihna turin ngaihtuahna, the leh tui leh hun te hman tur a kan inbustsaih thar leh pawh he House zahawm tak a Member-te hian kan ba hle in ka hria ani.

Tlinglo tak chung a Mizote Pathianin Hnam a min din chhan ang tak a Mizoram leh a mipui te din chhuak tur leh, Pathianin kan chenna, intun nunna leh kan rochan atana min pek Mizoram hi hunhim a, diklo tak a India Sarkar ten a min lo thendarh tawh te pawh pumkhat a kan awm leh theihna tur a kum 38 chhung Politics field-a he MNF Party a hna ka thawh huah he inthen darhna tura U.T. diltute dilna pawmpui leh remtih pui ang a ngaih theih leh puh theih ka ni hi zahthlek ka ti a. Hetiang thu sawi awm rual a ngaih ka lo la nite hi zahthlek ka tiin ka insit ani.

Lawngtlai Bialtu zahawm takin Saiha a kal Minister a tih kha keimah min tihna ni ngeiin ka inring a. October, ni 25 Khan Aizawl atengin Saiha kan ban a, zanah kan Political Party hruaitu, keimahni MNF O.B.-te kan kawm a, a tuk zingah Political Party hruaitu hrang hrang, Congress te, MARA MDC hruaitute, MPC hruaitute, MDF hruaitute ka kawm a. Chungah chuan Lawngtlai bialtu zahawm takin a sawi, thawh hona chungchang thil, MDC inthlan lo awm turah an rilru putdan leh sukthlek dante ka zawt vek ani. Hemiah hian ngaihdan hrang hrangte an neih thu min hrih a, a bik takin MDF hruaitute pawhin MDC inthlan te pua a lo nih bawh loh avangin anmahni a kal tura hma an lo lak mai rih dan te, chuti chung a Party dangte an lo chwaw tawh thu te an sawi a. Khata ka kawm te kha Lawngtlai-a U.T. dil chungchang ngaihtuah tura Committee-ah pakhatmah an kal lo tih ka hria a.

Tin, hemi chungchang thuah hian thu dik kan hre duh anih chuan ka kawm a te kha hriat vek an ni e, zawhfiah nise, khawngaih takin he House zahawm taka sawi chhuah hi thudik ni hram rawh se. Kan inkawmnaah chuan Policy chungchang pakhatmah kan sawi lova, chuvang chuan, he House zahawm takah hian belhchian dawh kan sawi a ngei a ni tih ka sawi nawn leh duh ani. Khanga ka kawmte kha an hming leh address te Pu Speaker, pek theih vek an ni a. Policy leh Programme thu engmah kan sawi lo; tin, i thawkh ang ti pawhin kan rel lo. An tum dan leh ngaihdan te hre turin tih ka ni e, Party hrang hrang dinmun ni a ka hriat ang chu min tirtute hneneh ka thlen leh ang a, chumi huah chuan a tul ang chu la ngaihtuah ni rawh se, tih e ni mai e. Chuvang chuan Pu Speaker, hemi thilah hian Congress Party hian rilru engemaw MNF hmai tihbalh duhna an nei anih pawhin puitling takin midangte dawta puh kher lovin an duhna leh an thil ngiat a chu tlang taka an sawi mai hi mipuitling, ram hruaitute tihawm ani. Hetiang thila inpuhmawhna hi Pu Speaker, chin tam loh atan a tha in ka ring. Chuan he Resolution pawmawh tak hi Member tin ten lungrual taka pass turin ka han in ngen duh a ni e. Ka lawm e.

PU R. LALZIRLIANA

Pu Speaker, nichina i thusawi -
Rorelna-ah thlei bik neih loh
tur tih i rawn sawichhuah kha
a lawmawm ke ti a, the ka ti a
Official Resolution hleih nei tak, MNF leh MPC Sorkar intawm
ten he House zahawm take in rawn pulut hi a vanduaithlak ka
ti a. Mizoram thendarh tum a U.T. dil lai an awm a, dil mek
an awm a, dil tum an awm bawk ni a sawi a ni a. Engvangin nge
dil mek te, dil tawh te, tuna dil lai mek te hi sawilang ve
lova dil tumte chauh mai han er bik tak em em mai tih hi
ngaihtuahna min neih tir a ni. He thil hi thil pawt tak niin
ka hria a. Tute Party emaw tih mualpho tumna ringawt, poli-
tic conjunction a hman tumna mai niin ka hria a. He House-a
kan sawi atana thil pawt tak ni zawkin ka hria a. Ngaihtuahna
werther, rawtna tihtlak loh atanga lo lang chhuak niin ka
hria ani.

Vawin a U.T. dil tumte in
ngeimawh anih chuan dil tawh, dil mek te, Lai People Party
a mite, MDF a mite, CJP-a an President ni thin Talukdari
te, MNF-a inlawi luh taka te hi, MDC an nihna atang hian
inpaih ngam dawn em ? Lai People Party a mi - Pu Biakmuana
te, Pu Manghnuna te, Pu Thanchunga te MDC te nangmahni thawh-
pui Congress Sorkar-na tichhetu atana in hmante hi nangmahni
thawhpui tur atan in pah ngam dawn em ? tih hi ka zawt duh che
u a ni. Chuvangin, hengte hi tute nge an nih tih ngaihtuah
chien a, MNF Party-a in thawhpui ngei te an ni. Zawngin a
ngumkhak a hmu lova, thiante ngumkhak a nuihsen tih ang
deuh in Resolution hi a ni.

Kan pawl a ngaia awm an ni
emaw, ni lo emaw, tunah hien an dil mek a, kan buaipui tawh
a. He ramah hian 1997 pawh khan Political Party zawng zawng
ten YMA te buatsaihin kawng kan zawh tawh anih kha. Mahni
mit a khenchhuk awm reng hmulo a, thiante mit a hmawlte
kher chhuah tum pawl in niin ka hria. Sualna. nei lovin
Uire kha deng rawh se, tih Lal Isuan thu a pe a, vawin niah
hian tunge sualna nei lo che u ? Sual zakzeh reng chungin
U.T. dil te in thawhpui a, in kep reng a, khatiang sawi duh
si lo khan engatinge midang, a dil pawh la dil ve lo te, an
rel e tih mai hi helai House-ah hien thupuitling niawm taka
in rawn lakchhuah mai ? Hei hi mek ka ti khawp mei, tun
atang chuan hetiang hi he House-ah hien chai mai mai turah
pawh ka ngai lo a ni.

Pu Speaker, Maian bai in
chhuan chuan chingal telh a ngai a, chi telh a ngai a, saum
telh a ngai a, tui nen ringawt in chhuang ngai lo. Tieng
chuan a behbawm thenkhat hi sawi ve a ngai a, ka sawi zel dawn
a. Ka hma a ding Minister zahawm tak kha a pha tak na a,
phat chi niin ka hre lo. Helai hi a thusawi a inziak
kuau mai, Chhim lamah a zin a, a thusawi khe ngaihtuah let
ula, khang avangte khan chhim lam unaute hien a tu a te pawh
hian U.T. mai pawh ni lo, State dil pawh a va phal sak a,
permission a va pe ni hialin an ngai a. Chuvangin, U.T. te
pawh dil tum an awm leh anih pawhin a mewh lo a ni. Hetiang
kan ngeimawh dawn anih chuan he House hian ka Minister va
kal a kha ban phawt rawh u. A reng reng thuah MNF te hian
MNF pawl a lo din tirh atang hian Mizofete tan engnge thil
tha tih in neih tawh ? sawi rawh u. Rethel te chhanchhuah

nan engnge ni programme in neih sawi rawh u. In thil tih ve chu lungngaihna, tahna, mi vauna, in rikrapna mai, he ramah hian in thlen ani. Chuvangin, mi hruai kawii, thudik chanve hmanga mite hruai kawina lo chu tih chhuah in neih hi ka hre lo.

'Independent a theih' in ti a, Independent bei turin Mizo nula leh tlangval tam tak in hruai chhuak a, thisen tam tak a luang a, nunna tam tak kan chan tawh a ni. Mahse, "Independent chu thinlung lemah ani", in ti leh daih si a, a nuam lemah in khawsa leh a, chanhai rlangvaia an awm lain, indinmun in ngaihtuah chiang a, in lut leh a, India Constitution hnuaiah agreement in siem a.

S P E A K E R : He House hi duh duh sawina hmun ani lova, hetah hian thil belhchian dawllc kan sawi thiango theuh a. Engpawh nise, MNF te leh India Sarkar hi tlawm leh tlawm loh lam a awm lova, inremna thuthlung ni 30.6.1986 khan signed a ni a, kan Member zahawm tak te chuan kan inremna thuthlung hi zah a tha a. Nilo tak taka inpuhte hi chu ti lo ila a tha ang a. Tuna kan subject hi sawi rawh u.

Lo ngaithla leh ula, 'Tlawm' tih tawngkam kha i hmang leh anih chuan he House atang hian i chhuak ang a, hran timualphotu, thudik lo sawiah ka pawm ang che u. Chuvang chuan a subject pangngai kha sawi ula, tuman lo tibuai tawh lo ula, hei hun tam pawh a nei tawh lova. Chuvang chuan warning ka pe tawh a, tawk tawh rawh se.

PU R. LALZIRLIANA : Chuvangin, Pu Speaker a leh lam zawngin han sawi ila, kan Chief Minister zahawm tak khan thutiam a lek ni ah Chakma District Council hi ka hne hmesa tur ani, ka thiat ang a ti a, vewiin niah hian kum khat dawn in awm tawh a, khawiah nge in thiat tak Chakma District Council chu? Engatinge in tih tur ni silo Political consumption-ah hian in buai vak. Heng hi ram roreltu tene an tih tur anil. Pu Speaker, Sielsir Parliament Lungphun ni te khan eng thu sawi tur nge in la neih? In thurel zawng zawng kha in duh lova, in paihral tawh a, vewiin niah hian kha in thu kha, helaiah in duh tawh loh hnu kha han tuaimam in tum mai mai ani.

FU TAWNLUIA
MINISTER

: Pu Speaker, House-ah hian kan awmdan theihngih loh hram the ka ti a, 'Tlawn' tih kha khawngaih takin expunge ni rawh se.

SPEAKER

: A nih leh thai reh i duh chuan i duh ve na thu kha ka phut a, nangmahin thai reh i duhna a ngai. Chu chu clarify la a tha ang khalai kha chu. Kan hnam tan a mawi lo em mai.

R.LALZIRLIANA

: Pu Speaker, i thu ang khan kha kha ka pawm mai. Pu Speaker Sialsir Parliament ah lungin han phun a, kang in lungphun ni te khan ngaihuah chiang

rawh, u....engatinge kha tah khan Sorkar motor te, Sorkar sum leh pai...Department ah engatinge sum leh pai khati zozai in khawn. Kha kha thu-neihna hmansualna lian tak a ni.

SPEAKER

: Lo ngawi leh lawk teh, hetah hian point of clarification an rawn sawi leh a, Chief Minister Oath lak ni khan kei pawh ka

awm ve a, Chakma District Council ka thiat ang a tih kha i hre sual ani lo maw, khemi ni khan.

R.LALZIRLIANA

: "Hre sual lo, kha kha Press Conference a kawtah a nei nghal a, tah chuan a tuk Newspaper ah pawh a lo chhuak a ni.

Chuvangin Pu Speaker, hei hi dawt ani lo." I sawi zawngin i nihna a lang e tih hla ang chauh kha ani vawin ni a in resolution hi chu a ni. Chakma District...

SPEAKER

: Conclusion siam la, tun ah hian Minutes 13 i hmang tawh a, an tih buai deuh che avangin kan ngaithiam che ang a, thudik lo tak tak i sawi avangin i hun

kha a rei an ti buai mai mai che a ni....

R.LALZIRLIANA : In resolution hian Mizoram then-
darh duh lohne tak tak a thlen
pha chuang lovang. Nichina ka
sawi ang khan tunah hian dil tawh
an awm a, dil mek an awm bawk, eng
atinge in rawn hmaih tak mai ? In tanpui te an ni a. MDF te, Lai
People Party te, Chakma Jatya Parishad Party te, mangmahni a in
lak luh tak Takukdar te an ni. Chuvang chuan vawiin ni a U.T.
dil mek, hengho zawng zawng hi in hnawl si loh chuan in resolu-
tion hi pawm tlak a awm lo reng reng. In tanpuina pawh vawiin
ni ah an dil mek a ni. Anni chuan hmu se in duh bik em ni ?
Mizoram hi a thenin then lo sela, chu chu in duh-thusam mai
zawk a ni. Chuvang in Pu Speaker, he resolution hi amendment
siam ka duh a, Amend loh chuan he resolution hi pawmpui tlak ah
ka ngai lo reng reng. Chu ka duh dan chu kan sawi ang a,
Amendment siam hma pawhin he resolution hi Home Minister zahawm-
tak hian withdraw leh sela, ka duh a ni. A theih loh a nih
pawhin hetiang hian, "He House hian Mizoram hi thendarh tum a
U.T. dil an awm a ni tih a hria a, Hetiang a rawn thendarh tuma
beitute hi englaimahin a remti ngai dawn lo a ni. Chu chu a
tul angin a do zel dawn a ni". tih hi vawiin niah a la dil ve
hlel lo lo ngaihtuah ve mai mai te in lak runthlak ? Pu Speaker
in sawi leh in tih hi a takah hian lang chhuak zel sela.

PU TAWNLUIA : Amendment tih dawn hian tihdā
MINISTER a awm a.

PU Z.H.ROPUA : Pu Speaker, vawiin niah Mizoram
thendarh a U.T. hial demand tute
kan han hria a, a lungchhiat
thlak hle mai a, Mizoram mipuite
rorel tura kan in ngaih laiin
vawiin niah helai ah ram leh mipui tana kan ngaih ten Mizoram
sahthlak tuma theihtawp an lo chhuah a ni tih kan hria a, a paw
kan ti a, ram rorel tur ni lovin helai ah hian Mizoram thendarh
tumin kan lo thu nge ni tih hi ngaihtuahna tam tak min neih th
a, kan sawrkar in min enkawl danah kan lung a awi lo hle a ni
a ti a, mehse kan Budget te leh kan work schedule hrang hrangte
kan en khan kan vui hle niin an hria a. Lunglei lam aiawha kal
kan ni bawk a Lunglei lam dinhmun te kan han en chuan an chawm
bawk a, an hawp bawk a, an pal baw bawk dawn niin ka hria a,
fapa duatsuel an ang sawt hlein ka hria a ni. Chuti khawpa
sawrkarin kawng hrang hranga a department hrang hrangte pawh a
sum leh pai hmanga a vur laiin hetiang an huangtau zel mai hi
chu tute thiltih nge ni ang tihte pawh hi ngaihtuah tham a awm
in ka hria a.

Hei an hmingte hi kan chhkar
chhuak law law teh ang, Zoram mipui vawiin nia he session thlir
tute zawng zawng ten an hming nen lam hian lo hre teh se tih hi
ka duh a ni. Chuti a nih loh chuan Mizoram hi kan tan rual a
ngai tawh a, thildiklo titute hi zep ting teng awm lova kan
sawi chhuah hi a tha a. Hei Congress lama kan MLA te, Pu Zakhu
te Pu Nirupam Chakma te, Pu Hiphei kan M.P. dinglai te leh

Pu C.Thanghluna kan Lewngtlai kal MLA zahawmtak te Pu K.T.Rokhaw te khang ho kha helai leh Parliament-a kan member ni mek, kan ram ti buarchuar zawng leh kan ram sahthlak tum zawnga hme la tu leh ke lo pen tute an ni tih kan Zoram mipui te hian lo hria se, chuti a nih loh a, thildik lo titute kan zep fo thin hi a tha lo hle a. Hmeichhe vau loh leh vau sam loh chu an pawng tual tual tih leh fapa duat lutuk chu duatsual a awl an tih ang deuh khan kan ni ang tih ka hlau a, chuvang chuan thil hi kan duhsak kan duat lutuk mi kan vur lutuk a, kan rih vurna hi a nilo zawngin an kalpui ang tih hi a hlauhawm a, chuvangin Zoram mipuite hian kan dem tak meuh a tha a. Vawin niah hian sawi hi a nuam vek lo na a, sawi loh theih loh niin ka hria a, khulalah....chu chu Mizotawngah khan ka sawi mai a ni a, YMA in a Chakma District Council hi thiah ni rawh se ti a YMA ten a resolution pass ni awm tak a khe a enga pawh nise, khulai a khu kan ngaihtuah chian a ngai a. Ramdang mi Foreigner lo lut an tam em em mai a, a bik takin Chakma District Council ah pawh hian mitam tak kan inhnawh-lut niin ka hria a, chuvang chuan khulai a khu ngaihtuah a ngai a, foreigner te khawikhawma bawmah a bik takin Chakma District Council a khu kan hmang nasa lutuk a, khutilai atang kuan foreigner tam tak an lo lut a, kan sawrkar hmasa ah khan an pung tual tual a, kan mangang a ni. Zirlai te pawn theihtawpin hme an la a, a party ang pawhin hme kan la a,

Tumah chuan ram hmengaih tak tak MNF ten ro an rel a ni tih an briat avangin foreigner pawh an lo lut ngam lova, chuvang chuan an mangang a, U.T. hial foreigner khawn khawm nan an dil emaw ni chu aw tih turin mipui ngaihndan a awm tawh a ni. Chuvangin khulai foreigner zawng zawngte tuna an lo tawmim ta leh tuna lo lut leh zel tur, sawrkar kalphung an en a, ram hmangaihtu leh ram tan a thawktute hmalakna hmel an hmuh hian an lo lut tha ngam ta lo a ni. Foreigner lo lut leh zel tur a hi kawng ka zau zawk hawn lehna a tan a U.T. hi dil zawk nge an nih ka hre lo. Tin, nichinah khan a hme a dil tawh tute a han ti a, kan member zehawm tak khan MNF te leh MPC Sorkar hian khatianga diltute kha kan duh lo hrim hrim a ni. Tin, an Sorkar hunlai khan diltute an awmte kha duh lovin House-ah pass thei dinhmuna an din lai te khan engvangin nge resolution kha an pass loh ? an putluh loh ? Kan ram hi thendarh mai se an pawiti lo em ni ? Chuvangin hemi chungchang hi kan ram hi thendarh kan duh lo tak tak a, U.T. pek hi kan duhlo tak tak a nih chuan he kan resolution hi pass pui duh lohna tur pakhatmah a awm lo. Chuvang chuan lungrual takin min rawn pass pui rawh u. U.T. pek leh thendarh in duh anih erawh chuan rawn hnial zel ula, chu chu mipuiin an hre dawn tho. Chuvangin, he kan official resolution hi kan ram chhim lam zawng U.T. sahthlak kan duhlo anih chuan a natna a awm lo. Sahthlak telh in duh anih erawh chuan min pass pui thei lo tihna a ni a. A bik takin kan opposition leader pawh kha ka sawm duh che a. He kan resolution hi kan ram leh hnam tan a tha a ni, chuvangin min pass pui turin ka sawm che u a, kan vaiin i pass tlang ang u tiin ka han sawm lawm lawm che u a ni e. Ka lawm e.

S P E A K E R

:

Kan hun hi han en
hian dar 1 thlen
nan 4 minutes chiah
kan nei tawh a.

Kan chawl hrih mai dawn em ni ang. A hun e lek lawh deuh a.
Meeting adjourn, dar khetah kan tan leh ang.

Meeting adjourned at 1 P.M.

Afternoon

S P E A K E R : Kan business kan chhonzawm leh ang a.

PU LAL THAN KUNGA : Pu Speaker, ka lawm e. Hei kan resolution atang hianin thil tam tak sawi tur a awm a. Pu Speaker, a hmasabera kan sawi duh chu, he Mizoram thendarhna kawng hawi zawnga kan beisei loh tak tak kan sitting MLA-te leh Mizoram pum huapa kan parliament Member-te meuh pawhin a ngaihtuahna an lo hmang ta hi vanduaithlak ka ti a. Hmanah khan Congress Sorkar lai khanin hetiang deuh thawm hi a lo ni tawh a. Mizoram mipuiin kan react nasa hle a, amaherawh-chu a ruling party-a ruling Ministry khanin an duh lohna resolution pawh kha an lo siam lo niawm a ni a. Tunah hian a hlet a rawn chhuak leh ta a. Mizoram inpumkhatna tichhe zawnga hmalak tumna kan party pawimawh tak tak ten an lo nei ta mai emaw ni aw tih kan hriatin kei min ti phawklek nasa hle mai a. Helaiia kan lo hmuh dan hian kan Congress Party pawh hian heng thil hi a lo khuhruin a lo phalsak reng em ni ang? Anmahni aiawha India Parliament-a member-te meuh hming lo lang a, Mizoram thendarhna tur resolution a lo awm tak hi Congress Party thiltih anih lohna chhan tur vawiinniah hian hriat a har hlein ka hria a. Chuvang chuanin kan Congress Party hian Mizoram hi thendarh a duh reng em ni ? tih hi ngaihtuahna ah a awm lo thei lova. An mipuite erawh hi chuan an duh loin ka ring a. Kan Ram leh Hnam hi inpumkhatna nei a a kal chhoh mai piah lamah, Mizo hnathlak zawng zawngte pawh inzawmkhawm duhna thinlung neiin, vawinah hian Mizoram mipui tam berte ngaihdan a hi chu a la kal mek zel ni a ka ngaih laiin; hetiang interek hran duhna, kan party zahawm tak leh Mizoramah pheih chuan Sorkarna pawh lo la rei ve tawh, mawhphurhna pawh thuk taka lo nei tawh ten kan Ram thatna an duh lo tak tak a nih ngat chuan Mizoram Pradesh Congress Committee hian hetiang anga Mizoram thendarh tumtu an party hruaitute chungah hian kut an lek ngei ngei tur, Party disciplinary pawh an la ngei ngei tur niin ka ring a. An la lo a nih ngat erawh chuan an lo thurualpui ngei a ni tih chu a chiang dawn hlein ka hria. Hetiang ang thil lo awm ta mai hi eng rilru nge kan put tak? Mizoram leh hnam a lo dinchhuah theihna tur atana theihtawpa hma kan lo laknate pawh sawichhe duh khawpin Ram leh Hnam hmangaihna thinlung chu nuizatzbur ah siam duh tute pawh kan awm ta em ni ?

Chubakah hetiang Autonomous District Council a vaia hming hmerhna pawh vawikhatmah a la awm loh laia, a bik takin Chakma Autonomous District Council lo pian chhuah dante chu kan Congress hruaitute ngei pawh hian a dik chiah lo a ni ti a an lo pawm laia chutiang ang siam dikna te pawh chu kan neih a tha lawm ni ti a pawm lamah official ni lova inrawn khawmna te,

sawihona t@ a awm mai mai laia hetiang ang thil serious tak mai Mizoram mipui ten an duh lova, Kohhran pawl zawng zawng ten an duh lova, tlawngai pawl zawng zawng ten an duh lova, Political Party zawng zawng pawhin an duh lo ni a kan hriat tawh hnu thil, vawiinnia lo chhuak leh ta hi a vanduai thlak hle a ni.

Mipuite hmaa mawi duh vang mai maiin an lo duh lo der ve em ni? Vawinah a chhungril lamah hetiang ang hi ti ula, kan pui ang che u an lo ti em ni? Hun hmasaah te khan Mizoram Sorkarin U.T. dil tute Central lamah a lo forward reng kha, amahni rilru dik tak a lo ni zawk ta em ni? tih te pawh hi he House zahawm tak hi zawh a thain ka hria a. Chuvang chuanin Pu Speaker, he resolution official-a kan Home Department ina an rawn siam hi a pawimawh hlein ka hria a. Zoram political history-ah hianin Chapter pawimawh tak mai a tling phak dawnin ka hria a. A chhan chu Mizoram thendarh duhtute dodalna he House zahawm bera a rik vawikhatna anih dawn avangin a pawimawh em em pawhin ka hria a. Nakin zelah ngaihtuahna hrang hrang te pawh an lo chhuak zel ang a. He thil hian Mizoram ethnic group hrang hrang te a dik lo zawng leh a thalo zawng pawhin a cho pawrh dawn ni te pawhin ka hre bawk a. A pawl hlein ka hria a. He thil hi a serious hlein ka hria a ni. Chuvang chuan kan ram leh kan hnam humhalh tur hian Mizo nua leh tlang-val vawiinniah hian kan la awm a ni tih Mizoram mipui zawng zawng hnenah ka hriattir duh a. Hemi atan hian a tawp thlengin kan dodal dawn a ni tih hi ka sawi nawn leh duh bawk a ni. Kan ram leh hnam a lo dinchhuah theih nana theihtawpa hma kan lak a, heng Chhimituipui District ah te pheichuan a bik takin Border development pawisa luanglut zawng zawngte pawh kan va hnawhluhna, NLUP te pawh kan lo covered-na, chubakah Autonomous District Council hnuaia Fund-te pawh kan pekna. Chubakah chuan Mizoram Sorkar development-te pawh a lo covered-na, heti khawpa duhsakna dawng bial te kha. Engatinge vawiinniah hian Mizoram atanga inlakhanna, duhna thinlung an lo neih tak mai, ngaihtuahnaah a awm lo thei lo a ni.

Chuvangin enhran chu sawi loh, a bika duhsakna pawh hi an dawng na laileng a ni. A bik takin kei ka bialah te pheichuan NLUP pawh a awm lo, B.D.A. pawisa pawh a awm lo. Dik tak chuan pawisa pawh hi a luanglut reng reng lo a ni. Pawisa tam tak luangluhna biala miten hetiang ngaihdan an rawn nei mai hi a fello hlein ka hria a. Chuvang chuanin kan ram kan hnam a lo dinchhuah theihna tura inlungrealna kan mamawh em em laia hetiang ngaihdan sikhaw te te leh interek hran duhna thil tihpuitlin tak tak theih anni pawh hian an ring bikin ka ring lo. Tihbua duhna hrim hrim em ni zawk tih te pawh ka ngaihtuah a. Tin, kan rama a chibing anga inthliar duhna thinlung han tih motivate duhna avanga hetiang thil te hi tih a nih ngat pheichuanin, a vanduai-thlak lehzualin ka ring a. He thil lo chhuaka hi kan Congress hruiatute pawh hianin an duh zawng a nilo a nih ngat chuan, a titute chungah hian kut an thlak ngei tur niin ka ring a. An ti lo a nih ngat chuan a rugin an mawngah

an lo kheuh ngei : _____ a rai zawng a rai ngei a ni
tih kha a dik tihna a ni ang.

Ka lawm e.

* Speech not corrected.

PU K.T.ROKHAW

: Pu Speaker, thusawina hun
lawmawm tak min pek avangin
ka lawm e. A hmasain reso-
lution hi a thu ngaihtuah

chuan ram leh hnam hmangaih taka thusawi a ang a. Amah-
erawhchu, MNF Sorkar hian he U.T. lan dil hi a pawmpui
a ni tih chiang viau in ka hria a. Mara ramah sawn
U.T. Cil pawl M.D.F. (Mara Democratic Form) an awm a.
Hun rei tak atangin U.T. hi an lo dil tawh a. Memorandum
pawh India Prime Minister hnenah vawi hnih, vawi thum
lai an lo theh lut tawh a ni. Chu party MDF hote nen chuan
he MNF Sorkar hian kum 1996 atangin kum 2000 thleng thawk
ho turin agreement an lo sign a ni.

He party MDF hote nena thawh
ho an duh si a nih chuan U.T. dil hi an do lova, an pawm
a ni tih hi a chiang a ni. Tin, Pu Speaker, an thawkho
a ni tih a chianna em em chu, October thla khan kan Minis-
ter zahawmtak khan a sawi tawh a, Saiha-ah kalin he U.T.
dil party M.D.F hote nena kum 2000 February thla a member
of District Council Mara District thlanna awm turah hian
thawk ho leh turin an rel a ni tih kan hria a ni. Tin,
kan Minister pakhat thusawi ka lo hriat chhawn danah chuan
U.T. mai pawh nilo State pawh dil rawh u, kan remti alawm
tih ka lo hria a ni. Chu chu Saiha leh Lawngtlai mipuite
sawn an sawi a ni. Dt.12.November, kan hriatna hi a sual
loh chuan M.D.F te nena thawk ho turin M.N.F. Executive
Committee chuan an rel a ni tih kan hre bawk a ni.

Tin, Lai ramah sawn LPP (Lai
People Party) Lai rama U.T. dil pawl party-te nen thawkho
in Congress Sorkar Lai District Council a Sorkar kha paih-
thlain kha kha kaikawpin MNF leh LPP in Sorkarna an siam.
Tin, Chakma ramah sawn U.T. dil pawl Chakma Jantya Pari-
shad hote nen tun tum M.P thlanah khan an thawk ho leh
bawk a ni. MNF Sorkar hmasa a Minister pu Saingura Sailo
ngei kha Chakma Jantya Parishad Office hawngtu a nih kha.
Chuvangin thufing pakhat chuan 'Thusawi aiin thiltih hi a
au ring zawk' a ti a. Kan M.N.F. hotute thiltih dan hi
kan Mizo mipuite hian in hrechiang lovang tih ka hlau a,
U.T. hi an dodal lova, an pawm a ni tih hi chu kan hre
tlang a ni. Mahse, an pawnsak ate hi chu an mi support
te U.T. dilna chu an pawm a, an ni support lo tute dil
erawh chi chu. an pawm lo a ni tih a chiang a ni. Chu-
vangin pu Speaker, he resolution hi Mizo mipui laka thiam
channa tur hmaikawr ang lekin an hmang niin ka hria a.
Chuvangin, keini Chhimituipui District-a Congress hrui tute,
a bik takin Lai, Mara leh Chakma te vawiina U.T. dil tura
hma kan lakna hetiang taka an ngaimawh hi mak ka ti a.

Chuvangin, keini chuan U.T kan dilna hi withdraw kan tum dawn lo a ni. Tin, Mizoramah hian hnam tenau zawkte duhsakna vawinah hian Chhimituipui District mipuite rilruah a awmlo a ni tih hi an hriat avangin U.T. dil hi an rilruah a lo awm ta a ni. A diktak chuan ni 30.6.1986-ah khan M.N.F leh India Sorkar agreement-ah khan hnam tlem zawkte chhawmdawl leh humhalh hi State Sorkar tihtur a ni tih a in ziak a. Chutah chuan tuna Sorkar lai hi Opposition a an awmlai khan Chakma District Council thiat turin resolution a lo lut tawh a, chuan, kan Chief Minister zahawm takin Oath a lak ni khan Governor Compound chhungah Chakma District Council thiah tur hi kan hna hmasaber a ni tiin a sawiin kan hria a. Chutiang a nih bakah, Y.M.A Champhai Conference-ah Voluntary Organisation-ah chuan a lian ber a ni a, Chakma District Council thiah turin Resolution an passed baw a. vawinah hian Chakma, Lai leh Mara te chu kan tobul hmunkhat a ni a, Chakma an thiah chuan Mara leh Lai hi kan him tawh lo a ni tih hi kan Chiang em em a ni. Mi a nileng lo chuan kan him tawh lo a ni tih hi kan Chiang a ni. Chumi a nih avang chuan miin kan him tawh lo a ni tih a Chian chuan a himna tur a zawn chu a tih tur a ni dawn lawm ni? Engatinge him tura min siam loh? Engatinge him lo tura min siam? Engatinge U.T diltu min support-tu chu an huat loh? Chuvangin, tuna United Lai, Mara, Chakma Committee-na a U.T dil tura kan tihte hi kan rilru tak takin kan ti a, MNF hotute pawhin min pawmpui a ni tih hi kan Chiang ve baw a ni, an thiltih atang hian.

Tin, Pu Speaker, important circular dt. 24.January, 1973-ah khan he representation Pawi/Lakher/Chakma Region hi din kan nih lai khan quota pek thin kan ni a, non-gazetted leh gazetted appointment ah quota kan nei thin a ni. MPS-ah te pawh, MPS, Technical training-ah te pawh tunah erawh hi chuan State kan nih hnu ah erawh hi chuan State kan nih quota kan nei tawh lo a ni.

Tin, Chhimlam chu kan hria a, hnamhnufual bik kan nih avangin kan thalaite lehkhazirna tur hmun thaah kan kaltir thei lo. Helaiia Phairama State dangah te, zirna tha thaah Zirlai tam tak kan tir a, anni te nena in compete tur chuan thawh ngaihna kan awm lo a ni

Chuvangin, Chhimituipuia thalaite tan chuan Merrit List-a tlin hi vana rah ang mai a ni. Chuvangin, kan thalaite rilru a na em em a.

..... Khu hnam te nau zawk leh hnufual zawk an nih avangin non-gazette leh gazette-ah appointment-ah quota an nei zel a ni, tun thlengin. Mahse Mizoramah erawh chuan tunah khami order, an order pawh hemi M.A.P Vide letter No.MAP. 32/72/52 dt. Aizawl, the 24th January 1973-ah pawh, Kha tunthlengin a la ding a ni. Mahse, hman a ni tawh lo a ni.

Chuvangin, vawiinah hian a dik a dik chuan Chhintuipuih hian Specialist pakhatmah Doctor kan neilo. Aizawlah hian hetah hian sawmli rual Mizawl leh Lungleiah an awm lain. Chuvangin Chhintuipui hian ngaihsak kan hlauh lo a ni. Mipuite pawhin vawi tam min zawt tawh. Chhimlam mipuite aiin hmarlam mipuite hlutna hi a hlu zawk em ni tih pawh min zawt tawh thin a ni. Chuvangin, chumi chauh chu nilo pu Speaker, hetah hian ka sawi tawh a, keini a bik takin, Mara hian lam kan nei a, Solakia, chu chu hetah hian Sarlamkai tiin min leh sak a. Chu chu a diklo a ni tih vawi tam ka sawi tawh a. Mahse, chumi chu siamthat a hnekin modify-in Sarlamkai tiin koh a ni. Chuvangin, hemi hi Mara thalai te sentiment a tina hle a ni. Chuvangin, a dik a dik chuan M.N.F te pawh engatinge M.N.F alo pian, Mizo sentiment Assam Sorkarin a tihnat avangin M.N.F hi lo piang a ni. Mautam lai khan Mizo hnam kan tam em avangin kan pawimawh ken thil tum engkim kan thlen a kha Assam Sorkarin a ngaihpawimawh loh avangin vawiinah hian pu Laldenga hovin Mizo National Famine Front din a ni. Assam Sorkar kha State Motherly achievement by Assam State Government kan ti hial a nih kha. Nuhrawn hrawn kan duh tawh lo a ni tih avangin vawiinniah pawh M.N.F hi ding a ni.

Chuvangin, Chhimlam hi kan ngaihsak tawh lo a ni tih vawiinah hian ka sawi duh a. Chuvangin, District Council vawiinah hian Lushai District Council kha 1952-ah a piang a. Pawi, Lakher Region Council kha 1953-ah a piang ve a ni. Kumkhat chiahin a inthlau a ni. Chutah chuan U.T. Mizoram anih khan Autonomous District Council-ah Mara, Lai leh Chakma chu dah an ni leh a. Chuvangin, vawiinah hian State Sorkar hian thataka min enkawl chuan engatinge U.T. kan dil tehlu ang. Mahse, min enkawl dan hi a that tawh loh avangin vawiinah hian U.T. dil kan rei a ni. Chu chu pu Speaker, ka rawn sawi duh a ni.

* Speech not corrected.

PU J. LALTHANGLIANA
MINISTER

: Pu Speaker, hei vawiinniah Resolution sawiho tur kan nei hi a mak danglam hle a, a tul ta tlat mai si a.

Mizoram hi zim te a ni a, kan zirlai chuan a danglam mel 200, avang lam mel 200 kan ti mai thin a. Hei mihring population-ah phei chuan India ram State zingah hian Sikkim tih lohah phei chuan a tlem ber hial a. Tin, chi hlang, tawng khat hmang, ram nuam tak. Nagaland-ah te chuan chi tam tak, tawng inpawh theilo an awm a, an mangang lutukin Nagamis tawng te an hmang a.

Hei kan thenawm lawk Meghalaya te pawh saw han en ila, tawng inpawh hauh lo State khat hnuaiah an awm a. Chungah pawh chuan U.T. dil emaw han inlakhram tum an awm awm hi kan hre lova. Kha apposition lam ten tunhma pawhin an dil tawh thin e an ti a.

..M/-

Dil tawh anih phei chuan a pawl em em mai a, Tuna dil dan erawh hi chu Task Force hial siama nasa taka beih tum an awm ta a ni. Chuvang chuan Zoram mipui pawh hian hei hi kan rilruah a awm a. Chanchinbuah te phei chuan a chhuak nitin deuhthaw a ni. Tuna kan ram zim te hi, hei Pathianina min pek chin kan ti ta mai a. British ho khan Administrative engemaw convinent avangin Mizo awmna te kha min then hrang thliah a. A then chu tunah hian India zalen hnuah phei chuan Mizo awmna tam tak hi Foreign ramah a awm a, Bangladesh-ah te pawh Mizo tam tak hi India ram huam theih lohna a lo awm ta a. Chutiang-in Myanmar-ah te pawh. Tin, Mizo awmnaah te pawh then-khat State dangah an awm ta a, kan awmkhawm thei ta rih lova. Tuna kan luah ram Mizoram hi, khawchhak lamah khian hmanlaia kan pi Leh Pute Lallula thlah Vanhnuailiana te leh pasaltha Nikuala ten tiauchil khi theihtawpin an lo humhalh a. Khawthlang lamah hian Suakpui-lala te hian theihtawpin hmarthlanglam leh hemi khawthlang lam an humhalh chin hi kan ta a ni ta mai a. Chhimthlang ah sawn tuna Mizoram kan tih chin taka hi chu Rothangpuia ten an humhalh chin a ni a, Chhimlamphei saw chu Mizo Lal ropui tak pu Hausata leh a thlahte Dokulha te lalna ram a ni a. Dokulha phei chu British khan an man a, a tlawm ve loh avangin Andaman Jail-ah dah a ni nghe nghe a. Chuvang chuan kan pi leh Putena harsa tak maia he ram hi an lo humhalh a ni. Chuvang chuan ram nuam takah kan siam a, a nuam em em mai a. Amaherawhchu, engtizia nge ni, inthen hran duhna rilru a piang a, kei pawh ka ti em em mai a. Hmar lamah khian kan Lal ropui tak pakhat a awm a, Liankhama, mihuaisen Vanapa nen tuna kan ram chin khi nasa takin an humhalh thin a ni. Chuvang chuan hei hi hlu ka ti a, kan thlahtute an lo huaisen zia kan la hre reng awm e.

Ropuilliani te phei chu tlawm ve reng reng lo, British lakah pawh Mizo hnam humhalh turin Chittagong Jail-ah a thi nghe nghe a ni. Chutiang khawpa kan thlahtu huaisen tena an lo humhalh he Mizoram chin, tuna kan neih te a hi hlu ka ti a, hemi thendarh tur hi chuan kan Resolution ziahlan hi a ropui ka ti. A tul ang zelin kan dodal tlat dawn a ni. "Thendarh tumtu te hi a tul ang zelin kan dodal tlat dawn a ni" tih a tel nghe nghe a ni. Hei hi Opposition lama mite pawh khan min pawmpui ka ring tlat a. Zoram thendarh hi chu kan zavai hian kan remti turah ka ngai lo reng reng a. Engemaw vuiha kan nei anih chuan sawina tur a awm a lawm. Politics engemaw tereuhte, engemaw mimal duhamna emaw, mahni party pakhat hamthatna duh avang hian Zoram then-darh tur hi chuan rilru kan put loh thain ka hria. Approval a awm a nih pawhin hei hi chu sim thain ka hria. Party pakhat an Sorkar loh avanga tute emaw fuih pawrh ching riau an awmin ka hre thin a. Chuvang chuan tuna mi pawh hi chumite thil tih bawk chu a ni awm mange awl ka ti a.

Diktak chuan Mizoramah in-thlanna kan nei a, kan la nei fovang a. Mipuiin an thlan lal apiangin rorelna an nei mai dawn a. Sorkarna kan chelh tum a awm anga, kan chelh loh tum a awm ang. Mizoram hi chu a awm reng dawn a ni.

Chuvang chuan Sorkarna kan mawh avanga mangan lutuk tur emaw, tu te emaw fuihpawrh tur zawn emaw, hei hi kan tih tur niin ka hre lo tlat mai a. Chuvang chuan vawiinniah hian kan ngen duh em a chu, hei kan Resolution hi a chiang em em a, opposition lam khan tunhnaia in han ngai thei lo deuh a nih pawhin tunhnaiah hianin beihna hi a nasa tawh em em avang hian tunhnaia mi hi hemi Resolution-ah a lo lang ta a ni mai a. Hei hi chu ala lehzel tura pawh hi tunhnai chang pawh a nilo. La beihna lehzel tura pawh hi kan zaa kan do thain ka hria. Mizo hnamte hi kan inthendarh tur a ni lova, kan pumkhat deuh deuh anga, tuna U.T dil zinga mite pawh hi Aizawla kan hotu lian ber berte an ni a, kan zah ber berte vek an ni a.

Chuvang chuan sawti lama politics-a mi blame duh vang mai mai a, thil tih a nih pheih chuan hei hi chu thil tha lo tak a nih ka ring.

Tin, kan rilru hi tihzauh zel a tha. Hnam khat kan ni a, ram khatah kan awm a ni. Hnamdang hian min it em em a ni. Chuvang chuan kan thinlungah pu reng ila, kan thlahtutena tukuli leh oland nen, fei nena an humhalh, tuna kan heih chin ram pheih hi chu a hle ka ti em em mai a. Kan inthendarh tawh tur a nilo reng reng. Y.M.A thu passed-te kan sawi a, kan ngaimawh deuh a nih pawn in thu passed a ni mai a, Sorkar thiltih a awm lo. Sorkarin Y.M.A thu passed-ah coment engmah a siam pawh ka hrelo. Social organisation pakhatin an duhthu an passed a ni mai a. Khangte kha lak vung viau a, chhuan-lama hmana tihtlakah ka ngai lo. Sorkar thu a awmlo reng reng a. Enge a chhan chu aw ka ti thin a, Mara District Council-in inthlan an hnaih avang hian chak kan duh vang mai mai nge maw ni aw, thinlung tak tak hian kan ti, kan hrelo.

Mara District Council inthlan lo awm tura chak kan duh vang mai anih chuan a tenau viau ah ka ngai a. Thinlung tak taka kan ti anih chuan lung-chhiatthlak ka ti.

Kan ram a te kan tih em em tawh nak laia, thendarh la tum tlat mai hi a pawh hle a ni. Inthendarh tuma diltu, kan hotu lian tak takte pawh hi inthendarh ila in ropui ka ring chuang lo reng reng. Awmkhawm tam hi kan ropuina a ni. Kan MIP, hman atanga kan thlantlin ngar ngar, Mizoram aiawhtu an han telte pheih hi chu a pawh lehzualin ka hria. Hetiang rilru hi pu lo ila, ram nuam kan siam dawn a ni. Kan Chief Minister-in ram nuam tak siam kan tum a ni a tih thin hi, ram nuam tak, siam i tum teh ang u.

Hmanniah khawthlang lamah ka zu zin a, Tripura-ah khawthlang lamah pawh khuan engemaw ti fe fe an awm a. Press ho leh T.V. hoin min interview a, tah chuan chiang deuhin ka sawi. Mizorama remna leh muanna hi tuma tihchhiat kan phal lo reng reng, kan chakna zawng zawng hian kan do dawn,

Mizoram hi thendarh a ni ngai lovang, chu chu in T.V-ah pawh in puang anga, News paper-ah pawh ziak rawh u, tiin ka sawi a ni. Mizorama buaina siam turin tumah kan duh belh lo reng reng tihte ka sawi a ni. Kan zavaiin kan tan ho a tulin ka hria, Mizoram aiawhtute kan ni.

Mizoramah hian inlungrualna a awm a, inhmangaihnhate leh tanrualnate a awm chuan Zoram hi ram nuam takah kan siam ang.

* Speech not corrected.

PU LALRINCHHANA
MINISTER

: Pu Speaker, ka lawm e. Vawi-
inah Home Minister-in kan
ram inpunkhatna venhimna
tura he Resolution a siam

chhuak hi a lawmawm a. Lungruala kan Pass pawh ka duh a. Mahse, tlemazawng thil han sawichhuah duh ka nei a. 1987-ah M.N.F kan Sorkar a, kum 1 velah Underground group khat tute huaihawtin emaw an chhuak a. Vawiinniah kum 1 vel kan han Sorkar chiah a, Mizoram mipui thlan Congress Member 7 zinga 5-in Mizoram thendarhna tur thu an passed a. Delhi-ah Move an tum thu kan hria hi a pawh ka ti khawp mai. Hmana mi pawh, tuna mi pawh Congress mipui zaa sawmkua hian an support lo tih hi ka pawm, ka hmu chiangin ka inhria. He thil ti duhtute hi he MPC-MNF Sorkarna tihbuai tunna rilru atanga kal em ni te ka ti. Anih loh pawn, vawiinniah signatory kan han sawi chhuah tak Mizoram mipui thlan M.P. pakhat leh MLA 4-te hi mipui rilru hi an dinhmun leh thusawi hian a kawh tak tak em? Congress mipui rilru tih leh hei hian majority rilru kalpuiin he thu hi em ni an kalpui,, in ngaihtuah chiang rawh se. Anmahni mimalin he House member-ah rawn ding an nilo. Congress Ticket-a ding an ni. Congress mipui 90% rilru hi anmahni against hi niin ka hre tlat. Min-thlangtu mipuite he House zahawmtaka awm tura min ruattu Party rilru kalha kan duh zawng zawng sawi thei em ni kan nih? He member, a luttehi, chu tur chuan MLA leh M.P-ah te hian thlan an nilo. Democracy a mipui aiawha dingte hi kan ngaihndan leh kan thu a awm tur kan nilo, mipuite policy leh rilru, chumia an symbol tur atan tarchhuah mai kan ni. Mahni duh duh sawi thei kan nilo

Engvangin nge heng mite hian kan M.L.A dinglai 4 te leh tuna M.P dinglai pakhat hian heng thil hi hetiang hian Mizoram chawkbuaian leh Mizoram thendarhna thua hming an signed? Hei hi chu Mizoram hnam phatsanna a nih bakah mahni party phatsanna niin ka hria. A nih leh Congress hian Mizorama Indian National Congress hian Chhintuipui District U.T-a an awm saw an duh em? Kan member, Congress atanga lo lutte u, Mizoram Congress Party hian tuna in hming signed-na leh tih in tum hi an thlawp che u em? in ngaihtuah chiang chiah rawh u. Nih leh he thu hi Congress policy a ni e, tiin Zoram mipuite hian kan ngai dawn em?

Tunah hian sawi nghal rawh u. Tuna Opposition group Leader, Congress member hian Congress policy a ni e, he kan dinna tur hi a ti ngam em? A tih ngam chuan sawi rawh se, a ti ngamlo anih chuah he an thu hi an sut tur a ni. He Sorkar tihbuai tum hrim hrim nan em ni he thil hi an tih? Chu chu Congress party pawh hian an party hruaitute leh kan member-pui zahawm tak takte ram chhiat-na tur thil, ram tikhawlohna tur thil, boruak thlenna tur hian ruling party hi an er a nih pawhin, hetiang em em hi chu lo se a tha, erna tur point dang zawng zawng rawh se. Ram inpunkhatna tichhe tur zawng hi chuan thil kan tih loh a tha ang. Mipui aiawha ding kan nih si chuan. M.N.F Party leh Mara Democratic Front-te leh Lai People Party-te pawhin thawkho an ti, thawhona chin chu a awm e. Mahse, M.N.F party-te nena kan thawhonaah hian U.T. subject a tello. Hman atanga agreement kan siam tawh zawng zawng leh thawhona thuthlung kan siamna zawng zawngah hian U.T subject-a tel lo, khami tello khan a ni thawhona hi kan buatsaih thin ni.

Engvangin nge Congress Party aiawha M.L.A leh M.P-a thlantlin ten hong thu hi an rawn sawi chhuah tak? Hei hi chu a pawh khawp mai, hei hi hnam pawisawina a ni. Congress party hian an thlawp lo a nih si chuan, engvangin nge kan M.L.A., helala awm ngei te pawh hian he hnam tithlaphang leh tiderthawng zawng thu leh hla hi an sawi, chu chu an ti anih pawhin, wawin-inni hian an insut tur a ni dawn lawm ni? Chuvangin, he thu hi wawin-inni hian kan sawi ngei tulin ka hre tlat a ni. Hemi thuah hianin tuna U.T dilna hi Congress party hian an pawmpui tak tak a nih loh vek chuan, Congress ticket-a rawn ding zawng te hi in withdraw rawh se, he thil atang hian.

Anih lova, Congress party policy a nih hi chuan tunah pawh opposition group Leader hian Congress party policy a ni tih hi kan hmaah, Zoram mipui hmaah hian declare rawh se. A declare thei dawn lo a, Congress party policy a nih loh chuan, he an thil dil hi paihthlain kan Resolution hi lungrual takin i pass ang u. Tichuan Mizo hnam inpunkhatna leh Mizo hnam tan hnathawhna turah hian ke kan pen tlang a ni tih hi i show tlang ang u.

Tukina an sawi ang khan, Mize-ram thendarhna tur hian engti kawng mahin hmalakna leh Central Sorkar pawhin hmalakna kawngka hi hawn kan tum lo, a tawp thlengin kan do dawn.

Tin, Pu Speaker, tawite pakhat ka sawi duh chu, Opposition-a kan awm chungh zawngin M.N.F te hi tlem te a tih thangtlawma, ramhnuaiah um luh leh tumna boruak kum 10 chungh kan dawng tawh a, hrehawm kan ti lutuk a. Wawina Ruling-a MPC leh MNF kan awm chungh chuan chutiang boruak chu rambuailai boruak, keimahniah a tih thara, engemaw ti zawng boruak chenna tur hi he House-ah hi chuan a awm phal tawh lo la ka duh. Chumi atan chuan he House hi min kaihruai hram ka duh, chu chu ka rawn thlen bawk a ni. Ka lawm e.

* Speech not corrected.

PU LALCHAMLIANA

: Pu Speaker, ka lawm e.
Tawitein kan sawi ve anga.
He Resolution hi a hun taka,
a hmun takah kan sawi niin

ka hria a. Hmanah Assam Sorkar khan Assam thendarh a phalloh thu kha Assembly-ah pass-na chang a lo hre lova, a result chu vawiinniah kan hre theuh a ni. Kan Sorkar hmasa Congress Sorkar, pu Lal Thanhawla kaihruai khan hetiang diltu an awm tih hre reng chung hian, hetiang Resolution hi put luh a, pass nachang a lo hrelo kha a paw hlein ka hria a. Tunah hian ram leh hnam thendarh phallotu M.D.C & M.N.F Sorkar kan lo nei ta a, chutiang lo tih tumte tunhnaiah an lo awm thar leh hian, hetiang Resolution a lo pass ta hi lawmawm hlein ka hria. Thil vanduaithlak tak chu kum 1997-ah Central Y.M.A te, MHIP te, chutiang tlawngai pawlte huaihawtin party zawng zawng lungrualin Chanmari kawm atangin ruahsur hnuaiiah helai Assembly kawt thleng hian kawng kan zawh a, Zoram thendarh kan phallo tiin kan auva, chuti chung pawh chuan kan Sorkar hmasa kha a ngai reng ringawt mai a. Chuvangin, vawiinniah hian he Resolution hi putluh a lo ngai ta a, a hun takah kan pulut niin ka hria a, lawmawm hlein ka hria.

Kan Member-pui zahawm tak, eptu lama thu ten engatinge U.T. dil ve tho M.D.F-te nen in thawk ho si a, tiin M.N.F party chungchang an sawi a ni. Vawiinniah hian politic thuruk kha sawilan loh theih a ni ta lova, fate zingah amah pawh in chawm zo lo, indan talh tum an awm chuan pate'n engtinge an tih ang tih kha ngaihtuah ila. Pate chuan in chingah an awm leh theihna turin kawng hrang hrangin a tih tlangnelna tur a ngaihtuah dawn lo em ni? Chuvangin keini MNF te hian hmanah MDF kan thawpui a, remna thuthlung kan siampui a ni. Chu chu a chhan vawiinah hian sawi loh theih a ni ta lova. Mizoram atanga inlak hran duhna rilru an nei lian tulh tulh ange, Mizoram hi a neitu an ni tih hi inhre chiang ve sela, hei hi i kawp hram hram teh ang u tiin kan hotu ten ngaihtuahna thui tak an hman a ni tih kha he House hian min lo hriatpui ve se ka duh a ni.

Chuvangin, vawiinah hian MNF ten MDF an ni emaw, tu an ni emaw, Congress an ni emaw, Mizoram sathlaa U.T an dilna hi kan remtihpui a nilo; Amaherawhchu, Mizoram atanga inlak hran duhna rilru lo awm kan Session hmasaah pawh kan opposition group leader zahawm takin a sawilan tawh a kha midangte tan a tih emaw kha ka lo ti a, anmahnin an lo tum rilru ve reng mai te hi a paw hlein ka hria a. Chuvangin he Resolution, vawiina lo lut a hi ka support ve duh a.

....
Tin, mithenkhatin Y.M.A Conference October, 21.1999 Champhaia an neih nghawng kha nia tarlan talh te an tum a, he U.T. dil tumna thar lo awm hi. Mahse, Chhimituipui District-a Congress hruaitu ten 5.2.1999-a Circuit House-a an meeting-ah khan Political Status sang zawk an demand thu 2.11.1999-a an minute-ah khan chiang takin an tarlang a.

Chuvangin Central Y.M.A-ina Resolution a lo passed hi chu chhuanlamah an hmang mai mai niin ka hria a ni.

A diktakin min thlauthla an ti a, MNF Sorkarna hnuaiah, hmana Sorkar hmasaah khan Chhintuipui tan bik pawh High Power Committee kha din a ni nghe nghe lawm ni. Khami hnuaah MNF Sorkar paihthlak a lo nih hnuaah Sorkarna lo chelh zeltute khan an tungding zui ta lo tihna a ni lawm ni. Chumi hnuaah MNF Sorkarna lo tlak hnua Sorkarte kha tu te nge ni. He thilah hian tun Sorkar hian min enkawl thalo a ni tihna pawh hi hun la awmin ka hrelo. Chuvangin kum 10 zet Sorkar kalta khan an lo enkawl thalo a nih chuan Pu Speaker, khawngaih takin he Sorkar hian Chhintuipui te hi an beisei ang tak hian enkawl sela, a lawmawm hlein ka hria.

Tin, U.T. diltute hi Congress mi an ni kan ti a, ka ngaihtuah vang vanga, Congress hi an lo va hmangaih lo em em ve ka ti deuh a. A chhan chu U.T kha lo hmu ta ang sela, Pu Zira leh Pu N.K.Chakma chauh hi member an nei dawn tihna a ni mai a, an tan chin chhuah khua tur a awmin ka hrelova. Hei hi electoral politics-ah a result record kan en chuan hemi Chhintuipui leh Western Belt velah Congress an chak thin avang hian Mizoramah engtin tin emaw an chak ve hram a, Chhintuipui kha an insatthla te a nih phei chuan, Mizoramah hian Congress tan chance a chhe lutuk dawn a. Chuvangin he thil hi Mizoram tan a pawl a, Congress tan hian a pawl em em bawka. Chuvangin an thil tih hi an hrelo a nih hi, ngaidam rawh tih ang deuh khan, ngaidam te pawh an ngai hial em aw ka ti hial a.

Nichinah kan member thenkhat ten hnawhchhuah te an han sawi rum rum a, Congress hi an hmangaih lo nge ni, thil tih hi an hrechiang lo nge ni, an chance a chhe lutuk ang tih hi Pu Speaker, an hma ngai-in kan sawi fel ve duh a ni. Tin, a pe thei emaw, pe theilotu kan ni emaw tih lam kha nichinah kan sawi a. Pawimawh tak pakhat chu State Sorkar aw hi a ni, tunah pawh Bihar-ah te chuan Tharkhand State tihte a awm a, mahsela, Uttar Pradesh-ah pawh State Sorkar a che na duh lova, Bihar-ah pawh State Sorkar a che tha duh lova, tun thleng khuan State thendarhna turah khan a takin hma a la lang thei lo a ni.

Tin, kan member thenkhatte hian MNF-in engnge a tihthat tih hi an sawi fo mai a, an hrelo a ni. Khalam atang khan a chianglo a ni kan tih thin ang kha a ni. Hnama chianglo tan chuan a har em em a ni. Tawrhna ringawt in thlen in ti, mahse, Mizoram tana MNF-in leh a policy-in a tihthat hi sawi dawn ila, min assimilate-na te, ram tana development lokal zawng zawngte chungte chu kan sawi seng lovang. Mahse, tawrhna ringawt hi kan thlen a nih chuan heng hi kan sawi lang hram duh a.

M.N.F-te hi chuan an individual may die so that the nation may live tih hi, ram a dam theihna tur anih chuan mimal chu a tul leh kan thi ang chu tih policy hmangtute kan ni. Kan Martyr-te thihna sawiselá hmusit fo tute hi Pu Speaker, hnamah hian an chiang lova, an khawngaih-thlak hlein ka hria a. Chu chu kan sawilang duh a ni.

Tunah hian kan Martyr tam takte hian he ram hi Pathianin min siam anga a lo din-chhuah ve theihna turin an nunna leh thisente an seng a, mipuiin tawrhna namenlo kan lo nei tawh bawk. Chuvangin ram thendarh zawnga hma latute hi he Resolution-in a tih ang hian tha a tilo tak zet a, hetiang Mizoram thendarh tumna hi engtikawng mahin a remti ngai dawnlo a ni. Chutiang thendarh tumna chu a tul ang zelin a dodal tlat dawn a ni tih hi he House hian lung-rual taka pass turin ka rawn support a ni. Ka lawm e.

*Speech not corrected

PU L.N.TLUANGA

: Pu Speaker, Mizoroma Political Party hmasaber Mizo Union Khan Greater Mizoram policy-ah a rawn nei a.

Amaherawhchu, thil harsa tak anih avangin duh angin an hlawhtling lova, kha policy kha Mizo tan a la tha reng a ni, a la tha zel pawhin ka ring. Chu chu member zahawm tak tak ten an sawi tawh ang khan he kan Zoram hi a zim kan ti em em a, Burma atangte, Manipur leh Assam atang te, Tripura atang te pawha a belhchhahtu kan dap a, kan zawn lai a ni a. A theih hun awm se kan duh em em nghe nghe a ni. Tuna Mizoram State dik tak mai engvang vang emaw a inlakhnan duhna rilru a lo awm hi a pawh khawp mai a, Amaherawhchu duhna thinlung an lo pu anih pawhin a pawng a takin ka dem ngawt lova, an, inngaih-tuah chiana ram leh hnam tana an chhut ngun erawhchu ka phut a.

Hei mipawimawh tak takina an rorelna Resolution-te kan hmu a, point khatah chuan, heng keini bialte hi min hlamchhiah, Sorkar enkawlina kan dawng khawp lo, kan tawng khawp lo te an ti a. A dik khawp ang. Mizoram hi a leilung han en chuan hmarlam chuan hman atang khan Hmarthimpui min ti a, an lungawilo em em fova, khawthlang pawh khuanin, khawthlang hnuchhawn ram min ti reng thova. Chutiang chuanin mahni tawkah kan lungawilo tlang vek a. Amaherawhchu, India ramah Mizoramah Sorkar atanga enkawlina hi tuman kan khamkhawp lo theuh, kan mamawh tawh kan hmutlang thei lova. Chuvang chuan mahni tawh tawkin kan vui a, heng kan vuina rilru avang mai mai a inlakhanna rilrute a lo chhuak anih chuan sim i tum ang u, thil tling a nilo. Ram leh hnam a kawh lo.

Tin, kumin chung mai te pawh hian kan Editor zahawm tak tak te pawh hi ka ngen nghal duh a. Heng ram leh hnam thensawm zawng leh lung-rualna

tibo zawng Article-te hi chu khawngaih takin ziak lo hram hram sela, kan pumkhatna leh kan lungual tlanna tur hawizawng hianin kan Chanchinbu ziaktute leh Editor zahawm tak takte hianin kalpui se ka duh a. Tun kumin chung khan Ram thonsawmna lampang hawi thu ningnel te te a chhuak teuh mai a, paw ka ti khawp mai a. Chuvangin he House zahawmtak atang hian kan Editor zahawm tak takte hi kan pumkhatna tur leh zalen tak leh hlawn tha taka kan awm theihna tur lam hawi zawnga ziak tur leh chutiawng Article chu ngaipawimawh turin ka ngen nghal baw ka ni.

Tin, Pu Speaker, helaiia kan michhuanawm tak takte hming kan hmuh hian ka phu deuh zawk mai a. Tunhmain U.T. an dil tihte a lo awm anih pawhin kan lo hre ve satliah mai majah ngai ila. Tun tumah an dil dawn U.T Demand Committee an han siamte ka han en a, Mizoram chungka kan hruaitu pawimawh tak tak sitting M.P te, MLA te anni tlat mai. Hetah Member zahawm takin a sawi ang khanin, heng kan hruaitu pawimawh tak tak ni mekte hian U.T. dila ke pen hi an tih tur dik tak niin an hre thei em ni? An harsatnate an mamawhte kan Sorkar an khamkhawp loh thu chu eng ang pawhin sawi rawh se. Amaherawhchu, hetiang hnama nawr te an lo duh te anih lek phei chuan a paw ka ti khawp ang. Party policy-a an kalpui tak tak dawn anih chuan sawi baw rawh se, chuti lova ruling party emaw, mipui thlan Lal tak tak tena hetiang bawhzui tura kan chhuanvawr tak takte an hming a lang thluah te hi a paw ka ti khawp mai. An kal lohna turah an kal a niin ka hria a ni.

Hnawk kan tihna a lian tih hi a lang chiang em em a. Amaherawhchu, a dang an sawilo, Chakma District Council chauh an sawi a ni. An sawi loh thleng thleng chuan i bel lovang u. A dang an ti tello, an tumna pawh kan hre baw lo, Chakma hming hmerha an sawi lai hian a dang an sawi love, mipui ti phawklek tur leh tute emaw thlabar tura siam tum anga Y.M.A pawh hi ka phal baw lo. Vawiinni thleng hian Y.M.A hian humsual a dai pawh ka la hrelo. Khawvel pawhina min it na ber chu kan Y.M.A te hi an ni.

Tichuan, a hun takah kan Home Minister-in he Official Resolution a rawn rawt hi lawmawm ka ti a. He thuthlung ang hian Zoroma kan political party zawng zawngte kim vek sa ka duh tak tak a, chu chu kan ram leh hnam tan a niin ka hria, ka lawm e.

*Speech not corrected

DR LALZAMA

: Pu Speaker, hun min pek
avangin ka lawm e. Chakma,
Lai leh Mara atanga U.T.

dilna tur chungchangah hian
a reltute chu Congress hruiute, District 3-a President
te, MLA-te, M.P-te an ni a. Heti chung hian Congress
ho chuan an U.T. dil hi an hmu a nih ngat chuan M.N.F.
vang a ni ang an la ti talh mai a kha, zu ruiin mi kal
tha lai a su lui a, 'engahnge min sut' tih ang kha niin
ka hria a. Hetiang mai mai hi kan awmdan ni lo sela,
tih hi ka duh tak meuh a. Kan ram hi a dinchhuah theih-
na tur leh kan ram kan hnam pawh a lo san a, kan lo
thanlen theihna tur hian Sorkarin hma a la tak tak zel
a ni a. Hetiang mai mai hi tunah chuan a hun tawh lo
a ni. Congress hunah khan kum 10 chhung rorelna hun an
nei tih kan hre theuh a. Chung hunah chuan a tu tu emaw
in U.T. an lo dil pawh ni ta sela, khami do thu leh duh
lo thu awm a kha Legislative Assembly-ah hianin a ni
ngailo reng reng kha mak ka ti a. Chuvang chuan tunah
hianin Home Minister-in Official Resolution a rawn pu -
lut hi lawmawm hlein ka hria a. Lungruah taka pass
mai tur niin ka hria a. Amaherawhchu, kan Opposition
lama kan member zahawm tak tak te khan khatiang zawng
khan an lo tan viau mai a. Khatiang chi kha helaia
Mizoram Congress-te khanin a thu pass in lo thlawp reng
emaw ni tih te min ngaihtuah tir a. Chuloah chuan kan
party-ah hian an lo inpe leh zawk em ni aw tih ngaihtuah-
na thui tak tak min neih tir a.

Hei, 1935 khan ti ta daih
ila, 35 khanin Lianhnuna, Tiante Lal, Lunglei lama mi
sawn Silver Jubilee lawm khanin Chakma hote a lawr tir
a, hlawhfa an chhawr an ni a, 1931-ah khan Chakma popu-
lation kha census-ah a la lang lova, 35-te kha chuan chu-
tiang chuan an chhawr a, an lam tir tih thu Mizo leh
vai chanchin lehkhabu-ah kan hmu a. Tichuan, 1941 cen-
sus-ah an lo lang tan a, sawlama a awptu Bawrsap Supe-
rintendent khan kum 1944 khan Chakma permanent settlement
a khapna thupek a chhuah nghe nghe a ni. Mahse, khati
chung khanin 51 kha chuan an population chu a lo lian ta
khawp mai a. Tichuan Census neih kum apiangin an lo
pung chho hluai hluai mai a, tunah phei chuan singriat
vel nge ni chutiang chuan an inchhal tawh a.

Engpawh nisela kan sawi
tum a chu kan ram chhungah hianin foreigners ho nasa
takin, diklo takin an lo lut a ni tih kha a chiang em
emin ka hria a, chu chu Mizorama mipui zawng zawng pawh
hian kan hriat dan tiangpui chu a ni lo thei lova, a
kum leh a hun tak erawh kha chu hriat pawh a har a, an
inthlah pun chhoh pangngai leh Mizorama anni awm nghet
ate, kan pawm chin ho bak kha nasa takin an lo lut a ni
tih a hriat a, chuvang chuan ka rilrua lo awm a chu
khatiang 1935-ah te pawh lam tir leh hlawhfate pawh an
chhawr thin a kha, tunah ngaimawhawm taka an lo awm thei
ta leh kan Y.M.A meuh pawhin a District Council hi thiah
ni rawh se ti khawpa pass ngai khawpa an lo awm te hi mak
ka ti em em mai a.

Chuvang chuanin vawinniah
hetiang U.T. hial an lo dil mai te hi thil awmlo tak
mai Mizoram mipui zawng zawngina kan do nghal tur niin
ka hria a. Chuvang chuan, vawinniah pawh heng Congress
unaute, sitting M.L.A-te ngei pawh chhiar tela an hming-
te lo lang te hi a mak ka ti em em a. Anni pawh hianin
'Hetiang hi kan ti tawh lovang' ti a ngaihdam an dil
hial leh, an auchhuah hialte pawh hi a thain ka hria.
Chutiang chuanin sawi zawk sela, an party-in hei hi an
pass leh an hriatpui anih pawh a rinawm chuang lova.
Chuvang chuan keini lamina kan tih a nih avanga duh loh
ringawt chu a nilova, Mizoram hmangaihna thinlung tak
tak atanga hei hi kan ngaihtuah chian a ngai em em a ni.
Ram leh hnamte a lo changkan chhohna tur leh khawvel
hriatah pawh a kan lo san chhohna tur ngaihtuah a nih lai
a, a inthen te zawng leh heti zawnga thil lo tih hi tunah
chuan Mizo mipuite zawng zawng hian nasa takin kan do
a ni tih kha lo hre nghal selangin a thain ka hria a.
Heng Y.M.A-te pawhin chutianga an han tih nachhan pawh
hi **kan hnam hi inlak inlak** hran lampang zawng nilova,
inpumkhat zawnga kan chet hi a hun a ni tih kha a chiang
em em mai a.

Tunah pawh sawlampanga party
hrang hrangte M.N.F party-ina kan thawhpui tihte pawh
inpumkhatna zawk tur leh ram neitu kan nih tlanza zawk
tak tak thinlungte pawh kan put tlan a, zai khata kan
luan zelna tur zawk rilru a nih zel lain hetiang inla-
hrang zawng leh inhung bing lampang ang chi hia a ni hauh
lova. Nichinah pawh kan ngaithla tawh a, thawhpui mah
ila U.T. dil lam kha a subject-ah a tello. Chuvang
chuan va thawk ho pawh ni ila, a tha zawnga kal leh in-
pumkhatna zawnga kal kha anih avangin U.T. dil lampang
kha subject-ah khan a tel ve reng reng lo tih kha lo hria
se a thain ka hria. Kan Party-ah te hian lo awm vek zawk
sela, thinlung leh rilru hmunkhat puin awm tlang ilang
a tha zawk ang.

Nichinah khan kan ngaithla a,
thusawi aiin thil tih a pawimawh zawk a ni tih kha kan
Opposition member zahawm tak khan a rawn sawi a. Thusawi
aia thil tih a pawimawh zawk anih ngat chuan tuna U.T
dil tumna thil tih hi a rapthlak hle zawk tihna a ni.
Heng thil Mizoram tiche zawng leh ti te zawng leh then-
darh zawnga thil tih an lo tum pawh hi a rang a rang
hianin sut nghe nghe sela, a tha a ni. Midang hi puh
tum lo sela a ziaawm ang

Nichina kan sawi zu ruin mi
a su a, engahnge min sut ? an tih ang chiah kha a ni.
U.T dil tumtute hi nangnin in va thawhpui a ti a, an ni
chuan a dil in in va dil a nia, keini thawhpuiinaah chuan
inlungrualna leh inpumkhat tumna zawnga thawhpuiina a ni
zawk, kha kha ania an ni chuan a la hrang zawnga tih kha
an tum ta tihna a ni. Kha kha chu a inanglo lutuk a,
Chhim leh Hmar ang, chhun leh zan ang daih a ni. Hetiang
thil zahthlak tak tak hi bansan tawh sela a thain ka
hria. Vawinnah kan Resolution pawimawh tak hi inlungrual
takin pass tlang ila, nakinah pawh a dil an awm a nih
pawh in leh,

tuna dil tawh emaw la dil tur an awm anih pawhin, a chhan leh a vang sawi pawh a ngai lo, khang kha kan duhlo a ni tih chu lungrual taka kan pass mai hi a pawimawh a ni. Sawi tam ngai lovin hei hi chu lungrual takin i pass ang u tih kan rawt a ni. Ka lawm e.

PU NIRUPAM CHAKMA : Pu Speaker, the official resolution moved by Hon'ble Minister as per as my reading goes the resolution is bias, because we only with those who are intending to demand U.T. does not said anything about those people or the political parties who had already demanded U.T submitted their memorandum to the Govt. of India, on these date untill now having the policy of U.T. in Chhimituipui District. I am surprise why the resolution do not speak about those people who have been champion because of U.T. in the Chhimituipui district. This is my reading. At the same time I would like to express my genuine concern about this resolution and from the circumstances from where we have come to this stage. It is known to every people in Mizoram. The congress party never supported any division of Mizoram or any reperative movement. I am also one of the Congress member since the last 12 years in this Assembly, that was occasion once we have discuss and debated various content this issues including the abolished of Chakma District Council. The topic I still remember, in 1995, the recommendation of the Rajya Sabha Committee on Petition came out recommending separate administrative unit for the Chakma's.

We are the Congress Member, I would not hesitate to mention it as we have never agreed and I am one of the members at that time. I was sitting in the Government also. Some of the members also mention, there was huge demonstration in the heart of the Aizawl town. Every politidal party opposite but surprisngly when every person who have submitted that petition and the recommendation came out with MNF now has United MDS Chakma District Council. Is it the policy of MNF or the MNF Party or the Government at present to support those people we had talk about like People party and the MDF we have the policy of U.T. at Chhimituipui District. It is not surprising, Mr. Speaker Sir, for the sake of politic, one should not play bias political games but the sake of strengthening their Party at the supporting those parties for strenthening in the Chhimituipui District. What is the purpose of making non alliance in the election and till today. The coming Government District Council with the LPP whose policy is U.T., if we do not support the policy of U.T. in Chhimituipui District. Your party also should not support those political party. It seems that you have given a task it to them they are not written in support as some of the honourable. Members also pointed out but there is under pending.

But there may be misunderstanding. I remember in one of the talk, I will be the leader. I have spoken and told him how can you make Election alliance with the political party who will not support Union Territory because it is your policy they told me that we had understanding on this matter. Mr. Speaker Sir, if we are genuinely concerned with the integration of Mizoram then why there is a lowest attitude or the move to heroes the minority community. I would particularly mentioned why there has been allowing the attitude and the move to abolish Chakma Autonomous District Council, the Chakma Autonomous District Council was cured out from P.L.Regional Council. It was not the Mizo District Council area so called Lunglei and Aizawl District when the people of Chhaintuipui District, P.L.Regional Council supported the creation of Autonomous District Council why? Other people should speak you may had a sentiment, you may not agree it was history.

Mr.Speaker Sir, I would like to point out that _____ March 1997, I will just get your permission to quote. The Chakma _____ of Demagri now known as Tlabung in Lunglei District originally part of C.S.T and not of Lushai Hills now Mizoram. The provincial Gazette of Volume V within bracket page 413 were noted under charge Elliot order passed in 1892 it was declared that for administrative purposes Demagri should be considered to be part and portion of Lushai Hills. The boundaries were revised on the East including Demagri with population of about 1500 was transferred to Lushai Hills. There was historical evident that some part of Chittagong Hill Tract had been transferred to Lushai Hill for administrative convenience only. Chittagong Hills is the land Chakma. Some Chakma had been transferred to Lushai Hills. It is still existed in the name of Demagri and other surrounding areas. If you find very difficult evidence do you want to give it back _____ suppose tomorrow demand that _____ is our land are you going to give. I am talking in the contest.

I am talking in the contest of justified that the blind were Chakma living are once..... a part of Chakma Lands were are living in the Chakma land. Therefore given Government of India not is position very well one peace negotiation totalment in Mizoram was going on we know, there was Demand of abolition of District Council in Mizoram and Demand was matter that..... I was going on leader in Delhi and Govt of India and that the Mizoram become State.

Mr.Speaker Sir, please about only two minutes the Right and Privillage of in minorities in Mizoram as..... in Constitution shall continue to be preserve and protracted and their Social and Economic advancement shall be and show this is a memorandum of settlement para line, it was already great Government.

The rights and privillages the minority as and this is a constitution. What is means constitution says that to be provided minority in Mizoram the form of District Council and other rights shall be preserved and protected and also their social and economic would be and Mr.Speaker Sir, I would like to heart any body I am not against anybody. But when their is a moved only till that where Chakma District Council abolish..... imagine what we tell. Now you make we also fill when we debate..... I think it is and it may not bring..... unless you do attitude and said clearly declared the interest of the minorities will be safeguarded. Thank you.

*Speech not corrected.

PU RUALCHHINA
MINISTER

: Pu Speaker, hei vawiinniah House-ah political party then-khat tena Mizoram thendarh tuma U.T. dil te an han rel

tak thuah mi a surprise hle a. Tin, sawiho te pawh a lo tul ta hi a pawh ka ti khawp mai a, chu chuan kan rilru terek zia a tilang hle a, pawh pawh ka ti lehzual a. Kan ram kan hnam aiawh a MLA leh MP-ah pawh thlantlin khawp kan nih laia hetiang a terek hrannate kan han ti hi chu a awm lo hlein ka hria a. M.L.A. anga kan thutiamte pawh kha kalh hlein ka hria a, pawh ka ti takzet a ni.

Tin, vawiinniah hian hetiang a thil a lo awm takah chuan House-ah ngei sawiho theihna kan nei hi a hun hlein ka hria a. Tin, chutianga sawiho theihna hun lo awm theihna tura he Session lo awm ta pawh hi a lawnawm lehzualin ka hria a. Hetiangte hi lo awm lo phei se chuanin Mizoram tana pawh khawihna lian takte pawh a awm palh ang tih hlauhthawnawm hlein ka hria a. Opposition lama kan thian zahawm tak tena an han sawi-ah khanin MNF hian khatiang kha a support zawk alawm ti ang khan an rawn sawi hram hram a, avang chu MDF te LPP te in thawhpui alawm, anni kha chutiang advocate annih avangin in thawhpui a, nangmahnin in thlawp a ni tiin tanfung an rawn siam niin ka hria a.

Helaiah hianin Khang kan thawhpuite kha inthlanna election alligned-te a ni a. U.T. dil chungchang a ni reng reng lo tih kha an hre thelh niin ka hria a. Chuvangin kha kha lo hre tawh se, "E khai, kan lo hre diklo tawp mai" ti se thain ka hria a. Election alligned-te chu hei tunah pawh MPC-te nen kan tangrual a, election alligned kan nei a, Sorkarna pawh kan siam a, chutiang zelin election alligned-te leh Sorkarnaah te pawh kan tang ho alawm. Amaherawh chu, U.T. dil a, tangho turin alligned kan siam reng reng lo, kha kha erawhchu hre rawh se. Tin, khatiang a interek hran duhna thinlung an nei kha ka ngaihtuahna thinlungah huan he Member nihna pawh hi tlansan hial awm a ni a.

M.P-te an han tel lehngal phei kha chu Mizoram pum aiawh a ni a. Thendarh han tumna ringawt mai ang khan tuman kan thlang tling lo tih kha hre nawn leh se thain ka hria a. Chuvangin tunah hian kawng an bo mek niin ka hria a. Kawng dikah lokal leh sela, an tan hlauhthawn tur a awmlo reng reng, thlamuang takin lo awm rawh se, khawvel kan hneh zel dawn, chu chu an zingah ka sawi duh a ni. Tunah hianin kan member zahawm tak, tuna mi pawh khan a rawn sawi a, kan Agreement-ah khanin minority-a enkawl tur a ni, an right pawh a thuhmun tur a ni tih pawh kan ziak reng a. Mahse, District Council hi a nih loh leh U.T. dil tura sawngbawl tur a ni tih a awm reng reng hlei nem. Kawng dik loah kan kal a ni tih hria se. Ngun takin enkawl a ni, dim tak pawhin kan enkawl a, an thatna tur pawhin kan enkawl a ni zawk, kha kha an hriat ka duh a. Chutiang an hriatchhuah atang chuan he Resolution hi vawiina kan pass-naah pawh hian "E, kan telve ngei a lo tul a ni zawk" tiin rawn thangharh ve sela.

Tin, abik takin Saitual bialtu zahawm takina sawlampangina thil a terek te tea an lo tih saw lo ti ta ni mahselangin a ni lehzelina a han support a, a han su kha chu a awmlo ka ti lehzuah a. A bialte khanin an lo hre ve reng awm si a. An lo ip chawih chawih hian ka ring a. Chuvangin, atan a pawl mai awm mange ka ti zawk a, chulaiah chuan tawng tawh lo zawk sela thain ka ring a. Chu ai chuan "E hetiang tur hi a ni lo e" tiin, anmahni pawh thian tha an nih ang leh party khat atanga member-a rawn kal annih ang khanin rawn convince zawk awm ka ngaih a ni. An bialten lo ngai-thla sela, an hriat chin a awm ang. Chungah chuan an bialtu pa kha a zahpuiawm mange aw! "Mizoram thendarh tur hi chuan kan thlang lo" an tih ka ring. Chuvang chuan khalaiah pawh khan kan venthawnpui deuh hlek a, lo tim deuh tawh sela ka duh a.

Pu Speaker, U.T dil chungchang ah hian pawl kan tih tlan theuh avangin lungruah takin he Resolution hi pass ila, a hun taka sawiho theihna Session kan lo nei pawh hi kan ram tana thil tha a nih zia hrechhuak theuhin he Resolution hi a nihna ang ang hian, kan ram him nan pass ila ka duh a ni.

Ka rilru pakhatat chuan kan thil tum lianber pakhatat chuan Greater Mizoram leh Mizo hnahthlak zawng zawng Re-unification leh rorel khatna hnuaiawm kan tum lai mek a, a District-te te, U.T chuti lo tih lo tih hi chu a ropui lo. Chuvangin ropui kan duh anih chuan Greater Mizoram lamah i kal ang u tih hi ka sawi duh a. Chuvangin he Resolution hi lungruah takin, lungsi takin i pass tlang ang u tiin ka rawn sawm a ni e. Ka lawm e.

*Speech not corrected.

S P E A K E R : Pu C.Sangzuala.

PU C.SANGZUALA : Pu Speaker, hun min pek avangin ka lawm e. Ka themthiamnain a phalo tih ka hre reng a, hetiang Resolution hi. Amah-erawhchu a pawimawh em mai a, he thil lo awm chhan hi a pawihle a. Tin, kan official Resolution, Home Department atanga lo kal hi a pawimawh em em bawka, rilru han sawichhuah ve hi ka duh a.

He thil hi kan ram zimte, kan hnam, kan tlang mipui, Naga-te aia kan lo nihlawhna, tawngkhata inbe tlang thei kan nihnate, kan ram hlawm khata awm thendarh zawnga rawtna lo awm mai hi mi run tak tak a, pawihle a ni. Hei hi ka ngaipawimawh a ni. Pu Speaker, vawliinniah pawh kan Resolution hi tunhnaia Political Party thenkhat tena Mizoram thendarh zawnga U.T an dil kan dem thu a ni a. Hei hi lungruual taka pass a thain ka hria. Dil leh an awm pawhin lungruual takin i do zel ang u. Mizoram thendarh hi chu kan phal dawn lo reng reng a ni tih hi he House zahawm tak hian lungruual takin pass ila ka duh ber mai.

Hei hi lo khawiliap ta ila, zul in a zui ngei dawn a. Diktakin Mizo ho hi hnam ang zawnga kan kal chuan hnam hrang tam tak kan ni a. A Mizo lai tak hi la hrang dawn ila, khawih tur pawh awm hauh lo. Tichuan, heti te hian khawvel hmelhriat kan lo ni ve tan a ni a. Hemi hi khawlo zawnga keimahni ngei pawh timain tihtheih tur kawng hawng zawnga tih hi pawihle a. Kan Resolution kan hmuh khan Opposition e Ruling e awm lovin, hei zawng kan tih tlan dial hmehle. Hetiang kalh zawnga han sawi chu thil zahthlak a ni anga tih ka lo ring mai pek a. Mahse, engphiarin kan thianten an han tan ngam a, sawi fe a lo ngai tak a ka ti a. Uluk zawk deuh taka kan ngaihtuah khan a laimu engeni aw tihte ka lo chhut a. Kan tawngkam thenkhat pakhat chauh han la ila. Hnam rilru taka ka ngaihtuah a, dawnawn hrehawm tih ka nei a, kan ram mipuite tiha nan kawh bik neia han tawngte a awm a. Heti zawng hi phallo thei tlang ila, ka la rua khawp mai a. Kan ram mipuite kan tih chuan Mizoram mipui pumpui aiawh huap zova kan tawng tur niin ka ring a. A bing zim tea mite sawia kan ram mipuite han tihte khan tih tawh loh a tan kan duh khawp mai a. Chungte pawh chu kan ngen nghal a.

A diltu azirin he House-a Ruling-te hian in ngaitheiin in ngaitheilo mai a ni tih ang kha a tlangpuia han kaihtawi theih deuh chu a ni a. An rawn hrilhfiyah tawh a, khang bakah khan thil sawi tur la awm a kan hriat chu kan thurualpui theihthe chu inthlanna kawngah te a ni a. U.T. dil kawngah kan inthurual hauh hlei nem tih kha a ni a.

A dang leh chu, tuna MNF, MPC Sorkar chhung hian emaw, hmana MNF Sorkar lai khan emaw, hetiang roreltu Ruling lamina official Resolution a rawn siam theihna tur khawpa hetiang issue-tuten emaw an lo siam tawh em? Kei chusiamlo niin ka ring a. Chuvangin khalaiah khan tanfung tur, han ker han ker mahsela a awmin ka hre lova. A awm veleh kan hotuten a pawl dawn tih hriain fing takin thil an ti ni main ka hria a. Tin, minority chungchangah pawl hian minority ngaihsak hlawh lo chungchangah pawl hian, minority-te pawl chu awmah lo ngai chhin ta phawt ila. He MNF, MPC Sorkar hnu hian minority-te interest ngaihsaklo tih ang chi kha hun an awm tawh em aw? Khang zawng zawng kha tunhma thil a ni lawng maw tiin ka ngaihtuah deuh hlek a. Chuvangin hetiang thil kan sawi hian fimkhur deuh tur, a sawitute tan pawl, Ministry hmasa keng kawhtute hunah an lo khap deuh a ni pawl hian tuna mite hian chuan engkim kairual takin tih a tum.

Niminpiahah a ding a, vawiin ah thiltih a la hman lo. Mahse, engkim kairual taka tih a tum a ni tih kha he Sorkar rilru hi hmun leh hmunah pawl inhrilh thar a ngai a nih hi mawle tiin kan ngaihtuah deuh hlek a. Chu chu kan sawi ve duh talh bawh a.

Tun minority hrim hrim hi tute nge tih pawl ngaihtuah theih tak a ni. Hnam leh chi bing kan tam, minority deuh vek kan ni ti tih mai a ni. Ralte leh Lusei hoin keini keini ti ta zel sela, ngaihsak hlawh a ram kha kan awm hauh lo a ni. Khati zawng pawl khan a ngaihtuah theih viau bawh a. Chu chu thu tlingah pawl a ngaih loh theih mai theih a. Engemaw pawl nise, he Sorkar hian minority interest chu ngaihsak a tum mawlh ang tih kha kan ring a. Theirah tlem te mahni lam hlir kawi kur tum kan ang deuh hlek a, a la rah tlem rih a, kan la in kawikur chhawk deuh hlek a ni. Khatiang khan ngaihtuah mai ila, thain kan ring a.

Y.M.A. kan chham leh thin a, keipawl Y.M.A. lainatna rilru atang hrim hrim pawl ni chuang lovin, he pawl lian tak hian hnam rilru puin thil an ti thin in ka hria a, ka lo en ve danah chuan. Kha thil an rawn sawi thin a kha a lehlam zawng sawi chuan, lehlam zawngin hrilhfiyah ta ila, he ram zim te, hnam hlawkhatin kan luah hi then kan phallo an tihna niin ka hria. Chu ang chuan zak deuh hlekin ngaihtuah ila. Tin, a awmze dang pahnihaah chuan leh a hmasa tlukpuiah chuan, nilo tur nih hi kan ngaitheilo tihna niin ka hre leh a, nilo tur ni awmin kan hria a ni kan ram chungah hian, nilo tur lo ni palh pawl thiat leh a har em em mai a, kha kha ngaimawhna a lian khawp mai a. Engatinge midangte puan an lo sawn ve zel aw, hei ni nu anga sawi thin a ni a, mother earth an ti thin a. Kan ram leilung zim te hi kan nu a ni. Hei hi then ka phal mawlh lova, neih belh kan duh a, Greater Mizoram kan duh a ni a. Theih nise, chhaklam tiaural te khi han hlepthla ila kan duh a, a har viau si a.

Khati anih laia kan neihchhun pawh hlehthlak tum chu mi tuten emaw kan laichin nilo ten kan nu min uire sak a, min uire saktute kan tawiam si, kan tlawn si a ang deuh. Hei hi lungchhiatthlak ka ti a.

A tawp berah chuan Pu Speaker, kan thiante hian he Resolution hi an han hnial bawka na a, an hnial tak tak lovang tih rinnain ka la ngaihtuah a. An hnial tak tak loh ka ring a, an hniai phal pawhin ka ring lo a. Thutna a sira han tih khawmawi ni mai te in ka ring a. Hemi a Resolution ngau ngauah pawh hian han thei then chu an tum teh na a, hetiang Mizoram thendarh tumna hi a nia kan duh loh taka kha. Mizoram thendarh tumna hi kan duh lo a ni a. Chuvangin, kan inthurual a ni lawm maw nile, a bias lo a ni lawm ni le. Mizoram thendarh tumna kan duh lohna hi engtizawng mahin bias a ni thei dawn em ni ? Chuvangin, he Resolution zahawm tak, tangkai tak tur hi han inhnial fiam laih laih mah ila, phar tlang dial dial teh ang u, a remchang, a titlu zawng hian tih kha kan inngen ve duh a ni. Ka lawm e.

*Speech not corrected

S P E A K E R : Pu Aichhinga kan ko anga, chumi hnuah Pu Zakhu, tichuan, kan Chief Minister kan ko tawh dawn nia.

PU AICHHINGA : Pu Speaker, ka lawm e. Pu Speaker, vawiina kan Resolution
MINISTER sawi hi a thinur thlak khawpin ka hria. Ka thin a ur deuh

tlata, ka sawi thiam lo ang tih pawh ka hlau angreng a. Nimin lawka kan Minister-te, nimin lawk leh vawiin pawha kan M.P. la ni ten kan ram thendarh duh a, Mizoram a te kan tih piah lamah kan chhehvela Mizo hnahthlak zawng zawngte pawh hmunkhatah inhnuk khawm ang aw kan tih laia hetiang ti tura kan M.L.A. la ni mekte hming sign-tua an awm duh hi eng rilru nge an put ang aw ka ti a. Chuvang chuan, a thinur thlak khawpin ka hria. An duh tak taka nih chuan bang sela, member an nihna atang hian bang sela, vawiinniah pawh hian chhuak nghal sela, tiang khawp chuan ka thin a rim a ni. Chuvang chuan, heng thil tihduhna thinlung neia Mizo hnam pumkhatna tihchhiat tuma beitu te hi hnam anga tihtak meuha kan dova kan beih hi a tulin ka hria a. Chuvangin an ti tak tak anih chuan vawiinniah pawh hian thu reng tur em ni an nih tih hi ka ngaihdan a ni. Chuvang chuan, hetiang anga Resolution sawi ngai a lo awm ta hi a paw kati a. Tin, mi tlem te chuan lo ti pawh ni sela, an ti ve a ni mai a. Mahse House-a kan member-te leh nikum lawka kan Minister ni tawh ten vawiinniah hetiang an rawn sign-thei hi chu a zahthlak ka ti. Chuvangin zahnachang hria sela ka ti tlat a ni.

Tin, chubakah chuan Sorkar a kan thut tak loh ve leh a ongpawh ti thei a inggaih ngawt te hi kan awm phung tur em ni? Ram leh hnam kan ngaihtuahna leh keimahni kan inggaihhtuahna ringawt hi chu kan dah hran thiam a ngaiin ka hria. politician kan inti a, ram aiawh, bial aiawhin kan ding a, mahni ram tihchhiatna tur leh tihtetna tura hming sign duh kan nih chuan kan inenchiang lo tawp tihna a ni. Anih loh vek chuan he House-a thu tlaklo hi ka ni an in tihna a ni nghalah ka ngai. Chuvang chuan vawiina he Resolution hi lungrual taka kan pass theih zawk na tura an ngaihtuahna an siam ve pawh a dikin ka hria.

Tin, chuloah chuan, a hming pawh hi lo vuah dawn ta teh reng sela, Mizo an nihna a kha an phatsana an duh tawh lova, hming thar an invuah dawn nge? eng U.T. nge an invuah tak ang. Mizo kan ni tawh love an ti anih si chuan vawiinniah hian helaia thu tur an nilo tihna a ni bawh si a. Tin, hming han invuah hrang duh khawpin lo awm dawn ta se, Mizo hming nilo hi engnge maw an vuah ang le tih kha ka ngaihtuahnaah a awm a, Chutiang ngaihtuahna nei annih tawh rau rau chuan vawiinniah hian he House-a thu a nui ve tur in ni em tih kha ka ngaihtuahnaah a awm tlat a ni. Chuvang chuan zak lo taka helaia la thu si a, U.T. dil duh bawh si te chu he House-atang hian chhuak nghal sela, a thain ka hria. Chuvang chuanin mahni ram, kan hnam kan ngaihtuah tur a ni.

District lo dil mai te kha ram chhunga lungawi lote an lo sawi te chu a awm khawp a, ram enkawlina kawngah hian Sorkar hmasa pawh a tling ber lo vang, keini pawh kan tlin ber lohna lai a tam ang. Mahse, khang kha chu helaiah hian min ngaihtuah love, kan lungawi love tih chu kan sawi thei a, kan sawi tur pawh a ni a. He House-ah pawh hian kan aupui turah ka ngai, mahse, ram thendarhna thu hi chu he House-ah member ni mek te hi chuan kan tih turah ka ngailo hrim hrim ani.

Chuvang chuan vawiinniah pawh hian he kan Resolution-ah hian lungrual taka kan lo ti na a, politic khelh nan kan ti mai a ni e ti a, an rawn inhnuhhniam theih hi ka beisei tlat a ni. Chuvangin lungrual takin he kan Resolution-a hi pass turin kan Opposition lam member zawng zawngte leh heta hming sign zawng zawngte hi ka sawm che u a ni. Ka lawm e.

PU ZAKHU HLYCHHO : Pu Speaker, thusawina hun min pek avangin ka lawm e, He Resolution kan Home Minister zah-awm takina a rawn putluh hi. Chhimituipui a bikin District Council a awm Mara, Lai leh Chakma Autonomous District Council a chengte tan chuan a lungchhiatthlak hlein ka hria a. Mahse hemi an rawn putluh a zara kan dinhmun sawichhuahna tha tak kan nei tur erawh hi chu lawmawm ka ti a ni.

Tin, Pu Speaker, a hmasa bera ka sawi duh chu he U.T. dil kan rel hi Mizoram Pradesh Congress Party policy a ni lova. Chhimituipui MLA palite a relnaah kan tel a, MLA te kan nih avangin kan tel ngei a ni. Mizoram History kan en chuan kan zavai hian Burma atanga lo pemlut kan ni a. Lushai kan tihten hmarlam an rawn bawh a. Pawi leh Lakher kan tihte hian chhim lam kan bawh ve thung a ni. Tichuan Lal lallai atangin helamah Sailo leh Zadeng an lal a, sawlamah Chinzah leh Hlychho kan tihte an lal a, tumah an indipdal lova. Sailo lalin Pawi leh Lakher lal te hnenah chhiah engmah a khawn ngai lo bawk. Ram inchuh avanga buaina engmah kan tawk ngai bawk hek lo. Keini kan hriat theih chinah pawh nau-pangte nimah ila, tuna Chakma area kan tihah hian Chakma, Bawm leh Tlanglau temte an awm a, chulo chu ram ruak a ni. Hun a lo kal zel a, British Sarkarin a Lushai lalte a rawn hneh khan Lakher te chu khang hunah khan sapho khan an la awp lo a ni. Kan hriat theuh angin Zawngling te chu tun hnai lawkah an awp ve chauh anih kha.

Chutiangin Mizoram chhim lamah British Missionary Pu Buanga kan tih mai (Pu J.H.Lorrain) a lo lut a. A ni chuan Serkawnah awmhmun khuarin Baptish Kohhran alo din a. Hei pawh hian Lakher ram kan tih khi a huam lo. Pu Buanga hian a nau hnenah lehkha thawnin Lunglei atanga chhim lamah hnam dang tawng hrang hman chanchintha la thlen lohna a awm a ni tih a zuk hrih a. A nau R.A.Lorrain chuan chu hmuna kal chu Pathian kohna niaa hriat avangin, 1907 khan a rawn chhuak ve a. Serkawnah hmun khuar vein, Lakher Pioneer Mission a din ve ta a ni. Kan Missionary chuan Bible leh Hlabu te min lehlin sak ve in, Mara tawng Bible te Hlabu min siam sak ve a. Chu kan Missionary area.chin chu Phawngpui leh Lawngtlai a ni a.

Chu kan Missionary area chin chu tuna Phawngpui leh Lawngtlai bul Paithar, Saizawh etc a huam tel vek a. Tuna Burma rama awm khaw tam tak hi a huam tel vek a ni. Mahse Phawngpui area a mite leh Lawngtlai area ami tena Lunglei Baptist hnuai a awm an duh zawk avangin an ni chu Lakher Pioneer Mission Kohhran atangin an chhuak ta a. Hetianga tawng hrang nei anga kan lo awm ve tak avangin India Independent hma zawng kha chuan Lakher leh Lushei te chu ang khat renga ngaih an lo niin, Sipai atan dawn pawhin Lushei emaw Lakher emaw nih alo ngai ta a. Chuvangin, Pu Bawilawra Lusei tihte, Hiako Lakher titein Sipaiah an tang thin reng a ni.

Civil Administration-ah pawh
Lisei leh Lakher chu ang khata ngaih kan ni a. Sapho hun
lei atang tawh khan Lakher Clerk leh Lusei clerk kan nei
hrang a. Chung chu vawiin thlenga Aizawl leh Saiha O.C.
tena an chhawm tak hi a ni nghe nghe a ni.

Civil administration-ah pawh
Lusei leh Lakher chu ang khata ngaih kan ni a. Sapho hun
lai atang tawh khan Lakher Clerk leh Lusei Clerk kan nei
hrang a. Chung chu vawiin thlenga Aizawl leh Saiha O.C.
tena an chhawm tak hi a ni nghe nghe a ni.

Pu Speaker, vawiina he House
leh Zoram mipui hriata ka sawi duh chu India Independent
dawn khan kan Lal ten Dist Council hi an lo din tawh a.
Mahse vanduaithlak takin Pawi leh Lakher Lal tam zawk ina
Burma lama beh an lo thlan zawk tak avangin 1952 a Lusei
Hills District Council kha a piang ve thei ta lova, a ai-
ah 1953 khan Autonomous Regional Council kha min pe ta
zawk a ni.

Kum 1972 a Mizo District Coun-
cil U.T. a hlan kai anih dawn khan P.L Regional Council
hruaitute Delhiah kal vein, India Sorkar-ah "Hei Mizo
District Council nena Equal tatus enjoy kan ni si a,
U.T. ah min dah ve dawn lawm ni" tiin an zuk dil tawh a.
India Sorkar chuan Nangni chu U.T. kan pe rih lovang
che u, District Council kan pe zawk ang che u, tiin an
lo chhang a. Chuvanga District Council pathumte hi a
piang ta a ni. Khatih lai khan keipawh hetih hunlai hian
CEM ka ni nghe nghe a ni. Kum 1986 a India leh MNF Sor-
kar inrem dawn pawh khan, kei, Mizoram chu state-ah a
chho mai dawn si a, engtingnge niang? Political status
sang zawk hi kan dil ve ang em tiin Pawi, Lakher leh Chak-
ma hotute an in hmukhawm a. Chumi tum pawh chuan, U.T.
hi dilve maiatha lawmni tia rawtna pawh a awm a. Amah-
erawh chu, remna ti thuamawp tu leh tibuaitu kan ni ang tih
hlahna avangin khatih hunlai khan engmah an sawi duhlo
zawk a ni. Pu Speaker, thil pawl tak mai nia ka hriat
chu 1972 hmalamah kha chuan helai mite leh Chhimituipui Dis-
trict amite hi politics leh intluk tlang niah kan inngai
a, amaherawh chu 1972 hnu lamah chuan kan dinhmun alo in-
thlau ta a. Kan changkhang reltu tur chu Mizoram Sorkar
an ni ta a, keini chu an rel sak tur te kan ni ta a ni.
Mahse Pathianin Pawi, Lakher leh Chakma temin duhsak a,
India Sorkar hmanin District Council min pe a, he District
Council kan neih hi kan tangkai puin kan hlut em em a ni.
Tihbo hi kan phal ngai lo, tihbo ai chuan keimahni hi ral
vek mai pawh kan duh zawk daih ang tih a chiang. He kan
rilru, District Council kan hlutna rilru hi Congress Sor-
kar kha chuan min hriatthiampui a ni ang. Mizoram-a Cong-
ress kum 10 chuang a Sorkar lai khan District Council tih-
ho tumna kan MNF unaute lam atangin lo lut thin mahsela
an d'adal thin a, min hum tlat a ni. Chu chauh nilovin
kan development sum te min tihpun sak a, kan thuneiha te
min tihlen sak ve a, kan lawm em em a, tumahin Mizoram
atanga insahtlak hi kan tum ngai lo a ni. Mahse hei

vanduaithlak tak mai chu, Mizoramah MNF-MPC an lo Sorkar ta a. Engtizia nge chhim lama District Council te reuhte awm tepawh an rawn ngaimawh ta em em mai a, thiah hial an rawt tak mai ! Hei hi Chhimtuipui mipui chuan mak kan ti a ni Pu Speaker, kan rilru tina em emtu chu, tuna kan Chief Minister ngeiin a Oath lak ni a Chakma District Council thiah hi ka hna hmasa ber a ni ang a tih hi a ni. Kha thil khan Chhimtuipui District mipuite min barakhaih hle asin. India . Constitution Sixth Schedule Para 20 Part III kan en chuan a hmasa berah Chakma District, a dawtah Lakher District, a dawtah Pawi District a ni. A chung bera mi hi a nuaibo theih chuan a dawt pahnih hi a thiat leh ang tih hi District Council mipuite ngaihndan a ni.

Chuvangin, he Sorkar-ah hian kan him ta nange ? Engtizia nge hetiang rilru hi kan hotuten an put tak mai tih hi Chhimtuipui mipui ngaihndan chu a ni. Pu Speaker, mi tam takin Lai Leh Mara chu kan tilo che u an ti tak na a. Vawiin atan chuan a dik ang, min tilo niin kan hria. Amaherawh chu, nichina ka sawi tawh ang khan helaia a number 1 an thaichhiat theih si chuan pahnihna leh pathumna hi chu a la theih angtih hi kan rindan a ni. A chhan chu kan pianni thuhmun kan thuneihna thuhmun kan pianna bung leh chang thuhmun a ni tlat a. Tin, dik tak chuan he District Council thiah duhna hi i dinglama thute hian vawiin nia an put chawp pawh a nilo, Pu Speaker. Inremna sign dawn khan District Council thiah theihna thuneihna kan rawn hawn dawn e an ti a. Khatihlai pawh khan Chhimtuipui District Council mipuite chuan tidikin kan lo thlir tawh a ni. Amaherawhchu, Pathian leh India Sorkar zarah thiah theihna nilovin hmuhalh zel turin an inziak ba hawng a, kan lawm hle a ni. Anih leh Pu Speaker, he House-ah hian hei hi min hrilhfiah ka phut a ni. Mizo District Council tereuh te kha 1972-ah U.T.-ah hlankai alo ni a. 1987 -ah State-ah hlankai a ni leh a. Tunah chuan engkim hmasawna tur pawh an kutah a awm a. Engtizia nge sawlai chhim kila District Council tereuhte lo awm ve sawn Mizoram hmasawna tur hi kan dal ta em ni ? Bible-ah chuan Zawlnai Nathana kha Davida hnenah a kal a, Davida hnenah chuan hetiang hian tehkhinthu a sawi a. Mi-hausa pakhat hian aman ran rual tam tak nei siin a mikhual tan talh phal lovin mipakhatin a neih chhun a intunnun nana a hman chu a talh sak ta daih mai a, tiin a va hrilh a ni. Hetiang bawk hian engahnge kan neih ve chhun, kan hlut ve em em, min thiah sak in tum ? Mi pakhatina neihchhun, a intunnun nana a hman, nitina a enkawl leh a lawm em em a kha a talh sak a, a ti a ni. Engahnge kan neih ve chhun kan District Council kan hlut ve em em min nuaibo sak tuma kan Chief Minister hian thu a sawi tak mai. Ama rilru hi a ni ang kan tlawngai pawlte khan an hriat. Nichina an sawi ang khan, tun hnai ngei hian kan Chief Minister bialah ngei ama Chief Quest-na hnuaiah ngei Chakma District Council thiah, District Council thiah an rawt tak kha. Tunah chauh a ni hlainem a kum hmasa pawh khan Y.M.A. in kumpuan an nei a, an kumpuan a an thuzir pawh kha va chhiar ngat rawh u. Khatah pawh khan Lai leh Mara District Council thiah a tih kha Minister ka nih lai a ni a, ka react tawh nghe a ni. Kha an kum puanah khan Chakma District

Council nuaibo a Pawi & Lakher District Council thiah an rel anih kha. An thuziak pawh hei vawiinah ka kawl reng. Hengte avang hian ani keini District Council mipuite hian he Sorkarah hian chuan him dawn lovin kan inhria a. Central Sorkara tluk hi a tha zawk lawmni tih kan rel tak reng ni. Hemi thua hian Zoram mipuite rilru tihnat kan duh lova. An huatthu sawi pawh hi kan duhlo reng reng. Amaherawh chu, Pathianin hnam anga min siam avangin leh zhu kan hnam chu thang ve se kan duh avangin chumi kan than ve natur chu mawhphurtua kan in ngaihna na a zarah vawiinniah hian he thil hi ngaihtuah kan ni. In unaua min ngai anih chuan engah nge in u naute that ve na tur chu inphal loh bik ang. Kan Bible ah 'I chungah tih i duh tur ang bawkin mi chungah pawh ti ve rawh u', a ti asin. Chuvangin, kan tana tha tura ngaia dil kan tum ve hi. He House hian min pawmpui hi kan ngen zawk che u a ni.

Pu Speaker, he resolution han en chian hian MNF leh MPC dinglama thute hian U.T. dil nge an duhloh a, U.T. dil tum tihah hian ka buai a ni. Hei hi U.T. dilna lehkha anih in hmu em? In thawhpui te MDF tena U.T. an dilna lehkha a ni. 1996-ah Prime Minister hnenah hei vawihnih laf an theh lut tawh. Hei hi LPP tena an dilna lehkha anih leh hi. Hei hi 1996-a MDF-te nena agreement in signed copy ka neih anih hi. Engahnge MDF in M.P. inthlanah MNF an puih ang a. Hetah hian Mara ramah unit kan din lovang tih kum sanghnih hma chu in sign ni? I sign a ni lawm ni? Pu Speaker, chu chauh pawh a ni lo, tunah hian Lai District Council-ah pheih chuan (Pu Speaker, khawngaih takin minute hniah ka zo ang) LPP te nen an thawkho a ni. Nimin piah lawk pawh khan LPP President ka inah a thleng reng, in thawk ho a ni tih a sawi asin. Anih leh engatinge Pi Talukdari kha MNF ah an lawm luh tak mai? Anih leh U.T. a dilna kha a withdraw em? U.T. dilna a withdraw em? min hrilh rawh. Pi Talukdari kha U.T. dilna a withdraw lo tih kan Chiang a ni. Anih leh Pu Speaker, hmanna MNF National Executive Committee khan MDC inthlanah MDF nen thawhho kha ngaihtuah ni rawh se tih an rel leh a ni lawm ni? Heng avang hian U.T. dil hi an hawlo tih a Chiangin ka hria.

Pu Speaker, a tawpna a ka sawi duh chu (hei ka hun a tawp hmaa a pawi ka ti khawp mai a) Pu Speaker, Zoram inpumkhatna tur hi ban tam avanga in pharthlak chi a nilo tih hi ka sawi duh a. In pass hnan chi pawh a nilo. Mizo hnahtlak kan ni min tih si chuan Engahnge vawiinah hian Mizo hnahtlak kan nih naah hian min recognised ve loh? Min recognised ula, vawiinah hian keini pawh Mizo hnahtlak kan nihnaah hian min pawm ve ta che u. Tihluhna a innawr liam chi a nilo. Vawin- inah chuan Iron Rule-in min awp intum a, kan Lal Isua kha chuan hmangaihna khawvel hi a hneh a ni. Chuvangin hmangaih takin min enkawl rawh u. Chu chu in tih tur zawk a ni. Hetiang hi chuan kan thinlung lam in hneh chuang lovang. Tha taka sawiho chi a ni. Chuvangin Mizoram inpumkhatna hi kan duh tak tak anih chuan vawiinah hian eng- atinge he resolution hi in withdraw mai loh? Chuti anih

loh chuan keini chuan kan pawm lova, vote laknaah pawh kan tel dawn lo a ni.

S P E A K E R : Aw a nih leh minute sawm chiah chiah aw.

PU F. MALSAWMA : Zawh tum law law ang u. Chuti
MINISTER : anih dawn chuan kan Deputy Chief Minister a lo lang ve leh bawk. Minute sawm hmawin zawh

kan tum ang e. Pu Speaker, thil hriat sual palh a awm ang tih ka hlau deuh a, Y.M.A. kan rama kan voluntary organization neih that ber, hemite hian August ni 26, 1998 khan Lawngtlai circuit house-ah joint meeting Central Y.M.A. leh Y.L.A. (Young Lai Association) leh Mara lam ami MTP te nen, Chakma District Council tih loh hi chu humhalh zel turin an inremsiam thlap a. Chuvang chuan hei hi anmahni pawn an remti thlap a, a hnuah anni hi chutiang ang zawng a harass na emaw va tihbuaina emaw a awm ngai reng reng lova. Chuvang chuan helaia Champhaia kumina YMA inkhawmpui a foreigners tena khawthlang lampanga kan ram mi an rawn luah buai changchang, an sentiment a natzia an tar lanna a kha, helaia kan unau Pawi han tihah chuan hei keini pawh Pawi vek kan nia lawm. Chuvang chuanin an foreigners te nena lo in identify kua kan members zahawm takte khan an tifuhlo hrim hriman ka hria a, khalaiia 'kan' tih tawngkam a kha an hmang tur niin ka hre lova. Tin, Pu Speaker, kan House-ah kan Opposition lampang unaute khang party khat an ni si a, an inggaihtuah chian ngaia ka hriat chu, pakhatin 'kan tawh dawn lo reng reng kan hnung-tawh dawn lo' a ti a. Pakhatin, 'Hetiang dil zawng zawng hi condemn ang u' a ti bawk si a, khawiah nge an stand a pawh kha a chiang lo hrim hrim a ni. Chuvang chuan, hemi a hnungtawh tum miah lo MLA rual kan lo nei anih ngat chuan, an thil sawi leh tur leh kan session kal zel ah pawh hian Zoram mipuiin Zoram hmangaihtu, hmangaihna pakhat mah nei lova, thendarh a tihchhiat tum tute aw ka hlir a ni. Opposition-ah hian an neih ni tih hi Zoram mipui hian vawin niah hian an hriat tur niin ka hria a. Tin, a dawt lehah chuan, tuna kan thil khelah hian, MNF leh MPC Sorkar hnuah, tumahin, Aizawla Headquarter nei party in, U.T. a hmalampawn in la sawi ri ngai lova, party dang, a tenau pawhin kan Sorkar hnu pawhin sawi an la awm lo. Helaia District Congress Committee in a an hauh, Council hotu te vai ang zawng nilova, a Congress Committee in an han rel ta hi pawh ka ti takzet a. Tahchuan a ram mipui a bik takin Lai Ram leh Maraland District Council hnuah mipui te ngaihnan a kha an theh chiang hlein ka hria he District Congress Committee ho hian. Hei hian Y.M.A. khawmpuia thil dil a kha an lo zen ve vak mai a. Chulaiah chuan an thalai te lam ve thung kha chuan khalamah hlauhawm a awm lo tiin Central Y.M.A. te nen inrem thlapin an kal si a. Chulaiah chuan sawlaia Congress District hotute hian a bik takin Mara ramah leh Pawi ram amite hian Congress hotute hian an mipui leh an thalai te

mar lo tawpin helaiah hian an lo kal ani tih vawiinah hian an hriat a thain ka hria a. Vawiinah hian kan hnungtawlh dawn lo tih tawngkam kha an hmang zel dawn anih ngat chuan hmangaihtu Opposition atanga kan ram hi khalhngil tu tur, rorelna khalhngil tu tur kan lo nei lo a lo ni, Zoram thendarh tumtu leh tihchhiat tum ngar ngar tu, duhtu te, te, duhdan ang ngat khan kan ram kalpui tute, MLA te an lo nei tihna a ni a. Kan M.P. lo neih a pawh chu kan Congress hotu helaia Ram hmangaih tak taktu, Aizawl leh Lunglei ami te hian an lo dah fuhlo hle mai tih hi vawiin niah hian an inhriatchhuah ngain ka hria a, a vanduaithlak tawpin ka hria a, an in ngaihtuah nawn a, engtingge thil tihdan tur ni ang tih pawh hi an ngaihtuah a ngai a ni. Chung chu an ngaihtuah duh lo anih chuan an pawmpui vein. Zoram thendarh leh tih tet duhtu an lo ni dawn ani tih hi a chiang hlein ka hria a. Chulaiah chuan a bik takin kan Y.M.A. kan thalai chhuanvawr, kan Rama N.G.O. chhuanawm ber heti tak maia an tawng a, kan Sorkar mai rilova, kan ram tihchhiat duhna tura rilru an lo pu ta hi a pawh tak zet kan tih avangin Sorkarin tunah hian resolution pawimawh tak rawn sawichhuahna hun kan nei, hi vanneih thlakin ka hria a. Chuvangin he resolution hi kan passed ngei ngei tur ni pawhin ka hria. A tawp berah chuan Pu Speaker, hei hi Radia-ah te Chanchinbuah te, Chhimituipui District thin chhunga District Council pathum hotuten ti hian puan leh ziah te hi a ni thin a, vawiin niah hian kan chiang kal ngai nia ka hriatte chu. District Council hotute ni lovin kha District chhunga Congress Committee in a an rel leh U.T. hi dil an ni tih hi a mipui ni lovin Congress Party-in an dil a ni tih hi an hriat tur niin ka hria. Ka lawm e.

* Speech not corrected.

PU LALHMINGTHANGA
DY CHIEF MINISTER

Pu Speaker, ka lawm e. Vawiin niah kan resolution kan Home Minister-in a rawn putluh hi Pu Speaker, a hun takaha rawn

pulut niin ka ngai a. A chhan chu, kan ram hi kan hre theuh va, India ramah pawh state te takte a mihringah pawh tam lo. Tin, a ram leilung area-ah pawh midangte zatlo kan ni a. Kan buai thinna lai bera pawh hi, kawng hrang hrangin India ram lian takah hian state lian tak tak te leh mipui bitna em em an awm a. Chutiang karah chuan keini Mizoram State te takte hi tehfung inang vek-in India Sorkar pawh hian population basis a tihachte leh Area base-a tih angte hian pawisa sum leh pai ram hmasawna tur chungchang thuahte pawh Commission hrang hrangte pawn min pe thin hi kan vanduaina kan tih tawp mai theih loh te an ni a. Tun 11th Finance Commission lo kal chungchang thuahte pawh complaint lian taka kha chu, India ram State hrang hrang population criteria hmang te hian pawisa sum pek danah te min generalise thin a, a pawh kan ti tak zet a tih te kan lo complaint a ni a. Chutihlaia a ram leilung pawh thente zawng leh

mihring a population pawh thente zawnga sawlam chhimlamah hotu thenkhat ten ka ti mai anga. District Council hotute an ni hauh lova. Tuna kan Education Minister zahawm takin a sawi ang khan, Congress Party hruaitute an ni deuh ber mai a, chu pawh chu hetilaia State Unit remtihna ni pawha lang manglo khan U.T. District Council pathum hminga dil an han tumnatlata hi thil felo tak leh kan ram History-ah pawh tuihnailo tak a ni a. Chuvang chuan hemi hi chu helai rorelna zahawm taka Zoram mipuite aiawha thukhawmte hian a rang thei ang bera kan ram tana a that lohzia te leh heng hi tih chi anih loh ziate resolution nghet tak kan pass a, historya a awm hi a tul hrim hrim mai a. Chuvang-in, he resolution hi a hun takah a lo lut a ni.

Tin, kan sawi tak ang khan ram than chhoh zelna turah hian induhthawh ara em em a, hei a bik takin kan Mara unau te leh kan Lai unau te kha ni chinah kan Opposition Leader-in "min en hrang e" anti ringawt tak na a. MNF leh MPC te hi a enhrang ngai reng reng lotu te, "Mizo hnahtlak thisen nmunkhat kan ni e" ti ngawih ngawih tute kan ni a, khatih laia an ni kan Opposition Member pali ten helai House ah ngei vui leh vaina tur chungchang thu an han sawi maitepawh kha an ngaihtuah Chiang Tawh lovin politics thil mai mai a ni tih hi kei ka thlirdan a ni. Kan Opposition Group Leader-in a han sawi ah pawh khan 1995-ah tihte leh thil hlui pui pui hmanlai British ho kalhmang te a rawn sawi daih daih a, a argument atan khan, Khang kha chu tun hun atan chuan apply chi a ni lova. Keini tuna Sorkar dinglai MPC leh MNF Collea-tion Sorkar-in anni kan tih duhdahra ang thil kha a kawh pawh a kawh lova. Kan duat lohna ang thil pawh kha a kawh lo reng reng a ni. Hei kan hriat theuh angin tuna kan Sorkar dinglai hi kum khat ala tling lo deuh va, 3, De-cember ah hian a champha a hmu dawn chauh a ni a, hemi chhung hian hna Sorkar hmasa atanga sum leh pai dinhmun kan rochun te a harsatzia leh a khirhzia te kan zavain kan hria a, Zoram mipui pawhin an hria a, Chutichung chuan hemi District Council pathumin a an chanvo tur sum leh pai an chanpual te reng reng hi chu pawisa sen pakhat pawh hi Mizoram Sorkar hian a lak hek sak lo reng reng a, heng harsatna nasa tak kan tawh chung hian a bik takin hei kan Chief Minister phei chuanin a kim chang barh barh in installment tin hi ala pe zel a ni. Khang harsatna leh enhranna an tih ho zawng zawng tepawh kha uluk taka kan zuk ngaihtuah chuan a hma lama anmahni party ngei kan Cong-ress unau ten Mizoram kum 12 dawnlai an lo awp chhunga har-satna an tawh hova kha a ni vek a, chung chu a Chiang zawng a mipui hma a zuk tarlang duh chuang silo khan heti laiah hian inpunchhiat nen "U.T. hi dillo theilo dinhmunah kan ding a ni " tih ang an rawn auchhuahpui mai kha a puitling lo hlein ka hria. Tin, kan leader tena an tih ang ang kha a ram mipuite sawn an ngaihndan pawh a ni chuang hauh lova. Tunah hian Lai District Council te kan en phei chuan Sor-karna pawh a inthlak tawh a, tunah chuanin MNF Sorkar a ni a.

Khata an hnungzuitu mipui nei zawnzawng te kha chuanin heti laia kan hotu pali emaw tuna chhuak ta te ngaihdan kha an zawnzawng reng reng lova. Sawlaiah sawn mi zawnzawng kokhawmin Lai Autonomous mipuite saw duh thlan tir ila heng hi an thlan dan tur a ni chuanglo tih hi a chiang em em a ni. Tiang tho chuan in Mara District Council-ah pawh M.L.A. pahnih in emaw a U.T. dil ila an tih vang ringawt khan Mara mipui zawnzawng sawn U.T. dil an duh ve tihna a kawkwang reng reng lo a ni. Chuvang-in an argument ho leh heti laia an thil sawi kha House hian pawm tlak a awmin ka hre lova, uluk takin chik takin ka lo ngaithla ve a. Tin, Chakma chungchang thuah hi chuan-in a dik a dik chuan nichinah Member zahawm tak Chawngte kialtuin a rawn sawichhuah zawk Committee on Petition, Rajya Sabha hnenah Union Territory an zuk dilna 1994,95 leh 96 chho ami kha a copy pawh min rawn pe vek a. Hei term hmasah khan heti laiah Petition, Committee on Petition-ah chuan Chairman-ah min hmang chho ve kha a ni a. Tichuan heti laia an counterpart te kan nih ve avangin Rejya Sabha khanin Chakma delegate tena Union Territory an dilna leh Mizo mipuite an mahni ti duhdah tu ana zuk hekna ang zawnzawng kha copy kha min pe vek a ni. Khang zawnzawng han en khan thil diklo pui pui in hek a ni a. Tin, National Human Rights Committee-ah min hek bawk a. Tichuan an han sawi danah kha chuan Mizo te hian min tiduhdah a, Sakhuana thilah te thleng tepawh kan chungah rorel an tum a. Chuvang chuan hetiang kan him loh avang hianin U.T. hi kan mamawh a ni. Separate Administrative Unit kan mamawh a ni tih khan an dil a ni a. Tichuan Committee on Petition Rajya Sabha pawh khan uluk zawka an han ngaihtuah hnuah kha chuan kha kha tihlang chi a nilo, thudikah a inngat lo a ni tih kha an hmu chiang em em a. Chuvang chuanin an han recommendation siam tluka pawh kha Parliament-ah pawh a kaltlang ta chuang lova. Tin, Parliament-ah pawh put tak tak leh khatiang ngaihtuah tur pawh khan a kalta chuanglo a ni a. Chuvangin anni kan Lai unau te kan MLA te Opposition lama thute leh Mara unau te, M.L.A. te Opposition lama thu khanin Central Y.M.A. hian hetiang hian a passed a. Kei ni tan pawh kan hlau thawng a. Chutiang khatiang chuan kan tilo thei a ngem ? an han ti ringawt a kha chu ngaihtuah thiam chuanin, chhuanlam tlinglo tak kha an rawn chhuanlam ve ringawt mai a ni. Central Y.M.A. pawh mawh an phur hranpa lo engatinge Central Y.M.A. te khan an rawn tih zawk kan tih chuan tunhmain Central Y.M.A. khan a sawi ngailo reng reng. Amah erawhchu diklo taka Y.M.A. te leh a Mizo mipui pumpui ate kha National Human Rights Committee-ah te leh Rejya Sabha-ah te hekna kan lo tawh tawh zawk avang khan Central Y.M.A. te pawh an in clarified ve lo thei lova. Chutiang anga thil lo awm chho chu a ni a. Chuvang chuan heng hi uluk taka ngaihtuah a, thil hi engemaw emotion nen ringawt a tilova, intih kmingchhiat tumna leh hetilai a, Gallery play a, Public play a, thil tih vak vakna chi a ni hauh lo a ni. Kan thu ngaihtuah hi a serious em em a, vawiin a kan Resolution neih a hi, vawiin atan mai nilo. Hun lo kal zel

tur Mizo-ram leh Mizo hnam a kal chh• zel tur atan hianin thendarh a kan awm lohna turin a pawimawh tak zet a, kan zavaia interest a ni a.

Sawtilaia Autonomous District Council huamchhunga khua leh tui awm zawng zawngte tan pawh an interest a ni a. Mizoram hi pumkhata tha taka inlungrual taka remna leh muanna nena kan kal zel hi kan zavaia tan, a milian ber tan leh a michhe ber tan thil tul leh thil tangkai a ni tlat a ni. Chuvang chuan he Resolution hi tunah hian kan pass a tul tak zet a. Maherawh chu, min chhuahsan hi engnge ni loh theih loh dinhmunah an in ngai mai thei a. Anni pawhin uluk taka an rawn thlir let ve leh chuan wawiin a kan Home Minister a Resolution a rawn putluh hi kan ram tan, an mahni tan ngei pawh a thatzia an hrechiang theiin ka ring a. Chuvang chuan he Resolution hi ka rawn support a ni. Pu Speaker, hun min pek avangin ka lawm tak zet a, Lungrual taka kan pass ka rawn ngenpui a ni e. Ka lawm e.*

*Speech not corrected.

S P E A K E R : Awle, kan House Leader thusawia han khaikhawm nghal turin kan sawm tawh ang a. Chhumi zawhah chuanin Resolution puluttu kha kan ko leh dawn nia.

PU ZORAMTHANGA CHIEF MINISTER : Pu Speaker, ka lawm e. Wawiina kan Resolution pawimawh tak mai kan ngaihtuah hi, a serious em em a. Chhuanlam chihrang hiang te siama engemaw zawng a clarified chi pawh a nilova. Thil chiangbang a ni. Engpawh nise, thenkhat keima mimal chungchang han sawifiah ngaite han sawi ila.

Chakma District Council thiah ka hna hmasa ber a ni ang tih a kha, a dawt lehah chuan report se naktukah ka thiat nghal ang a ti tiin an interpret mai thei a. Press Conference ka neih khan vai chanchin-bumi pakhatin Chakma Autonomous District Council thiah chungchang thuah khan hmanah, hei hi a dik lova a in establish dan hi tha kan ti lova thiah tha kan ti a ni in tih kha tunah engnge i dinhmun, kha kha tha i ti ta em ? tiin min rawn zawt a. Kan stand hi ala ngai reng a ni. Chakma Autonomous District Council din dan hi dik kan ti lova. India Sockar hnenah pawh kan thlen a, majority foreigner tana Autonomous District Council jin hi Chakma mipui tena an demand vang pawh a ni lova. Khatilaia Political Party dang P.C. emaw Congress emaw tena tha an tih vang pawh a ni lova. MNF movement dona hrim hrim atana din anih avangin tha kan ti lova.

Chumi thu chu India Sarkar nena kan inbiaknaah pawh kan thlen a, inthiat tur a ni. Remna kan neih chuan min do a ngai tawh lo kan ti a. Chuvangin, hei hi chu kan stand a ngai reng a nih chu.

Tin, India Sarkar pawhin do che u a tul avangin hei hi a do nan che u kan din chu a ni reng a ni tiin Home Secretary te pawhin kan hmaah an sawi a ni. Amaherawh chu, kan thiat mai thei bik tawh lova. Constitution a dah anih avangin, Hei chu ti maiin kan thiat thei tawh lovalawm induh ve ve an ti a. Hei hi chu in duh anih chuan Constitutional System a awm a. State siam emaw thildang reng reng Constitutional System a awm a ni tiin min chhang a ni. Chuan Chanchinbumi khan Constitution a awm tawh anih chuan engmah a tih theih tawh loh tihna a ni si a engtingge i tih ang a ti a. Constitution a mi hi tihdanglam theih loh a ni lova. Amendment engemawzat siam a ni tawh a, India Constitution, chu chang a ni lova, ram^o in a duh phei chuan a-mendment chauh ni-lovin re-write pawh hi a tih theih a ni tih thlengin ka chhang a ni.

Chuvangin, khalaiia kha naktukah ka thiat nghal ang emaw, hna hmasa berah ka neih ang tih emaw duh tawkin tikhan midang fuihpawrh nan an vaw pawr a, a dik lovin an represent thin. Amaherawhchu, Mizoram mipui tam berina an ngaihdan leh party dan pawhina term hmasa kan discuss pawha kan Congress unaute, "Hemi din hi a dik a ni", an tih miah leh a ni a. He House-ah ngei hian mawh te nangmahni vang a ni law maw kan inti kual hial a. Chuti khawpa duhlo tlang vek kan ni. Hei Central Sarkarina indna atana an din liau liau a ni a. Foreigner majority tana Autonomous District Council din dingawt hi a dik lo tih hi, hmana kan dinhmun kha kan dinhmun kan ngaihdan ala ni. Dik kan ti chuang lo. Amaherawhchu, Lai leh Mara hi chu a tir atangin Pawi leh Lakher Regional Council atangin a ding reng reng a ni. Chu chu Mizo Union pawhin tha an ti a. Keini pawhin khami kan unaute tlema hnufual zual Mizo hnahthlakte enkawlna atana tun hma atanga Regional Council atanga Autonomous District Council-a alo kal pawh hi a tha kan ti a, dik pawh kan ti. Nimahsela Majority Foreigner tana Autonomous District pek erawh hi chu vawin ni thleng hian dik kan ti lova. Amaherawhchu, amahai Congress Sarkar laia an hotute ngei Central-a miten Constitutional means in fight theih a ni tih kha dik kan ti bawk. Chu chu kan kal anih chuan kan kal dan tur a ni reng a ni. Tin, Hill Tract hi Chakma ta an tih hi a diklo. A bik takin chhim lam side Hill Track phei chu Rayya hnuaiia British hun hun lai leh East Pakistan anih thleng pawh a a hnuaiia awm a ni.

Chakma House land chu Rangamati area a ni. Hill Track pumpui Chakma ta anga sawi hi a diklo reng reng. A Mizoram depah phei chuan Saichal tlangdung sir thlang deuha lui kam Horina area-ah sawn tlem an

an awm chauh a ni. A dang tam ber chu Mizoram dep hnai Saichal tlangdung a ni a. Vawi tam kan kaltlang a kan hrechiang a ni. Helam side-ah kan unauate an awm a. A piahah kan Bawm unauate nen an in phel a. An in kar Harina side-ah Chakma tlem chu an lo lut thei, an home land chu Chittagong Hill Tract ni lovin Rangamati-ah an Faja Pakistan atanga Bangladesh piah thlenga an Raja British hunlai atanga awm a ni. Hei hi a dikna tak chu a ni.

A pahnihaah chuan MDF te U.T. duh nen thawk hovin hma in la a. U.T. dilin phelsak tihna a ni min ti a. Election Alliance kan nei a, kha formula kha a dik agga kan ngai dawn anih chuan kan Congress unauate leh kan MNF 'N' unauate tun M.P. thlanah khan election an chuh hova. MNF 'N' policy leh an hotute thusawi kha dik a ni ti ta sela, Bhavan lilam tur Sub-Committee din sak tum ila an duh ka ring lo. Congress unauten Bhavan lilam hi tha an tih ka ring lo. A tha tice nena an thawhho avang. Khan Election Alliance a ni. Ideological alliance a nilo. Central-ah pawh Community leh Party dang an thawk, Congress leh a dang an thawh BJP leh Party dang an thawkho Baw, Election Alliance ah. Election Alliance an siam hian erawh chuan Sorkar kan siam ho anih chuan working formula erawh chu an nei. Chu chu an pahniha in commitna a ni. A hmaa communist ina an kaldan tur zawng zawng kha an thawhpuiten tha an ti ve tihna a nilo. Chutiang chiah chuan Bhavan lilam hi tha tihpui lo mahse, ar thawhpui avangin, tha an tihpui ta tihna a ni chuang lo. Chuvangin, Election Alliance neihpuitute an policy zawng zawng an zawm tihna a ni. Vawiinni thleng hian keinin kan dinmun a chu he U.T. a Mizoram sahthlak hi chu tha kan ti lo hrim hrim a ni.

A dawt leha he kan MPC, MNF Sorkar hi kum khat kan la kal miah lova. Kan Budget phei chu a hmawr kan hawng tan dek dek a. Hna kan thawk tan dawn chauh a. Vuina hman pawh ala awmlo. Chutichung chuan, chhimlam unauate phei chu midangah. Department-ah pawisa lo la rih suh u kan tihlai pawhin, Finance Minister ka nihna ang pawhin an khawngaihthlak e, sum a harsat kha tiin a bikin kan Release zel a ni. Chutikhawp chuan tan pawh kan la. Chubakah, Mizoram Budget pangngai Development Budget ina a cover vek hnuah a belhchhah nan heng District Council Fund hi nei an ni. Runduah hian Champhai bial a ni emaw, Serchhip emaw, Kolasib, Mamit a ni emaw, District Council (Autonomous) hi nei dawn sela, tuna State Budget pangngai belhchhah nan kumtina nuai za tel neih belh dawn se duhlo an awm lo. An duh vek. Chutianga mitinin kan duh ngawih ngawih, pek belh anni. Vawiinniah hian vuina ringawt zawn dawn chuan vuina tur a awm thei e. Mahse hei bak hi chu kan ramin Sorkar hmasa pawn alo tlin bik lo a ni a. Tunah mi pawhin tlin chin kan nei ang a. Kan ram budget leh development sumin a tlin ang zelin duhsakna pawh pek kan tum a, a pek pawh kan pe mek a ni. Chuvangin vuina tur ringawt pawh awmin ka hrebawk hek lo.

Tin, Chakma ziaak hmasak ber a ni si a, hemi hi an chawhchhiat chuan a hnuai ami pawh tih te kha, ziaak hmasak leh hmasak loh hi, khatianga mipui bum chi pawh a nilo. State te, District zawng zawng te hi Constitution, alphabetical order a dah a ni. Assam te chu ziaak hmasak a ni. 'A' a intan avangin, Chakma 'C' chu ziaak hmasak a ni. A dawta lo kal leh tur chu 'L' Lai a ni, a dawta lo kal leh tur chu 'M' Mafa a ni. Alphabetical order a ziah mai a ni. Chuvangin, heng hi thupuitling pawh a ni lo. House-a pharhchhuah chi pawh a ni bawh hek lo. Tin, reilote kan han Sorkar a, thil pakhat kan hriat chu, fimkhur ngai kan tih leh kan Home Minister pawhin a Resolution lak luh ngai a tih na hi. Nichina kan Minister zahawm tak Pu Rina'n an sawi ang khan, hmanah kan Sorkar reilote a kal a, chumi kum 1/2 chung chuan under ground group an awm hman tlat a ni. An lo chhuak a, an inpuang vek a, tutenge an mahni lo sympathese tu leh an silai lakna nen an inpuang anih kha. Reilote Opposition a awm pawh tlinlo kan ang khawp, kum 10 chuang awmte tan chuan a hrehawmzia kan hria. Underground Group a chhuak hman a ni. Mahse mipui support an nei ngang lova, an lo chhuak. Tunah reilote kum khat pawh tlinglo MPC, MNF ten Sorkarna kan siam Mizoram then-darhna tur tuh emawni, ni mai lovin, kan Member zahawm tak te leh kan Parliament Member Mizoram pum tana kan thlan ten Sub-Committee siamin a umzui tu tur an indin nghal a, Resolution nen an kal nghal a ni. Chuvangin, Mizoram hi kan fimkhur erawh chu a ngai a ni tih erawh chu heta tang hian a langin ka hria. Engatinge beidawng thiltih em ni tih ngaihtuahnaah pawh min thlentir thin. Mizoram mipuiin heti khawpa inthlanna hnawl kan nih a- vang hian headquarter hriatpuina pawh nisela, nilo sela kan local mipuite laka an sentiment kan chawh tho thei mahna. Chutilochuan helai bialah pawh hian kan chhe palh ang e tiin UT tiin an kal ta ringawt mai em ni? Ngaihtuah tham niin ka hria. Chuti anih phei chuan a hla leh zual a ni. Zoram mipuiin heti khawpa min hnawl tawh hna an huat ber, Zoram thendarhna hmanrua a kan hmang zui leh anih si chuan a dawta leh chu ngaihtuah tham tak a ni Enganga nasain hnawl ang maw tih kha ngaihtuah tur a awmin ka hria. Chuvangin, hei hi chu beidawng thiltih, mi mangang thiltih a ang khawp mai. Engpawh nise, Zoram mipuiin Mizoram hi thenhran an awih ka ring bawh hek lo.

Tin a dawta leha ka sawi leh duh chu hei hi policy thil lian a ni. Agriculture, Industry, Games & Sports thilah te chuan insu bur bur ila, in pa rty thidan a mawilo, in roreldan a diklo, in pawisa hman dan a dik lo tih te chuan insu bur bur ila, a dik a ni. Mahse, Mizoram hi thendarh ang tih hi chu a sahuat a ni. Mizoram mipui pawhir an haw reng a ni. Hei vang hian hei kher kher hi chu party headquarters in thuliana ngaihtuah chi a ni a. Ka tawng hi na lutuk ni lo sela, kei hi a hminga MNF Party President ka nihna angin sawi ta ila, ka Party elected representative M.L.A.

te leh kan MP ten MNF party MP lo nei ta ila, MNF Party MLA lo nei ta ila, chumite chuan kan headquarter hriat hauh loh in emaw, hriatin emaw, hriat hauh loh in ti teh ang, Mizoram hi thenhrang turin resolution lo siam sela, a umzui tu tur sub-committee in din nghal sela, ka party-ah chuan disciplinary action ka la ngei ngei ang. A subject hi a serious, a sensitive a ni. Ka la ngam lo anih tawh chuan President ni tlak ka nilo tihna a ni. Chuvangin thildang insawiselna a nilo. Mizoram thenhranna tur kan duhlo anih chuan chu sahuat rawn khawih tuah chuan kei president ka nih chuan disciplinary action ka lek ngei a tul a ni. Zoram mipui pawhin chutiang chuan min beisei ka ring. Ka lak ngam loh chuan ka party mipui pawhin president tlakah min ngaih ka ring bawh lo.

PU R. LALZIRI TANA : Pu Speaker, Talukdari kha MNF ah tunah hian in lawmlut tawh a, tahchuan action in la dawn em? U.T. diltu, hman a dil kha ala withdraw lo reng reng tunah hian ala awm reng a ni. Khawngaih takin kha kha min hrih teh.

PU ZORAMTHANGA CHIEF MINISTER : Pu Speaker, MNF an rawn zawm hian mi MNF in Congress a. an lo kal hian, MNF hi tha ka ti lova. Congress policy tha ka tih avanga rawn zawm ka ni an tih avanga lokal an ni. BJP in MPC a a zawm chuan BJP policy tha ka ti lova. MPC policy tha ka ti a ka rawn zawm a tih avanga rawn zawm a ni. Eng mipawh, eng party pawh Congress ani emaw MPC ani emaw eng party pawh nise MNF an rawn zawm hian a imply leh chianga chu MNF Party policy leh a kaldan hi tha ka ti a. Chuvangin hemi anga kal turin ka rawn zawm a tihna a ni. Chutianga mi an lo kal chuan party tinin kan lawm vek a ni. Mahse MNF party policy tha ka ti lo ti a, Lal hran bawl tum erawh chu MNF party pawhin tha kan ti lova. Disiplinary action kan la a. Party dang zawng zawng pawhin chu chu an ti a ni. Chu chu politic kalptung pangngai a lawm mawle, Pu Speaker. Chuvangin tunah pawh hian hei hi policy matters a ni a, a za lai, Mizoram tan a zalai a ni. Chuvangin tunah hian he kan House hian he Mizoram then darh tumna. District chu then darh a ni lo. Mizoram hnuai ah la awm. Chutiangan Autonomous District emaw khawilai Council emaw chuan Mizoram ala then darh lo. Administrative Convenient a ni. Chumi nilova, Mizoram atanga in lak hran tumna Mizoram then darhna eawh hi chu a paw em em a, a tiak tir atangin he House hian kan duh lova, kan do dawn ani tih kan entir a ni. Party zawng zawng leh Zoram mipui ten kan duhlo a ni tih hi a taka kan entir ngam loh chuan Mizoram hi nakinah a a keh ang tih a hlauhawm a, tin an ngam theuh dawn bawh avangin a keh pawh a keh lovang. Chuvangin, Zoram then darh a nih lohna turin he kan policy

matters kan Home Minister zahawm takin a a rawn putluh, he Mizoram thendarh hi engti kawng mahin kan phal dawn lova, a tul angin kan dodal zel dawn a ni. Kan pass ngei ngei tur Mizoram leh a mipui te mamawh a ni tih hi kan hriat a kan pass tlan a thain ka hria, ka lawm e.

* Speech not corrected.

S P E A K E R : Resolution puluttu Home Minister Pu Tawnluia thu tlem sawi turin i sawm ang.

PU TAWNLUIA MINISTERS : Pu Speaker, taima takin Member zahawm tak takte kan official resolution sawi hovin vawiin niah hun kan hmang a, a awmzia chu he resolution hi a pawimawh a, Zoram leh hnam dinchhuahna hnuk a ni tih hria a thahnemngai taka kan member zahawm tak takte in awm avangin lawmawm ka ti a, mahse hetiang ang resolution putluh ngai khawp a hnathawk tute tunhunah hian kan awm lova. House an chhuahsan erawh hi chu House zahlohna leh palzutna a tling thei hialin ka hria a ni. Kan House Leader leh kan Deputy Leader ten ngunthluk takin engkim an rawn sawi tawh a, tin kan Law Minister pawhin a tul anga clarify ngaite a rawn clarify tawh bawka, resolution pulut tu ni mahila sawibelh tur tam tak a awm karah a tul zual a chu kan ngaithla tawhin ka hria a.

Pu Speaker, kan sawilan duh chu Mizoram hlep thla a, Autonomous District Council area pathum hlepthla a, U.T. dila chumi tihhlawhtling tura chu pass a, bawhzui tura he House a kan Member zahawm tak tak te kut ke ber leh sulsutu a an tang hi Mizoram mipuite zahlohna leh he House zahlohna niin ka hria a ni. An tawngkam te kha in lo chhinchhiah vein ka ring a. Tuipang bialtu zahawm tak khan UT an dilnaah hian hnungtawlh kan tum lo a ti a. Chutiang chuan an tawng pawh a chaltlai hle a ni. Tunah hian Mizoram hlepthla a, U.T. ramhrang, rorelna hrang, kan thuneihna pihlama siam tur hian Zoram mipuite hian an phal lova. Chumi avang tak chuan he Official Resolution hi rawn putluh a ni. Chuvangin, tunah hian united Lai, Mara and Chakma District Congress Committee hruaitu ten Mizoram hlepthla a U.T. an dilna hi a pawm theih loh va. Chumi tihhlawhtling tura hmalakna kawng pawh chu a theih ang kawng zawng zawngin kan dodal dawn a ni tih hi Zoram mipuiten kan hriat theuh a pawimawhin ka hria a ni.

Tin, vawiinniah hian kan Member zahawm tak Pu Zakhu Hlychho chu U.T. Demand Sub-Committee convener a ni a, kan member zahawm tak Pu Nirupam Chakma

chu member a ni a, Kan Member zahawm tak Pu C.Thanghluna te, leh Pu K.T.Rokhaw, MLA te pawh member an ni a. Kan sitting MLA Rajya Sabha Pu Hiphei, M.P. pawh member a ni. Elected representative bial aiawha mipui tena kan duh ang taka kan thlan lal ten waviinniah hian Mizoram hlehthlak an tum anih si chuanin Zoram mipui ten chu Party a leh chu hruaitu te chu tutenge an nih kan hriat a, kan mal-mak ngam hi a va pawimawh em. Chutiang ang party chuar. Zoram hi an kaihhruai mipui ten an phal ka ring hauh lo. Chubakah Mizorama kan tlawngai pawh lianber Central Y.M.A. ina an Resolution leh an thusawidan kalh a, Lai leh Mara District Council tepawh tinzawn zela an puhchhiat na hi Zoram thalaite hian an hriatthiam theih ka ring mawlh lo a ni. Chuvangin, a inbi tum zawng leh a in chophawk zawnga hetiang a huangtau taka Zoram mipui te leh leilung min rawn nek tute hi a Party Congress te leh a hruaitute hi tute nge annih Zoram mipui ten an hriatfiah ka beisei a ni. Chuvangin, Pu Speaker, vawilin nia kan Official Resolution he House hian tun hnaia Political Party thenkhat ten Mizoram thendarh a U.T. dil an rel hi tha a tilo tak zet a, hetiang a Mizoram thendarh tumna hi engtikawng mahin a remti ngai dawnlo a ni. Chutiang thendarh tumna chu a tul ang zelin a dodal tlat dawn a ni tih hi he House zahawm tak hian min pass ka rawn ngen e.

* Speech not corrected.

PU R. LALZIRLIANA : Ru Speaker, kan Resolution, Official Resolution an rawn putlulh siamthat leh ka rawt kha mi zawng zawng, Mizoram thendarh tum tute huap zova he Resolution hi siamthat ka rawn rawt kha khawngaih takin min pawmpui thei em? In pawm theilo anih chuan ka pass pui thei lo che u a ni.

S P E A K E R : ~~Shan~~ chuan Session hmasa khan ka hrilh tawh che a. Dan hi heng pulut tur ringawt hi chuan MLA zahawm takin ni a. Dan hi hriat tum ula. Dan ang hian ti ula, kan ngaihtuah tur a ni a. Tunah pawh Dan ang lovin i rawn ti a, tun hnuah hi chuan kan ti dawn lo. Amendment insiam dawn anih chuan in rawn ti tur a ni. Heng dan hi chu hriat hram hram i tum hlawm ang u

Awle, hei kan Resolution Home Minister rawn putlulh hi a pawimawh hle mai a. He House hian tun hnaia Political Party thenkhat ten Mizoram thendarh a, U.T. dil an rel hi tha a ti lo tak zet a. Hetiang a Mizoram thendarh tumna hi engtikawng mahin a remti ngai dawnlo a ni. Chutiang thendarh tumna chu a tul ang

zelin a dodal tlat dawn ani tih Home Minister rawn putluh hi remti apiangin "Remti" ti rawh ule. Remti lovin "Remti lo" ti rawh ule, Awle, pass kan remti anih chu kan Resolution chu kan pass a ni.

PU TAWNLUIA : Pu Speaker, ka lawm e.
MINISTER

S P E A K E R : Hei kan Business BAC ina a lo ruahman dan chuan Govt. Business dang Bill te lo lut chho tur a ni ang a. Ni 29 leh 30 hi chumi hun atan chuan hmang ila a lo ti a. Mahse Bill lo lut leh Govt. Business dang kan hmu lova, kan danin a phut angin hetiang a lo awm tak loh chuan kar House hi tih tawp mai kan remtih leh tih loh House ngaihdan lak a ngai a. Engtingge ni ang ? Business kan nei tawh lova.

PU ZORAMTHANGA : Pu Speaker, Business dang kan
CHIEF MINISTER neih loh chuan tihtawp mai a tha lawm ni ?

S P E A K E R : Ngaihdan dang nei kan awm em ?
Aw, kan awm loh chuan House adjourn "Sine die".

Meeting adjourned 5:15 P.M.